

爾雅郭注義疏

爾雅郭注義疏中之一

棲霞郝懿行學

釋宮第五

釋名云宮穹也屋見於垣上穹隆然也室

居而野處後世聖人易之以宮室上棟下宇以待風雨此篇所釋上至梁桴下窮瓴甌及連籜別爲臺榭以至展序位宇途路隄梁靡不依類而釋之事繫於宮故總曰釋宮

宮謂之室室謂之宮

皆所以通古今之異語明同實而兩名

說文云宮室也室實也从宀从至至所止也考工記匠人云室中度以几宮中度以尋此是對文至於散文則通故詩定之方中傳室猶宮也楚辭招魂篇注宮猶室也古者宗廟亦稱宮室公羊文十三年傳魯公稱世室羣公稱宮詩云公侯之宮又云宗室牖下皆宗廟也賁賤皆稱宮室故詩斯干序云宣王考室

也內則云由命士以上父子皆異宮詩云入此室處又云上入執宮功爾雅釋文古者貴賤同稱宮秦漢

以來惟王者所居稱宮焉書泰誓正義引李巡與郭同

牖戶之閒謂之展窗東戶西也禮云斧展者以其所在處名之其內謂之家

今人稱家義出於此東西牆謂之序別內外

釋名云展倚也在後所依倚也書設牖展綴衣牖閒南嚮不言戶者省文耳牖閒即牖戶之閒故正義引

李巡曰謂牖之東戶之西為展觀禮云天子設斧依于戶牖之閒鄭注依如今綈素屏風也明堂位注斧

依為斧文屏風於戶牖之閒釋器云斧謂之黼是黼與斧展與依並音同字通也石經尚書殘碑作黼衣

即展字之省魏書李謐明堂制度論引鄭氏禮圖說展制曰縱廣八尺畫斧文於其上今之屏風也然則

屏風與展形制同但屏風不畫為異古者屏風通名為依故詩既登乃依鄭箋公劉既登堂負依而立士

虞禮記云佐食無事則出戶負依南面是皆屏風稱
依依即展也唯天子畫斧文於上故獨名黼展耳○
家者說文云居也居處也其內謂之家者內謂牖戶
以內也詩經正義引李巡曰謂門以內也門即戶不
言牖者亦省文也○序者說文云東西牆也書顧命
正義引孫炎曰堂東西牆所以別序內外也御覽一
百人十五引舍人曰殿東西堂序尊卑處按東西堂
即東西廂義見下文舍人本牆蓋作廂故書正義及
文選後漢書注御覽並引爾雅作東西廂
從舍人本也郭從孫炎本作牆與說文合

西南隅謂之奧

室中隱處

西北隅謂之屋漏

詩曰尚不媿于屋漏其義

未詳

東北隅謂之宦

宦見禮亦未詳

東南隅謂之窻

禮曰埽室聚窻窻亦隱間

奧者說文云宛也樂傳宛室之西南隅釋名云室中
西南隅曰奧不見戶明所在祕奧也論語皇侃疏云
奧內也謂室中西南角室向東南開戶西南安牖牖
內隱奧無事恆尊者所居之處也書堯典正義引孫

炎云室中隱奧之處也郭注同釋文與本或作奧○
屋漏者釋名云西北隅曰屋漏禮每有親友者輒撤
屋之西北隅薪以爨竈煮沐供諸喪用時若值雨則
漏遂以名之也御覽一百八十八引舍人曰古者徹
屋西北扉以炊浴汲者訖而復之故謂之屋漏也詩
抑箋云屋小帳也漏隱也禮祭於奧既畢改設饌於
西北隅而扉隱之處此祭之末也按釋言云扉陋隱
也陋漏聲同是鄭所本正義引孫炎曰屋漏者當室
之白日光所漏入然則諸家之說劉熙孫炎以漏射
爲義鄭君舍人主扉隱爲言金鶚屋漏解云屋之西
北隅有向向北出牖也日光白牖中漏入故名屋漏
不得如鄭破屋爲幄及僭釋言漏隱爲說余按僭漏
爲陋鄭義爲長○宦者說文云養也室之東北隅會
所居按宦與頤同釋詁頤訓養也云會所居者古人
庖廚會閣皆在室之東北隅以迎養氣故御覽引舍
人曰東北陽氣始起萬物所養故謂之宦釋文引李
巡義與舍人同郭云宦見禮者今未聞曲禮正義引
孫炎云宦日側之明益日在西南爲戾反照東北隅

而益明是孫義乃謂宦之所枉正當日昃之明非卽
以明訓宦正義誤會而便以宦爲明則謬矣○窆者
說文作官云戶樞聲也室之東南隅穴部窆云官窆
漢也是官爾雅段借作窆故釋名云東南隅曰窆窆
幽也亦取幽冥也與說文合爾雅釋文从宀作窆誤
矣郭引旣夕禮云埽室聚諸窆釋文誤與爾雅同別
作突漢書敘傳云守突奧之焚燭應劭註引爾雅東
南隅謂之突又或作突御覽引舍人曰東方萬物生
勢蟲必出必畢無不出戶突是舍人本窆作
突據突突二字俱从穴可知窆古本正作窆

柎謂之闕闕門限棖謂之楔門兩旁木檜謂之梁門戶上橫梁樞謂

之樞門戶樞達北方謂之落時門持樞者或達北樞以爲固也落時謂

之卮道二名也

闕者說文云門楣也楣限也經典楣通作柎詩丰正
義引孫炎曰柎門限也按楣从肩聲古音同切爾雅

釋文：棟，郭千結反。卽切，字之音。古謂門限爲切，故考
工記：輪人鄭衆注：眼讀如限，切之。音古，謂門限，卽門限也。
漢書：外戚傳云：切皆銅沓。黃金塗集注：以切爲門限。
切通作砌。廣雅云：切，皆銅沓。黃金塗集注：以切爲門限。
門：僦，僦，是，扶，聲，之，轉，耳。然則，扶，切，聲，同。切，僦，聲，轉，今
登，萊，人，亦，有，門，僦，之，言，矣。○，棖，者，釋，文，及，詩，正，義，引
李，巡，曰：棖，謂，相，上，兩，旁，木，王，藻，云：大，夫，中，棖，與，闌，之
閒，鄭，注：棖，門，楔，也。論，語，皇，侃，疏，云：門，左，右，兩，棖，邊，各
豎，一，木，名，之，爲，棖。棖，以，禦，車，過，恐，觸，門，也。然，則，棖，訓
爲，觸，文，選，祭，古，豕，文，注：南，人，以，物，觸，物，爲，棖。是，其，義
也。楔，者，說，文：楔，楔，互，訓，繫，傳，引，爾，雅：而，申，之，云：卽，今
府，署，大，門，脫，限，者，兩，旁，斜，柱，兩，木，於，楹，之，端，是，也。據
繫，傳，說，是，楔，訓，爲，柱，其，音，當，先，結，切，如，楔，荆，桃，之，楔，恐
讀，而，義，亦，如，之。釋，文：作，楔，古，點，反。讀，如，楔，荆，桃，之，楔，恐
非，矣。○，楣，者，說，文：作，楣，古，點，反。讀，如，楔，荆，桃，之，楔，恐
橫，木，門，上，樞，鼻，所，附，或，亦，連，兩，鼻，爲，之，以，冒，門，楣，也。
按，說，文：以，樞，爲，楣，卽，下，文，檐，謂，之，楣，其，門，上，之，相，橫
木，爲，孔，以，貫，樞，楣，之，言，冒，冒，在，門，上，今，登，萊，謂，之，門

梁江浙謂之門龍皆是此物經典相俱作榴故公食

大夫禮云公當榴北鄉卷服四制云高宗諒闇誰儼

梁鄭注竝云榴謂之梁是許鄭義異釋文兩存其字

故云榴忘悲反又云或作榴報反榴榴聲亦相轉

○樞者說文云戶樞也又云門樞謂之樞淮南原道

篇注樞本也御覽一百八十四引孫炎曰門戶扇樞

開可依蔽為樞也然則樞之言樞樞也依隱之義

○樞達北方者戶在東南其持樞之木或達於北方

者名落時落之言絡連綴之意郭云達北樞以為固

者樞復屋棟也○厄者說文厄本或作厄同音俟王

篇厄牀已切砌也引爾雅曰落時謂之厄厄

亦作厄厄按厄訓砌蓋別一義釋文厄或作厄

堦謂之坵在堂隅牆謂之墉書曰旣

坵者說文云毀垣也是垣亦名坵釋文坵本又作度

按度閤也置也音義與祭山曰廢縣之廢同坵者說

文云屏也屏猶障也累土以為障蔽也禮坵有五明

堂位云反坵出尊此反爵之坵也又云崇坵康圭此

坵佳宅坵中一釋宮

日

日

亢圭之玷也二玷皆在廟中兩楹之間旣夕記云設
櫨于東堂下南順齊于玷士冠禮云執以待于西玷
南鄭注玷在堂角此二玷皆在堂之東西隅內則說
閣之制云士于玷一此度食之玷近於庖廚當在室
之東北隅兩雅境謂之玷實兼諸義而言郭氏但主
堂隅之玷疏矣云玷瑞也者釋文瑞作端達結達計
二反云高貌也或作端丁果反本或作端說文云
牆垣蔽也墉城垣也以城爲墉者易之高墉詩之崇
墉義皆訓城故詩皇矣良邦傳竝云墉城也省作庸
崧高傳庸城也按城雖墉之一訓但墉實牆之通名
故詩行露傳及士冠士昏禮注竝云墉牆也書旣勤
垣墉詩何以穿我墉俱汎說牆垣不指城垣而言故
釋名云牆障也所以自障蔽也墉容也所以蔽隱形
容也書大傳云天子貢庸鄭注牆謂之庸席亦墉矣

鏤謂之枋

泥

榱謂之榱

斫木

地謂之黝

地也

牆謂之墍

白飾
牆也

鏤者說文云鐵朽也或从木作鏤云朽也朽所以涂也秦謂之朽開東謂之椳按鏤古蓋用水後世以鐵今謂之泥匙釋文引李巡云泥鏤一名朽塗工之作具是也朽本作身釋文又音胡然則鏤朽猶言模餉亦言漫畫俱一聲之轉釋文鏤又作塏經典朽或作巧左氏襄卅一年傳云坊人以時塏館宮室塏塏亦聲相轉○樵者斫木橫也榰者詩云方斲是虔鄭箋用爾雅正義引孫炎曰樵斲材質也郭與孫同文選擣衣詩注引爾雅作砧謂之虔砧榰俱俗體字質作橫亦俗體也○勳者說文云微青黑色引爾雅文聲俗作幽見釋器黑謂之勳下○堊者說文云白涂也釋名云堊亞續也次也先泥之次以白灰飾之也一切經音義十一引蒼頡篇云堊白土也按飾牆古用白土或用白灰宗廟用屨灰故掌屨注謂飾牆使白之屨也賈疏白盛主於宗廟堊牆也

檣謂之杙

也

在牆者謂之樨

禮記曰不敢縣

於夫之樨

旒

在地者謂

之梟

即門

大者謂之槩長者謂之閣

別槩所在長短之名

代當作弋說文弋槩互訓詩兔置正義引李巡云代謂槩也是郭所本槩者說文云弋也周禮牛人注職讀爲槩槩謂之杙可以繫牛左氏襄十七年傳云以杙挾其傷按說文云弋象析木義銳箸形故傳言挾傷禮言繫牛皆以其形銳可桷於地爾雅以爲木槩之通名故內則正義引李巡曰槩謂槩杙也釋文槩音特又之力反玉篇亦兼二音○槩者郭引內則云不敢縣於夫之樨施鄭注樨杙也正義曰樨曰樨引爾雅然則樨植於牆即杙之別名故考工記匠人注引爾雅作在牆者謂之杙杙即樨矣○梟者說文以爲射準的是梟植於地與爾雅合郭以爲門槩則與闌同胡培翬曰梟與匠人之槩同闌姪鑠謂於平地之中樹八尺之梟以規識日景非門中之闌鄭氏考工記注甚明爾雅旣云在地者謂之梟又云槩謂之闌是梟與闌殊郭氏以門槩釋梟則謬矣○槩者御覽三百卅七引埤蒼云槩大弋也文選景福殿賦云

變拱夭矯而交結李善注拱欒類而曲也夭矯欒拱
長壯之貌然則拱之言拱柱上料拱所以拱持梁棟
故廣韵云料柱上方木也帝範審官篇注引爾雅注
曰拱杙也大者謂之拱料也○開者卽下文云所以
止屏者也又內則注開以板爲之皮倉物也是
皮物之閭與止屏之開皆長木故二者同名

閭謂之臺積土有木者謂之榭
臺上起屋

釋言云閭臺也臺有城臺門臺詩出其東門傳云閭
城臺也禮器云天子諸侯臺門鄭注閭者謂之臺是
門臺城臺俱名閭矣詩釋文引孫炎云積土如水渚
所以望氣祥也月令及禮器注並闌下有者字疑此
脫去之○榭者謂臺上架木爲屋名之爲榭古無榭
字俗謝爲之左氏宣十六年經成周宣榭火釋文榭
正作謝穀梁及禮運釋文並云榭本作謝皆其證也
書秦誓正義引李巡曰臺積土爲之所以觀望也臺
上有屋謂之榭郭注本李巡其云積土四方者據下
文云四方而高曰臺也又云無室曰榭彼榭謂堂堦

此謂臺上起屋所以不同

雞棲於弋為櫟鑿垣而棲為埭今寒鄉穿牆

櫟當作桀弋即機也今田家村落或桀弋於壁或聚柴於庭齊民要術云雞棲據地為籠籠內作棧是其象也埭者說文及詩君子役傳俱用爾雅正義引李巡曰別雞所棲之名寒鄉鑿牆為雞作棲曰埭按今人家棲雞亦爾

植謂之傳傳謂之突戶持鎖植也見埭篇

植者說文云戶植也淮南本經篇云縣聯房梠高誘注植戶植也墨子非儒篇云爭門關挾植然則植為立木所以鍵門持鎖古人門外閉訖中植一木加鎖其上所以鍵此兩邊固其鍵閉其木植故謂之植又可傳移故謂之傳傳之言轉也又謂之突釋文本或作揆蓋或體字依義當作突謂其突然立也其制如

今匱櫝中閒立木及官署門閒皆有之一切經音義引三蒼云戶旁柱曰植說文繫傳以爲橫鍵所穿木是矣

柴廂謂之梁

屋大梁也

其上楹謂之棖

侏儒柱也

開謂之枅

柱上枅也

亦名枅

栴謂之案

卽櫨也

棟謂之桴

屋桴也

栴謂之榱

屋榱也

栴直

而遂謂之閼

謂五架屋際椽正相當

直不受檐謂之交

謂五架屋際椽不直

上檐交檐謂之櫨

屋櫨

梁者屋之大梁柴者說文云棟也引爾雅文又云廂中庭也玉篇云屋廂也又作雷釋名云中央曰中雷

古者窳穴後室之雷當今之棟下直室之中然則廂爲中央之名柴本棟名柴廂中央斯謂之梁說文以

棟訓柴非以柴爲梁也又釋名云桴或謂之望言高

可望也或謂之棟是棟一名望望柴聲同望卽柴矣

○榼者柱也。榼者明堂位正義引李巡曰：梁上短柱也。一作榼。王篇云：榼，梁上榼。儒也。梁上短柱也。榼，儒猶侏儒短故以名之也。淮南主術篇注：侏儒，梁上戴蹲跪人也。禮器注：用爾雅正義引孫炎云：梁上侏儒柱。郭義同。○開者說文云：門，樞也。玉篇作拊云：門柱上樞也。亦作開。是說文門下脫柱上二字。當以玉篇訂正之。榼者，玉篇云：拊也。御覽一百八十八引爾雅作拊，謂之疾。蓋拊，拊形近拊。并聲同，所以致譌。疾亦拊耳。又引舍人曰：朱儒下小方木。今按：下當作上。字之誤也。說文繫傳云：斗上承棟者，橫之似拊。然則拊，卽拊也。郭又曰：榼者，本三蒼借亦省也。柱頭交處橫小方木，令上下合，故謂之榼。作榼亦或體也。○榼者，說文云：屋，拊上標也。引爾雅曰：榼，謂之榼。又云：榼，樞也。禮器及明堂位正義引李巡云：榼，謂樞也。一名榼，皆謂斗樞也。然則榼與榼，木一物而兩名。案言其標則榼，言其本謂之斗樞。者言方木似斗形而拱承屋棟，故釋名云：斗，托欂兩頭如斗也。斗負上員榼也。爾雅釋文：案音節，舊本及

論語禮記皆作節禮器正義引孫炎作節李巡作竊
郭本从李巡○棟者說文云極也極棟也釋名云棟
中也居屋之中也按極亦訓中故棟極二字說文互
訓梓者說文棟名郭云屋樑者今人名棟曰樑或曰
春樑釋名云樑隱也所以隱樑也然則樑之言隱卽
知樑之言浮浮高出在上之言也○樑者說文云樑
也按方曰樑引春秋莊廿四年傳曰刻桓宮之樑穀
梁釋文方曰樑圓曰樑釋名云樑樑也其形細而疏
砌也或謂之樑樑傳也相傳次而布列也或謂之樑
在樑旁下列衰衰然垂也說文云秦名爲屋樑周謂
之樑齊魯謂之樑帝範審官篇注引爾雅注曰樑樑
也一曰屋角斜枋一曰樑也所引蓋舊注之文與孫
郭異樑又樑名以爲樑非也○閭交者別樑長短之
名也樑之長而直達於樑者名閭閭歷也言歷於樑
前也其短而不直達於樑者名交交接也言接於樑
上也郭云五架屋者鄉射記注云是制五架之屋也
正中曰棟次曰樑前曰殿今按五架之制通乎上下
唯堂有廣狹樑有長短爾雅因別其名耳○樑者說

之乏所以為獲者御矢也是皆郭義所本但爾雅方
釋宮室與射無關荀子正論篇云居則設張容負依
而坐楊倞注引此文及郭注而申之云言施此容於
戶牖閒負之而坐也是容與扆同扆為屏風容唯小
曲為異爾雅容謂之防正指此言古人坐處皆有容
飾故車有童容所以障蔽其車居設張容所以防衛
其室張與帳同容即今之圍屏其形小曲射者之容
蓋亦放此鄉射禮注容謂之乏此云容謂之防防乏
異名始非同物郭不據荀
子而援周禮蓋為失矣

連謂之移

堂樓閣邊小屋今
呼之移廚連觀也

移當作移說文云禾相倚移也按倚移猶延施皆相
連及之意逸周書作雒篇云設移旅楹孔晁注承屋
曰移然則爾雅古本作移魏晉以後始加竹為移故
御覽一百八十四引通俗文云連閣曰移郭云移廚
連觀竝據時驗而言知魏晉人始有移字也釋文移
丈知反則與謔同說文謔離別也周景王作洛陽謔

臺徐錯繫傳即引爾雅此注為釋但離別與連義差遠移字古本作移當讀如字

屋上薄謂之筵

屋

薄即簾也以葦為之或以竹屋上薄亦然謂之筵者玉篇云筵屋危也屋棟為危以至高而得名郭云屋竿者說文竿迫也杜瓦之下笏上釋名云竿迫也編竹相連迫迫也匠人注云重屋複竿也蓋凡屋皆有竿重屋故複竿矣

兩階閒謂之鄉

人君南鄉當階閒

中庭之左右謂之位

羣臣之列位也

門屏之閒謂之宇

人君視朝所宇立處

屏謂之樹

小牆當門中

兩階者堂之東西階也人君嚮明而治當兩階閒而南鄉因謂之鄉郊特牲云君之南鄉答陽之義也文選魏都賦云肅肅階闕李善注引爾雅曰兩階閒曰闕許亮反是闕鄉同○中庭者聘禮云公揖入立于

中庭又云擯者還中庭皆舉中以表左右也位者說
文云列中庭之左右謂之位本爾雅文增一列字其
義尤明也左右猶東西羣臣列位處位卽所立之位
古者君臣皆立論語東帶立於朝曲禮天子當依而
立小宗伯注古者立位同字古文春秋經公卽位爲
公卽立也金鶚求古錄云三朝惟內朝有堂階則庭
指內朝路寢庭也凡言庭皆廟寢堂下聘禮中庭謂
廟堂下之庭燕禮中庭謂路寢堂下之庭若治朝外
朝皆無堂則亦無庭而名之曰廷所謂朝廷也庭與
廷有別治朝外朝旣無庭則所謂中庭之左右曰位
者必內朝矣○寧者釋名云寧佇也將見君所佇立
定氣之處也曲禮云天子當寧而立正義引李巡曰
門屏之間謂正門內兩塾閒名曰寧孫炎曰門內屏
外人君視朝所寧立處也正義又云諸侯內屏在路
門之內天子外屏在路門之外而近應門金鶚駁之
云天子外屏此言出於禮緯鄭注禮記引其說未可
信也太微垣有屏四星在端門內此天子內屏之象
也又云凡門皆有屏惟皋門無之應門內有屏故寧

在門屏之間門卽應門也今按外屏之說亦見淮南書金氏駁之是矣又人臣朝位古亦名寧詩云俟我于簪左氏昭十一年傳云朝有簪定周語云大夫士日恪位簪著毛傳及韋昭注俱用爾雅是簪寧通○屏者說文云屏蔽也釋名云屏自障屏也一切經音義廿引蒼頡篇云屏牆也是屏以土爲牆卽今之照壁故論語皇侃疏云今黃閣用板爲鄣古者未必用板或用土御覽一百八十五引舍人曰以垣當門蔽爲樹曲禮正義引李巡云垣當門自蔽名曰樹郊特牲云臺門而旅樹鄭注樹所以蔽行道又引管氏樹塞門塞猶蔽也淮南主術篇云天子外屏所以自障高誘注屏樹垣也引爾雅曰門內之垣謂之樹此所引非本文蓋亦駁外屏之說耳明堂位注用爾雅而云今桴思也按釋名云罽罽在門外又云蕭牆在門內蕭肅也臣將入於此自肅敬之處也是蕭牆卽屏劉熙以爲非卽罽罽與鄭異也吳語云越王入命夫人王背屏是寢門內亦有屏矣

開謂之門

詩曰祝祭于祊

門廟門也開說文作𡩂或作祊云門內祭先祖所以
徧徃詩楚茨傳祊門內也箋云孝子不知神之所在
故使祝博求之平生門內之旁待賓客之處然則祊
在門內禮器云為祊乎外蓋以門內對廟中為外耳
鄭以祊為釋祭郊特牲注遂謂祊之禮宜於廟門外
之西堂此二注似皆失之祊與釋本二祭祊又不
廟門外也左氏襄廿四年正義引李巡曰祊故廟門
名也孫炎曰祝祭于祊謂廟門也按郊特牲索祭視
於祊注云廟門曰祊正義以為釋宮文禮器正義亦
引釋宮云門謂之祊脫廟字參以李孫二注竝以廟門
釋祊疑爾雅古本當作廟門謂之祊賴有注疏可證
惟左傳正義引爾雅與今本同或後人據今本改耳

正門謂之應門

朝門

應門者詩絲傳云王之正門曰應門毛知惟王曰應門者以書言康王朝諸侯於應門之內而明堂位言庫門天子皋門雉門天子應門明天子曰皋應諸侯曰庫雉也正門者正猶中也言應門居內外之中明皋門爲外門路門爲內門也知應門爲朝門者以君每日視朝在應門內路門外其地爲正朝故匠人注應門謂朝門也詩縣正義引孫炎與鄭注同箋云諸侯門曰皋應天子加以庫雉明堂位注又云天子五門皋庫雉應路魯有庫雉路則諸侯三門與今按鄭於箋注說已不同參以諸家說又互異諸侯三門饒無成文天子五門亦無明證故戴氏震考古記補注據明堂位及詩絲傳斷以天子之門不聞有庫雉諸侯之門不聞有皋應又云天子諸侯皆三朝三門其說甚的可以匡鄭之失矣

觀謂之闕

雙闕

闕者說文云門觀也觀者釋名云觀觀也於上觀望也闕闕也在門兩旁中央闕然爲道也詩子衿正義

引孫炎曰宮門雙闕舊章懸焉使民觀之因謂之觀
今按詩言城闕孫必知此闕在宮門者以城闕無觀
宮闕有觀是為異耳故禮運言祭蠡事畢仲尼出遊
於觀之上鄭注觀闕也蓋蠡饗之禮兼祭宗廟廟在
雉門內觀設門兩旁故出遊其上春秋定二年雉門
及兩觀災雉門即宮門觀在門旁故災及之然則諸
侯之闕在雉門即知天子之闕在應門矣穀梁桓三
年傳云禮送女母不出祭門諸母兄弟不出闕門祭
門謂廟門則闕門謂宮門也

宮中之門謂之闔謂相通其小者謂之閤小門也闔謂之閤謂相通

大小衙門謂之閑左傳曰盟諸僖

闔者說文云宮中之門也周禮保氏注闔宮中之巷
門左氏閔二年傳賊公於武闔杜預注宮中小門謂
之闔哀十四年正義引孫炎曰宮中相通小門也後
漢書陰皇后紀宦者傳注引爾雅之門竝作小門必

闔能危中一釋宮

知閤爲小門者以哀十四年左傳攻閤與大門對大
門言知閤爲小門也士虞禮記注閤門如今東面掖
門是漢掖門卽古閤門矣匠人注廟中之門曰閤士
冠禮注婦人入廟由閤門雜記云夫人至入自閤門
是閤門使婦人出入因知宮中廟中俱有閤門也○
閤者說文云特立之戶上園下方有似圭儒行云筆
門圭竊鄭注圭竊門旁竊也穿牆爲之如圭矣是圭
閤同公羊宣六年傳有人荷畚自閤而出者又云入
其大門入其閤是閤爲小門也閤當作閤說文云門
旁戶也按閤爲特立之戶不在門旁其閤必云門旁
不特立者以閤又小於閤耳公羊宣六年疏引李巡
曰皆門戶大小之異言於小之中又分大小也古者
閤閤連言多不分別故楚辭逢尤篇注閤閤也漢書
汲黯傳臥閤閤內不出蟻蟻調字文翁傳教令出
入閤閤公孫宏傳開東閤以延賢人集注閤者小門
也東向開之是則閤有東西面隨所任以爲名後世輔
臣延登謂之入閤或稱閤下義本於此作閤非○衙
者說文作閤云里中道从罷从共皆在邑中所共也

篆文作巷閤巷門也按下文宮中街謂之盡郭注巷
閤閒道是閤閒旁有道通名閤不獨里中爲然故左
氏成十七年傳云蒙衣乘輦而入於閤正義引孫炎
曰街舍閒道也李巡曰閤街頭門也是宮中街亦名
閤因而廟中門亦名閤左氏襄十一年傳乃盟諸僖
閤杜預注僖宮之門逸周書皇門篇云周公格左閤
門孔晁注路寢左門也是宮廟門皆名閤又左氏昭
廿年傳及閤中杜注閤曲門中據上文言郭門是郭
門亦名閤文選魏都賦注引爾雅曰閤巷門
也一日閤門中所從出入也蓋本爾雅舊注

門側之堂謂之塾

夾門堂也

塾者詩絲衣正義引白虎通云所以必有塾何欲以
飾門因取其名明臣下當見於君必熟思其事也學
記云古之教者家有塾書顧命有左右塾土冠禮有東西
塾庶老坐於左塾書願命有左右塾土冠禮有東西
塾絲衣傳云基門塾之基匠人注云門堂門側之堂
是自天子以至士庶皆有塾也一門凡四塾外塾皆

南鄉內塾皆北鄉夾門東面因謂之東堂面堂故絲衣正義引孫炎曰夾門堂也錢氏荅問以說文無塾字而云墀即塾也但墀為射泉之名塾是門堂之號施用既異名義亦殊且塾字由來已久或者經典塾字古止作孰取孰思其事之義如白虎通所云後人加土作塾耳

櫨謂之闌

闌門

闌謂之屏

公羊傳曰齒著於門闌

所以止屏謂之閣

門辟旁長櫨也左傳曰高其闌閣閣長棧即門櫨也

闌者曲禮云由闌右士冠禮云布席於門中闌西鄭注竝以門櫨為釋櫨是豎木設於門中其旁曰棧其中曰闌玉藻云大夫中棧與闌之間蓋門中閒豎一短木東曰闌東而曰闌而闌古文作桺灋注冠所以門必設棧與闌者以為尊卑出入中閒及兩旁之節制知桺為豎木者莊子達生篇云吾處身也若厥株拘釋文引李云厥豎也厥即櫨之省文知櫨為豎木矣說文以櫨為門梱廣雅亦云櫨闌朱也朱與梱同

是皆郭注所本循文考義胥失之矣柵是門限橫木
為之闌是門檄豎木為之說者多誤惟禮鄭注得之
○闔謂之屏者說文云闔門屏也扇屏也屏戶扇也
左氏襄十七年傳云以枚數闔廿八年傳云子尾抽
柄擊屏三杜預注屏門闔也是闔屏皆謂門扇月令
注云用木曰闔用竹葦曰扇蓋對文則別散則通也
○閣者說文云所以止扉也上云棧長者謂之閣此
閣以長木為之各施於門扇兩旁以止其走扇故郭
云門辟旁長楸也釋文閣作閤云本亦作閤又云郭
注本無此字蓋陸德明據誤本作閤反以作閤為非
郭引襄卅一年傳云高其閤釋文亦據誤本作閤
而反議作閤者為穿鑿此皆謬也玉篇引爾雅作閤
廣韻引作閤
與陸本同

瓠

謂之甕
甕也今江

甕者說文云令甕也引詩中唐有甕防有鵲巢正義
引李巡曰甕甕一名甕爾雅釋文引詩傳作令通按

爾雅疏中一釋宮

古

說文亦作令通見土部壑字解與詩傳同後人傳寫作甕甕瓶名非瓦名也壑與甕皆今之甕但壑未燒為異耳匠人注云堂塗謂階前若今令甕甕也賈疏漢時名堂塗為令甕甕則今之甕也甕則甕道也

宮中街謂之壺巷閭廟中路謂之唐詩曰中唐有甕堂途謂之

陳堂下至門徑也

壺者說文作甕云宮中道引詩室家之甕巷伯正義引孫炎曰巷舍閒道也毛傳云壺廣鄭箋云搆緻並與爾雅不合爾雅釋文壺郭呂竝立屯反或作韋按作韋及立屯之讀俱不可解或有誤字○唐者詩防有饒巢傳堂塗也正義引李巡曰唐廟中路名逸周書作饒篇云隄唐山牆孔晁注唐中庭道文選西都賦注引如淳曰唐庭也甘泉賦云平原唐其壇曼李善注引鄧展曰唐道也是原野之道亦通名唐矣又

周語云陂唐汙庫晏子問下篇云治唐園是唐又爲蓄水之名俗勸土與爾雅異也○陳者詩何人斯傳堂塗也釋名云言賓主相迎陳列之處也詩正義引孫炎曰堂塗堂下至門之徑也鄉飲酒禮注云三指者將進揖當陳揖當碑揖是陳在堂下因有下陳之名晏子諫上篇云辟拂三千謝於下陳蓋言屏退之謝於堂下而去也古者狗馬之屬以爲庭實故曰充下陳婢妾卑賤與庭實同故亦曰充下陳俱本爾雅也堂塗者詩傳作堂塗考工記匠人作堂塗鄭注引爾雅亦作堂塗竝段借字途或體字也

路旅途也

途卽路場猷行道也博說道之異名

途者釋名云涂度也人所由得通度也旅者郊特性云旅樹鄭注旅道也按釋詁旅陳也此以堂途爲陳陳旣爲途故旅亦爲途矣○路場者說文云道所行道也路道也場祭神道也詩町疇鹿鹿場說文云田踐處曰町疇禽獸所踐處也然則鹿場卽鹿之蹊徑方言六有蟻場及蚍蜉豺鼠之場皆謂其所居途徑耳

爾雅疏扣一釋宮

猷者說文作遯云行遯徑也通作繇釋詁云繇道也
又通作猶詩采芑傳猶道也猶與猷同行者詩行露
周行之類傳箋竝訓道書云日月之行即日月之道
也詩云有夷之行即有夷之道也本以行道為行因
而道亦為行也

一達謂之道路

長道

二達謂之歧

歧道

旁

三達謂之劇

旁

今南陽冠軍樂鄉數道
交錯俗呼之五劇鄉

四達謂之衢

交道

五達謂之

康

史記所謂
康莊之衢

六達謂之莊

左傳曰得慶氏
之木百車於莊

七達謂之劇

驂

三道交復有一歧出者
者北海劇縣有此道

八達謂之崇期

四道

九達謂

之遠

四道交出
復有旁通

達者微也通也出也至也道路者說文云一達謂之
道無路字道路一也釋名云道一達曰道路道陌也

路露也言人所踐蹈而露見也按遂人云澮上有道
川上有路鄭注道容二軌路容三軌是路大於道蓋
對文則別微則通也又彼注言其廣此云長者以一
達言旁無歧出故直云長矣○歧旁者釋名云物兩
爲歧枉邊曰旁此道竝出似之也按歧猶枝也木別
生曰枝道別出曰歧歧與枝俱在旁故曰歧旁也釋
文云歧樊本作歧音支是歧枝音義同○劇旁者釋
名云古者列樹以表道道有夾溝以通水潦恆見修
治此道旁轉多用功稍劇也詩免置正義引孫炎云
旁出歧多故曰劇按劇者甚也言此道歧多旁出轉
甚也卽列子說符篇云歧路之中又有歧焉○衢者
說文用爾雅釋名云齊魯間謂四齒杷爲權權杷地
則有四處此道似之也公羊定八年疏引李巡云四
達各有所至曰衢孫氏曰交通四出是也按衢爲四
道交錯故周禮保氏說五馭云舞交衢大戴禮子張
問入官篇云六馬之離必於四面之衢郭氏注中山
經云言樹枝交錯相重五出有象衢路也楚辭天問
篇注九交道曰衢淮南繆稱篇注云道六通謂之衢

荀子勸學篇注衢道兩道也今秦俗猶以兩爲衢然則衢無定名據楚辭淮南注是道四通達以上通謂之衢荀子注又以兩道爲衢衢與歧聲轉疑秦人讀歧如衢因而以兩爲衢耳楚辭九衢蓋直以衢爲道之通名非爾雅義也○康者釋名云康昌也昌盛也車步併列竝川之言充盛也詩正義引孫炎云康樂也交會樂道也按康有廣大之義故五穀竝登謂之康年五途竝出謂之康衢列子仲尼篇云堯遊康衢晏子諫上篇云公驅及之康內皆與爾雅合○莊者釋名云莊裝也裝其上使高也孫炎云莊盛也道煩盛廼傳輒引按莊之言壯壯亦大也史記云開第康莊之衢亦言其衢路之大耳郭引襄廿八年左傳文杜預注以莊爲六軌之道非也正義曰注爾雅者皆以爲六道旁出此蓋舊注之文○劇驂者釋名云驂馬有四耳今此道有七比於劇也孫炎云三道交復有一岐出者初學記廿四引云驂馬有四今此有七比之方驂劇所引亦孫炎注與釋名同方驂劇者方併也劇甚也言比之併驂尤甚也○崇期者釋名云崇

充也道多所通人充滿其上如其期也初學記引孫
炎曰崇多也多道會期於此按崇亦高也與達同義
期猶其也崇其猶達師矣○達者說文作趙云九達
道也似龜背故謂之趙趙高也或作達釋名云齊魯
謂道多為達師此形然也左氏隱十一年注云達道
方九軌也正義引李巡注爾雅亦取並軌之義是杜
注本李巡今按經涂九軌雖出考工記然九軌言其
廣九達則以縱橫交午為言義各不同文選注引韓
詩章句以中趙為九交之道可知李巡注非
也左傳於鄭國每言達蓋其國多此道爾

室中謂之時堂上謂之行堂下謂之步門外謂之趨中

庭謂之走大路謂之奔此皆人行步趨走之處因以名云

時者玉篇作時引爾雅曰室中謂之時時止也說文
時云踞也玉篇云止不前也是時時同與時聲近其
字可通蓋室中迫隘行宜安舒故曲禮云室中不翔
即時踞不前之意時踞與脚躄同○行者釋名云兩

腳進日行行抗也抗足而前也說文云行人之步趨也按行步趨走四者異名而同實其義互訓散文俱通爾雅對文故隨在異稱也曲禮云堂上接武鄭注武迹也迹相接謂每移足半蹠之中人之迹尺二寸按堂上地稍闊可容舉足而行接武即行容之度也○步者說文云行也釋名云徐行曰步步捕也如有所司捕務安詳也爾雅邢疏引白虎通云人踐三尺法天地人再舉足曰步備陰陽也曲禮云堂下布武鄭注布武謂每移足各自成迹不相蹠按堂下地又益闊可容舉足徐行步武即行步之節也淮南人間篇云夫走者人之所以爲疾也步者人之所以爲遲也是步爲徐行韓詩外傳云齊桓公出遊遇一丈夫裋衣應步然則步之名非獨施於堂下矣○趨者說文云走也釋名云疾行曰趨趨是也赴所期也左氏成十六年傳云免胄而趨風言疾行之容也故曲禮云帷薄之外不趨鄭注云趨謂於朝廷是朝廷以趨爲敬又公羊僖十年傳云吾夜者夢夫人趨而來然則

趨之名亦非獨施於門外矣。奔走者說文云走趨也。奔走也是皆互訓。亦散文通也。釋名云疾趨曰走。走奏也。促有所奏至也。奔變也有急變奔赴之也。按禮唯親喪言奔。日行百里見星止舍。明其速疾至於中庭。言走則左氏襄廿年傳云使走問諸朝。釋文以爲走速疾之意。其說是也。然經典多奔走連文。詩駿奔走。在廟廟中非大路。亦可言奔矣。

隄謂之梁

即橋也。或曰石絕水者爲梁。見詩傳。

石杠謂之倚

聚石水中以爲步渡。徠也。

孟子曰歲十月徒杠。成或曰今之石橋。

隄者說文云唐也。俗作塘。玉篇云隄塘也。橋也。一切經音義二引李巡曰隄防也。障也。按隄本積土防水之名。梁亦爲隄。以偃水。故周語云川不梁。又云十月成梁。說文梁水橋也。橋水梁也。郭知隄即橋者。釋地注梁隄也。孫炎曰梁水橋也。義本說文。又曰石絕水爲梁者。詩有狐傳文。因知隄梁無論土石皆可爲矣。

○倚者說文云舉脛有渡也釋文引作舉脚有度王
 篇舉足以渡也廣雅云倚步橋也是倚本渡水之名
 因以為步橋名說文權字解云水上橫木以渡徐錯
 繫傳此即今所謂水約橋也爾雅謂之石杠亦曰略
 約漢書武帝紀注同今按權以木為之與石杠別徐
 錯誤矣郭引孟子徒杠又曰今石橋者孫奭疏引說
 文云石杠石橋也是郭所本今本說文脫去
 杠字矣馬瑞辰說石杠今南方謂之石步

室有東西廂曰廟夾室無東西廂有室曰寢但有無室

曰榭榭即今四方而高曰臺陝而脩曲曰樓脩長

廂當作箱後漢書虞翻傳注引埤蒼云箱序也字或
 作廂廟者說文云尊先祖貌也釋名云廟貌也先祖
 形貌所托也按廟之制中為大室東西序之外為夾
 室夾室之前小堂為東西廂亦謂之東西堂公羊宣
 十六年疏引李巡曰室有東西廂謂宗廟殿有東西
 小堂也孫炎云夾室前堂是郭注所本廟所以有箱

者箱之言相相謂左右助勵也故公會大夫禮注箱
俟事之處觀禮記注東箱束夾之前相翔待事之處
文選爲賈謐作贈陸機詩注引爾雅廟作廊蓋字形
之誤又引舍人口殷有東面小堂也與李巡同○寢
者說文作寢云臥也釋名云寢寢也所寢息也按寢
本臥息之名又以爲室名故隸僕注云五寢五廟之
寢也前曰廟後曰寢月令正義云廟是接神之處其
處尊故在前寢衣冠所藏之處對廟爲卑故在後按
寢之制但有大室而無左右夾室故無東西廂○榭
者月令正義引李巡云但有大殿無室名曰榭書大
誓正義引孫炎曰榭但有堂也宣十六年左傳注以
榭爲屋歇前正義云歇前者無壁也如今廳事也按
廳事卽堂堂皇漢書胡建傳云列坐堂皇上集注室無
四壁曰皇然則無四壁是無室但有堂故杜預謂屋
歇前矣上文云有木者謂之榭謂臺上起屋與此異
也○臺者說文云觀四方而高者於爾雅上增一觀
字觀卽闕也臺觀同類但觀缺中央臺如削成而四
方以是爲異其高則相等故說文高字解云象臺觀

高之形是臺觀俱稱高故釋名云臺持也築土堅高
能自勝持也淮南本經篇注積土高丈曰臺然則臺
之高不過一丈矣○樓者說文云重屋也釋名云樓
言牖戶之間諸射孔婁婁然也按婁空也射孔婁婁
卽說文樓云屋麗樓也玉篇廡云廡樓綺窗然則樓
之言婁又言樓也門戶洞達窗牖交通足資登眺故
月令云可以居高明鄭注高明謂樓觀也孟子館於
上宮注云上宮樓也是樓最高而在上爾雅不言高
者蒙臺文也云陝而脩曲者言屋之形勢陝隘脩長
而迴曲異於臺之四方也類聚六十三引陝作俠蓋
段借字或陝俗作狹
缺脫其旁因作俠耳

爾雅郭注義疏中之一

孫男聯孫伯愷校字

爾雅郭注義疏中之二

棲霞郝懿行學

釋器第六

器者說文云皿也械字解云一日器之總名一日有盛為械無盛為器按器械通名

耳故禮大傳云異器械鄭注器械禮樂之器及甲兵也少儀云不度民械不訾重器鄭注民械民家之器用是器械古通名今但以兵仗為械矣此篇所釋皆正名辨物依類象形至於豆籩簠簋禮樂之事而略載於篇者以皆器皿之屬也若乃衣服飲食非可以器言而雜見茲篇者以本器用之原也禮器云宮室之量器皿之度故釋器次於釋宮

木豆謂之豆

豆禮器也

竹豆謂之籩

籩亦禮器也

瓦豆謂之登

登即膏

豆者說文云古食肉器也梓人云食一豆肉中人之食也是豆為肉器此文豆當作桓說文云木豆謂之

桓釋文豆本又作桓是也其形則三禮圖云口圓徑
尺墨漆飾朱中大夫以上畫以雲氣諸侯以象天子
以玉皆謂飾其口也其質則皆用木其高通蓋一尺
其受實則旒人注云豆實四升是也其中柄謂之校
其足附謂之鐙祭統云夫人薦豆執校執醴授之執
鐙鄭注校豆中央直者也鐙豆下附也其飾則明堂
位云夏后氏以楬豆殷玉豆周獻豆鄭注楬無異物
之飾也獻疏刻之按周禮外宗云佐王后薦玉豆是
則周亦玉豆也○籩者說文云竹豆也籩人注云籩
竹器如豆者其容實皆四升按籩口有緣故士喪禮
云既豆兩兩籩無滕鄭注滕緣也士虞禮記注豆不
揭籩有滕是則豆籩之用吉凶異施也籩豆同類用
不單行故單言豆者即可統籩詩楚茨云爲豆孔庶
是也其單言籩者亦可概豆周語云品其百籩是也
○登者段借字也俗作登說文作登或云無是字經
典俱作登通作鐙故釋文云登本又作鐙公食大夫
禮云大羹濟不和實于鐙鄭注瓦豆謂之鐙是卽爾
雅作鐙之木也詩生民傳木曰豆瓦曰登豆薦菹醢

也登大羹也正義曰太古之羹以質故以瓦器盛之
郭云卽膏登也者蓋特舉類以曉人非禮器之登卽
然膏之登也今北方瓦登猶存禮器遺象登之容實
亦與豆同豆是大名分別言之爲木竹瓦總統言之

俱曰
豆

蓋謂之缶

盆

甌甬謂之甬

甬甬小甬長
沙謂之甬

康瓠謂之甬

甬

也賈誼曰寶
康瓠是也

缶者詩宛正正義引孫炎曰缶瓦器說文云瓦器所
以盛酒漿秦人鼓之以節詞象形按缶盛酒者易樽
酒尊貳用缶是也以節詞者易不鼓缶而歌詩坎其
擊缶是也左氏襄九年宋災傳云具纆缶備水器是
缶又汲水之器也其受實則禮器云五獻之尊門外
缶鄭注缶大小未聞韋昭魯語注云缶庾也按陶人
云庾實二斛卽是缶爲二斛賈疏引聘禮記云十
六斗曰簋注云今文簋爲遽遽卽庾也是缶又爲十

六斗小爾雅云簋二有半謂之缶宋咸注缶四斛也是又爲四十斗然則缶之大小迄無定論故鄭云未聞矣盎者說文云盆也盆盎也急就篇以缶盆盎並稱實一物其形則急就篇注大腹而斂口按缶象篆文缶之形口微斂而腹大正如今之汲水罐也左氏襄九年正義引爾雅作甕謂之缶說文甕缶也是爾雅盎一作甕疑許君所見卽作甕矣。甕甕者說文云甕小盆也甕甕也甕似小甕大口而卑用食然則甕甕蓋盆盎之小者其形微庫其口甚大其名亦謂之缶故方言云缶謂之甕甕甕其口亦作甕是甕甕謂之升甕說文云甕小缶也玉篇甕亦作甕是甕甕同甕甕盆盎聲俱相轉故古通名矣甕者說文云甕甕甕謂之甕本爾雅玉篇云甕小甕也本郭注其甕之大小則史記貨殖傳集解引孫叔然云甕瓦器受斗六升之甕者說文云康瓠破甕許知爲破甕者廣雅云甕裂也法言先知篇云甕陶天下者其枉和乎剛則甕柔則坯是甕爲破裂之名周禮牧人注故書毀爲甕杜子春云甕當爲毀皆說文所本也釋文云康

埤蒼作甌字林作甌口光反李木作光按光猶廣也大也李巡蓋以光瓠爲大瓠故史記索隱引李巡云康謂大瓠也文選弔屈原文注引李巡曰大瓠瓠也郭云瓠壺與李義異故注方言遂云爾雅甌康壺而方言以爲盆未詳也爾雅此文皆言瓦器李巡以康瓠謂大瓠失之當以郭義爲長

斲謂之定斲斲謂之鐸也斲謂之鼈

皆古鉞字

說文云斲斲斲也又云斲斲也齊謂之鉞其車人注引爾雅作句斲謂之定是句斲卽斲斲矣定者釋文引李巡云斲斲斲也定斲別名御覽八百廿三引舍人注同釋名云斲斲也去穢助苗長也齊人謂其柄曰斲斲然正直也頭曰斲似斲頭也又云斲似斲斲斲禾也斲亦斲田器也斲迫也迫地去草也然則斲斲皆斲之異名故呂覽任地篇云斲柄尺此其度也其斲六寸所以開稼也高誘注斲所以芸苗也刃廣六寸所以入苗間也廣雅云定謂之斲○斲者與斲聲轉其義則同錯者權之或體也說文本爾雅作斲

謂之櫓又作櫓云所也釋文櫓字又作櫓郭云鑊也者淮南精神篇注鑊所也音鑊廣雅云櫓謂之鑊說文云鑊大鉏也鉏立鑊所用也然則櫓與定皆鉏名但定偃鑊所用故其柄短櫓立鑊所用其柄長故云鑊大鉏矣○鉏者說文云利也引爾雅曰鉏謂之鑊古田器也又云鑊鉏也郭云皆古鉏鉏字可知鉏鉏俗字文選祭古豕文注引爾雅作鉏謂之鉏矣鉏蓋銷銷削也能有所穿削也按銷即鉏之聲轉段借字也鉏當作鉏故方言云鉏燕之東北朝鮮洌水之間謂之鉏然則鉏鑊本雙聲字郭注方言鉏湯料反非矣今燕齊間以插地起土者為鐵鉏與方言合登萊間謂之鑊頭蓋古今異名耳又按有司徹注挑謂之鉏疑鉏鑊之異文而義又別

纓罟謂之九罟九罟魚罔也

今之百囊罟是亦謂之纓婦

之笱謂之罟

毛詩傳曰罟曲梁也謂以薄為魚笱

罟謂之汕

今之掠罟筴謂之

罩

捕魚籠也。參謂之濇。今之作參者，聚積柴木於水中，魚得

罔者，說文云：庖犧所結繩以漁。九罟者，詩毛傳云：九

罟，纓罟小魚之網也。正義引孫炎曰：九罟謂魚之所

入，有九囊也。按囊，所以持魚，卽今之網口。罟之言域

也，所以囊括爲界域。纓之言總也。孟子所謂數罟言

其綱目細密，故毛以爲小魚之網。御覽八百卅四引

韓詩曰：九罟取蝦蚶也。文選西京賦云：布九罟，操鯉

鮪與韓毛義合。李善注罟與絨古字通。按罟絨俱非

古字，蓋文選本作絨。今從詩改作罟矣。○笱者，說文

云：曲竹捕魚笱也。雷曲梁寡婦之笱，魚所雷也。釋訓

云：凡曲者爲雷。詩魚麗正義引孫炎曰：雷曲梁其功

易，故謂之寡婦之笱。今按孫義未免望文生訓，蓋寡

婦二字合聲爲笱。寡婦二字合聲爲雷。正如不來爲

狸終葵爲椎，古人作反語，往往如此。孫炎以義求之

鑿矣。今河上人曲竹爲笱，其口可入而不可出，故淮

南兵略篇云：發笱門是其制也。○罟者，櫟之或體也。

詩南有嘉魚，傳汕櫟也。箋云：櫟者，今之撿罟也。是

同佳良中二釋器

四

巢古作櫟或作巢御覽引舍人曰以薄巢魚曰巢者
也詩正義引李巡曰汕以薄汕魚孫炎曰今之撈罟
按撈罟今謂之抄網也汕者說文以爲魚游水兒引
詩烝然汕汕與爾雅異也○簍者簍之或體也說文
作簍或省作簍云罩魚者也罩捕魚器也詩傳云罩
罩簍也正義引李巡曰簍編細竹以爲罩捕魚也孫
炎曰今楚罩也然則罩以竹爲之無竹則以荆故謂
之楚罩今按此義亦非蓋楚罩二字合聲爲簍也今
魚罩皆以竹形似雞罩漁人以手抑按於水中以取
魚故淮南說林篇云罩者抑之抑卽按也○摻者摻
之誤字也釋文摻爾雅舊文并詩傳並米旁作小爾
雅木旁作郭因改米從木詩潛釋文大意同按毛傳
潛摻也然則摻古本作摻故御覽引舍人曰以米投
水中養魚爲潒也詩正義引李巡同唯米作木爲異
今萊陽人編楚爲簍筥沈之水底投米其中候魚入
食舉而取之是卽爾雅所謂摻也後人不知摻字之
義改米從木因生積柴之說故詩正義引孫炎曰積
柴養魚曰摻是郭注本孫炎特暢其說陸德明謂郭

始改米从木非也。糝乃糝之段音。說文云：糝，積柴水中以柴積水中以淮南說林篇云：糝者，扣舟高誘注：糝者，然則說文糝字義本淮南而非爾雅之義。爾雅白以作糝為是矣。泔者，潛之段音也。毛詩作潛，韓詩作泔。故釋文引韓詩云：泔，魚池小爾雅作潛云：潛，糝也。今亦改作潛矣。

釋文可證

鳥罟謂之羅

謂羅絡之

兔罟謂之置

置猶遮也見詩

麋罟謂之罟

其

頭也

燕罟謂之羅

羅幕也

魚罟謂之罟

最大罟也

繫謂之罟

罟罟也。罟謂之罟。罟覆車也。

今之翻車也。有兩轆中施罟以捕鳥展轉相解廣異

語

說文云：罟，網也。羅以絲罟鳥也。古者苾氏初作羅。詩免爰傳：鳥網為羅。正義引李巡曰：鳥飛張網以羅之。

按方言云羅謂之離離謂之羅是羅離聲轉義同故
詩魚網之設鴻則離之離卽羅矣。置者說文云兔
網也詩兔置正義引李巡曰兔自作徑路張置捕之
也按置之言阻也兔性狡而善逸張者必於要路阻
之也說文置兔置也。是置又名罟罟省作罟月令注
獸罟曰置罟是也。顧氏炎武曰知錄云得兔忘蹢蹢
古罟字通輕蹢蹢蹢兔罟也然則罟又置之異名矣
。罟者冒也郭云冒其頭蓋網麋者必罟其角也御
覽八百卅二引舍人曰麋有難制張罟也釋文罟本
或作茅又音蒙蓋茅段俗蒙聲轉也。罟者郭云幕
也謂幕絡之釋文罟又莫潘反此音是也罟幕一聲
之轉釋文又云罟本或作罟也。罟亦聲轉也
網罟者必罟其足也孟子云又從而招之趙岐注招罟
也亦謂罟其足也文選吳都賦云罟蹢連網劉達注
罟廉網廣雅云罟免罟說文又云罟釣也其不同如
此張協七命云布飛罟張修罟李善注引爾雅云罟
或作罟又云罟或爲羅按罟音力端反則與羅聲轉
御覽引舍人曰罟剛惡罟人故張網而罟之也然則

舍人本羅蓋作羅矣。○眾者魯語云：「講眾則說文云：魚罟也。」詩：「碩人正義引李巡曰：魚罟，捕魚具也。」郭云：最大罟者，以上云：「纓罟是其小者。」此眾最大，故別言之。○繫者，說文用爾雅：「又云：罟，罟也。罟，捕鳥覆車也。」俱本爾雅。罟，讀若衝拙，亦聲。相轉也。詩：「兔爰釋文引韓詩云：施羅於車上。」曰：罟，罟者，說文作罟，或作罟。云：覆車也。引詩：「雉離于罟。」詩正義引孫炎曰：「覆車網可以掩兔者也。」一物五名，方言異也。郭云：「今翻車有兩轆，中施罟者，月令正義。」

絢謂之救

救絲以爲絢，或曰亦罟名。

絢者，說文云：「縶繩絢也。」讀若鳩玉。篇云：「又音衢。」屨頭飾也。周禮：「屨人青句注云：絢謂之拘，著舄屨之頭以爲行戒。」士冠禮：「青絢注云：絢之言拘也，以爲行戒狀如刀衣鼻柱。」屨頭然則鄭本爾雅作絢，謂之拘拘救聲轉郭本作絢，謂之救救蓋俗聲救之言糾也。糾，繚斂聚之意。穀梁襄廿七年傳云：「織絢邯鄲是絢，織絲。」

爲之也爾雅釋文絢苦侯其俱二音郭蓋苦侯反與
救相韻絢拘竝从句聲古讀句若鉤此皆以聲爲義
也郭引或說亦冒
名蓋舊注之文

律謂之分以律管可分氣

王氏紹蘭爲余言律謂之分此與上句皆冒名也律
乃率之僭音分蓋紛之省文律率古字通說文云率
捕鳥畢也分與紛其音同羽獵賦青雲爲紛內則云
左佩紛帨是則紛亦通名率謂之紛蓋省文作分耳
郭注望文生訓其義非也

大版謂之業築牆版也繩之謂之縮縮者約束之詩曰縮版以載

說文云版判也業大版也所以飾縣鐘鼓捷業如鋸
齒以白畫之象其鋸錯相承也釋名云笱上之板曰
業刻爲牙捷業如鋸齒也詩靈臺及有瞽傳竝云業
大版也正義引孫炎曰業所以飾拘刻版捷業如鋸

齒也明堂位注箕以大版為之謂之業是鄭許孫劉
諸家俱本毛傳以爾雅之業為樂縣之飾築牆版經
典皆無業名郭以下句相連定為築牆版失其義矣
○繩者說文云索也縮者釋詁云貉縮綸也是綸即
檀弓注斬版謂斷其縮也引詩縮版以載蓋斬斷其
束版之繩故曰斷其縮也詩綵傳用爾雅作乘謂之
縮鄭倣繼正義引作繩謂之縮是爾雅古本蓋如此
今本兩之字衍宜據以訂正汪氏中知新記云注訓
縮為約束非也古人謂縮為直禮記古者冠縮縫孟
子書自反而縮是也繩
所以為直故謂之縮

彝器也

皆盛酒尊

小彝謂之坎

者受一斛

器者當篇之總名獨於此言器者尊彝禮器莫尚故
獨擅器名也彝者說文云宗廟常器也小宗伯辨六
彝之名物以待果將饌六彝者雞彝鳥彝斚彝黃
彝虎彝蜼彝也序官司尊彝注鬱鬯曰彝賈疏云同

是酒器但盛鬱鬯與酒不同故異其名然則尊彝裸神之器故專器名明堂位正義云彝法也與餘尊爲法故稱彝是其義也。○卣者詩秬鬯一卣毛傳卣器左氏僖廿八年正義引李巡曰卣鬯之器也然則卣亦鬯器以非裸時所用故次於彝鬯人云廟用修卣注脩讀曰卣卣中尊謂獻象之屬司尊彝釋文卣本亦作攸然則攸與脩皆卣之通俗矣。○罍者詩洞酌傳祭器也說文作罍云龜目酒尊刻木作雲雷象象施不窮也或从缶作罍按罍从木則以木爲之故詩卷耳正義曰禮圖依制度云刻木爲之韓詩說言土以梓是也罍从缶則以瓦爲之故鬯人云社壇用大罍鄭注大罍瓦罍是也然亦有金玉爲之者卷耳正義引異義罍制韓詩說金罍大夫器也天子以玉諸侯大夫皆以金士以梓毛詩說金罍酒器也諸臣之所酢人君以黃金飾尊大一碩金飾龜曰蓋刻爲雲雷之象又云雖尊卑飾異皆得畫雲雷之形以其名罍取於雲雷故也又云毛說言大一碩禮圖亦云大一斛則大小之制尊卑同也邢疏引禮圖云六彝爲

上受三斗六尊爲中受五斗六罍爲下受一斛左傳正義引孫炎曰尊彝爲上罍爲下卣居中也按此篇下云卣中尊也卣既居中故知彝爲上罍爲下○坎者坑也猶言空也樂器有笙簫一曰坎侯一曰空侯名罍之意蓋亦取中空爲義也易坎云尊酒簋二用缶是坎有酒器之象詩蓼莪正義引孫炎曰酒樽也是坎爲酒樽言小於是罍則受實不及一斛

以繡刺衛文
襖領

交
領
被
謂
之

執衽謂之

婦人

裳制

幅謂之襍

創殺其幅
淡衣之裳

卷之三

八

此釋衣裳之制。疏者流之或體也。釋文疏本又作流。玉藻云齊如流。鄭注衣之齊如水之流是也。視者郭云衣縷釋文縷又作襍。方言云襍謂之衽。衽即衣襟。釋名云衽襟也。在旁。襟猶言流曳。皆謂衣衽下垂。流移搖曳之貌。故云在旁。襟猶然也。云齊人謂之攀者。攀疏聲相轉。○襍者說文云繡領也。引詩素衣朱襍。楊之水傳。襍領也。正義引孫炎曰。繡刺繡文以襍領。郊特牲注。繡繡繡丹朱以為中衣。領緣也是中衣。領以繡文為緣。襍即緣也。孫炎以繡為刺。詩箋及郊特牲注。竝以繡為綃。綃綺屬也。以綃為領。義本魯詩見士昏禮。宵衣注。○緣者說文云衣純也。純者曲禮注。純緣也。玉藻注。緣飾邊也。按飾邊者。淡衣云純袂緣。純邊廣各寸半。鄭注。純謂緣之也。緣。緡也。緣邊衣裳之側。廣各寸半。釋文引鄭注。旣夕禮云。飾衣領。袂口曰純。裳邊側曰緡。下曰緡。也是則衣裳皆有純。但言衣純足以包之又冠履亦有純。玉藻

云縞冠素紕鄭注紕緣邊也士冠禮云黑履青絢總
純鄭注純緣也是則冠履之緣亦皆曰純爾雅所言
主謂衣純耳○袂者郭讀與穴同故云衣開孔釋文
一音術則與郭異裝者說文云鬼衣又鬼部慙云鬼
服也引韓詩傳曰鄭交甫逢二女慙服是慙卽裝矣
玉篇裝衣開孔又鬼衣也袂鬼衣也按雜書言鬼衣
無縫爾雅方釋人衣何故此句忽言鬼服許郭所言
二文又無旁證其義疑也○皆者說文云目匡也衣
有皆者淮南齊俗篇云閭皆之削蓋削殺衣領以爲
斜形下屬於襟若目皆然也漢頤煊云經典無衣皆
之名皆疑前字形譌以說文前作弁與皆相近又據
釋名襟交於前及公羊哀十四年傳涕沾袍注袍衣
前襟也而爲說義亦可通襟者說文作衿衿云交衿也
玉篇云交衿衣領也通作襟釋名云襟禁也交於前
所以禁禦風寒也又通作衿方言云衿謂之交郭注
衣交領也詩子衿傳青衿青領也正義引李巡曰衣
皆衣領之襟孫炎曰襟交領也顏氏家訓書證篇云
古者斜領下連於衿故謂領爲衿然則此當言衣皆

謂之領以領屬於襟因言襟矣。褌者玉篇云褌也。褌衣衰也。孌𡵚𡵚說衰衣前襟也。說文衰裏也。衣之前褌可懷抱物故謂之褌。褌言物可居也。褌名褌者方言褌謂之褌。郭注卽衣領也。勑譚戴氏震疏證云褌褌古通用禮玉藻注褌曲領也。淡衣注交領也。今按玉篇褌又衣領然則褌爲本字。褌爲通借領屬於褌。褌褌同物廣異名耳。褌褌聲亦相轉。郭注與此注並云言又云褌謂之褌。褌聲亦相轉。郭注與此注並云衣後褌也。釋名褌倨也。倨倨然直亦言在後常見踞也。此蓋郭注所本其說非矣。當據玉篇訂正之。○衿者當作衿。說文云衿衣系也。籀文作衿。玉篇衿亦作衿。結帶也。按經典衿衿通用。故詩東山傳施衿結帨。內則衿纓注衿猶結也。漢書楊雄傳注衿音衿系之衿。皆借衿爲衿也。衿衿義又相通。故釋名云衿亦禁也。禁使不得解散也。衿者郭云衣小帶。玉篇云褌褌衣廣韻與郭同。釋文衿郭辭見反。孫音持。○褌者釋文引埤蒼云佩紱也。玉篇云佩帶也。按凡佩皆有系不

獨王佩故釋名云佩倍也言其非一物有倍貳也有
珠有玉有容刀有帨巾有觴之屬也說文縵系綬也
然則縵卽程也程縵俱襍之異名○結縵者詩茅苴
傳結執衽也扱衽曰縵正義引孫炎曰持衣上衽李
巡曰扱衣上衽於帶郭注同孫李說文云以衣衽扱
物謂之縵縵或从手作縵然則扱衽者謂以衽收取
物故龍龕手鑑一云縵以衣衽盛物是也扱訓收曲
禮云以箕自鄉而扱之鄭注以扱爲收云扱讀曰扱
此音是也爾雅釋文扱楚洽反失之矣說文扱云進
足有所拾取也此舛舛舛舛舛舛舛舛舛舛舛舛舛
爾雅上脫讀若二字舛舛舛舛舛舛舛舛舛舛舛舛舛
扱縵聲轉楚洽音非○襍者詩采綠傳用爾雅正義
引李巡曰衣蔽前衣蔽鄒也方言云蔽鄒江淮之間
謂之褱或謂之褱魏宋南楚之間謂之大巾自關東
西謂之蔽鄒齊魯之郊謂之褱○又曰跪襍跪時褱
也難難釋名云褱蔽膝也又曰跪襍跪時褱褱然
張也方言又云褱褱謂之蔽鄒是皆褱之異名也其
形制則說文云褱褱也所以蔽前以韋下廣二尺上

廣一尺其頸五寸一命縕釋再命赤韞皆本玉藻文
○韞者說文以爲蔽郭方言以爲韞卽韞也婦人有
韞者詩不盈一韞釋名云韞所以蔽膝前也婦人蔽
膝亦如之是婦人之韞卽蔽膝郭以爲香纓誤矣熒
譌韞韞韞韞韞韞韞韞韞韞韞韞韞韞韞韞韞韞韞
施衿結帨卽結帨卽結帨卽結帨卽結帨卽結帨卽
同以結帨卽結帨卽結帨卽結帨卽結帨卽結帨卽
然蔽郭亦名巾者方言以蔽郭爲大巾釋名亦云婦
人蔽膝齊人謂之巨巾田家婦女出至田野以覆其
頭故因以爲名也然則婦人之韞旣以蔽郭又以覆
頭今青州婦人以巾覆者其遺象也登州婦人絡頭
用首帕其女子嫁時以絳巾覆首謂之祿子此卽古
所謂市歟市與執同說文市从巾象連帶之形蔽郭
名巾此亦其證然則詩言結縕卽結其蔽郭之系也
今田家嫁女母爲施妝名曰上頭卽繫祿於首至壻
家解下與釋名之義又合矣文選思玄賦及琴賦注
並引爾雅作婦人之徽謂之縕爾雅釋文韞本或作
韞又作徽徽韞皆韞之假音耳○縕音說文用爾雅

幅布帛廣也按布幅廣二尺二寸帛幅廣二尺四寸
削猶殺也淡衣云制十有二幅以應十有二月鄭注
裳六幅幅分之以爲上下之殺玉藻注當旁注注謂
裳幅所交裂也凡社者或殺而下或殺而上是以小
要取名焉江氏永鄉黨圖考云淡衣等裳無辟積其
當旁之社須斜裁謂之殺朝服祭服裘服皆用帷裳
有辟積則前三幅後四幅皆以正裁無辟積故
有殺按裳削幅唯淡衣則然故郭云淡衣之裳

輿革前謂之鞮

以革鞮車軾

後謂之第

以革鞮後戶

竹前謂之禦

以鞮後謂之蔽

以鞮衣後戶

環謂之捐

著車環

鑣謂之鐏

馬勒

載轡謂之轡

轡車軾上環轡所貫也

轡首謂之革

轡鞮勒見詩

輿者釋名云舉也玉篇云車乘也蓋言所以乘載人
物與舉義同也鞮者說文云車革前曰鞮詩載驅正
義引李巡曰輿革前謂輿前以革爲車飾曰鞮郭云
以韋鞮車軾者說文軾車前也詩韓奕傳鞮革也鞮

賦中也是鞞鞞卽革前郭蓋本此爲說但賦中名鞞
不名鞞恐非也郭注鞞當爲鞞字之誤○第者玉篇
廣韻並云輿後第也詩正義引李巡曰第車後戶名
也按第當作第碩人傳第蔽也載驅傳車之蔽曰第
是第取第蔽爲義車後戶者升車自後入故以後爲
戶也○竹者簟也說文簟竹席也禦者詩正義引李
巡曰竹前謂編竹當車前以擁蔽名之曰禦禦止也
孫炎曰禦以簟爲車飾也毛傳簟方文席也○蔽者
巾車注引詩翟蔽以朝是蔽猶第也巾車云王之褻
車五乘本車蒲蔽素車葵蔽藻車藻蔽駟車翟蔽漆
車藩蔽按五蔽皆不用竹者褻車去飾也其吉車則
飾以簟故韓奕箋簟第漆簟以爲車蔽今之藩也○
環者詩小戎傳游環勒環也游在背上所以禦出也
釋名云游環在服馬背上驂馬之外轡貫之游移前
卻無定處也然則游環所以制驂馬車有兩服兩驂
是有二環郭云衆環者以車衡轡上復有環以貫轡
故云衆環也捐者釋文云呂沈因絹反顧辭玄反郭
與專反按捐與肩音義同肩空也環中空以貫轡故

謂之捐。○鑣者說文云馬銜也。釋名云銜在口中之
言也。鑣苞也在旁苞斂其口也。詩碩人傳幘飾也。人
君以朱纁鑣屬汗且以爲飾。釋文鑣馬銜外鑣也。一
名扇汗。又曰排冰是皆鑣之異名也。鑣者玉篇云鑣
也。魚傑切。說文以鑣爲轅之或體。今所未詳。○轡者
釋名云拂也。牽引拂戾以制馬也。轅者說文云車衡
載轡者淮南說山篇云遣人車而脫其轅高誘注轅
所以縛衡也是轅在衡上衡橫也。輓耑著橫木以尾
馬領使不得出名之曰衡亦曰輓故論語包咸注衡
輓也。輓上施環以貫轡謂之轅。文選東京賦注引此
注作在軾上環轡所貫也。與今本異。軾上環卽詩云
盜以輓軾是矣。○革者詩蓼蕭傳條轡也。革轡首也。
采芑箋條革轡首垂也。按轡首垂卽軻也。以革爲之
因名革。韓奕箋條革謂轡也。以金爲小環往往纏握
之說。文條作釜云。轡首銅然則轡首有革有銅。爾雅
單言革者轡以革爲主。銅爲飾耳。郭云轡軻勒者勒
字衍也。張聰咸曰說文云勒馬頭絡銜也。軻勒革也。
是轡勒異物自東晉時後趙遴石勒名呼馬勒爲轡。

愧譏於是潤轡與勒爲一物郭注本無勒字蓼蕭正義所引甚明爾雅釋文於靶字下亦無勒音今本多

勒字遂與鑣銜之訓相溷

餃謂之錄

說物

會饅謂之餲

飯饅臭見論語

搏者謂之糲

飯相

米者謂之粢

飯中有腥

肉謂之敗

臭

魚謂之餒

肉

餃者說文云會臭也引爾雅曰餃謂之喙釋文引李巡云餃饅皆穢臭也○饅者說文云飯傷溼也又云

饅飯傷熱也按熱溼同類故釋文引字林云饅飯傷熱溼也又引葛洪字苑云饅饅臭也按今亦謂飯熟

臭爲饅矣餲者說文云飯餲也引論語曰會饅而餲孔安國注饅餲臭味變也皇侃疏饅謂飲食經久而

腐臭也餲謂經久而味惡也又引李巡云饅饅皆飲食壞敗之名也○糲者釋文引李巡云飯漚糜相著

也按糲郭音輦非尋音義當作糲孟子云糜爛今語云爛熟皆是呂覽本味篇云熟而不爛高誘注爛失

飪也蓋爛謂過熟故言失飪說文官云飯剛柔不調
相箸讀若適然則百與爛皆飯相箸之名搏者飯爛
則黏箸而不解故謂之搏曲禮云毋搏飯義亦近之
○彙者說文云炊米者謂之彙炊字衍也釋文引李
巡云米飯半腥半熟名彙郭云飯中有腥腥俱當作
胜而讀若生亦通作生故玉篇云彙謂半生也生卽
腥字之省說文胜不熟也禮運云飯腥而苴熟醢臠
腥亦胜字之俗生對熟言攔傷於熟彙傷於生皆爲
失飪故論語孔注失飪失生熟之節也○敗者壞也魚
餒者說文云魚敗曰餒論語皇疏餒謂魚臭壞也魚
敗而餒餒然也肉敗者肉臭壞也又引李巡云肉敗
久則臭魚餒肉爛按郭亦云肉爛蓋皆內爛字形之
誤公羊僖十九年傳魚爛而亡也何休注魚
爛從內發是此注所本惟邢疏作內爛不誤

肉曰脫之

剝其皮也今江東呼麋鹿之屬通爲肉

魚曰斲之

謂削鱗也**冰脂也**

莊子云肌膚若冰雪冰雪脂膏也

肉謂之羹

肉醢也廣雅曰湑見左傳

魚謂之鮓

鮓鮓

雜骨醬
見周禮

卷一百一十五

F11

也見公
大禮
肉謂之醢
肉有骨者謂之醢
雜骨醬
脫者解也內則正義引李巡云肉去其骨曰脫皇氏
云治肉除其筋膜取好處今按皇侃之說與郭義近
皆卽內則所謂去其醢也鄭注醢謂皮肉之上魄莫
也○節之內則作作之正義引李巡云作之魚骨小
無所去皇氏云作謂動搖也凡取魚搖動之視其鮮
緩緩者不食公羊成二年疏引樊光云節砍也鰕
按斫訓擊蓋謂敲擊其鱗甲與內則作之皇侃以爲
動搖之義近郭以爲削鱗非樊意也○冰者說文以
爲凝之本字故釋文冰孫本作凝云膏凝曰脂按內
則注脂肥凝者釋者曰膏是脂膏散文則通對文則
別鄭君孫炎俱本爾雅爲訓也詩碩人傳如脂之凝
淮南原道篇注凝如脂凝也竝與爾雅合郭引莊子
逍遙游篇文以冰雪爲脂膏冰亦音凝也釋文乃云
冰彼凌反聲義俱對矣○羹者說文作羹云五味盪
羹也引詩亦有和羹小篆作羹釋名云羹汪也汁汪
郎也按古讀羹若岡與汪郎韻儀禮每言羹定羹飪

鄭注並云肉謂之羹古者名肉汁為羹故士虞禮注
涪肉汁也士昏禮注今文涪皆作汁廣雅云臠謂之
涪臠細爨郭云肉臠也者說文臠肉羹也又云見左
傳者襄廿八年傳云則去其肉而以其汨饋汨卽涪
也字異而義同又隱元年傳舍肉下云未嘗君之
羹然則羹卽肉矣○鮓者說文魚臠臠也○臠疑出
蜀中書鈔一百四十六引爾雅舊注云蜀人取魚以
為鮓與說文合郭以鮓為鮓屬非也鮓乃以鹽藏魚
鮓是以魚作醬爾雅方釋諸醬之名說文甚允郭旣
誤注玉篇廣韻又承郭注而誤也云見公食大夫禮
者鄭注牛鮓云內則謂鮓為臠今按內則有牛臠與
儀禮之牛鮓非卽一物郭又誤引矣鮓从旨聲釋文
引字林止尸反此音是也音巨伊反亦非○臠者說
文云肉臠也釋名云臠臠臠也宋魯人皆謂汁為臠按
成也臠多汁者曰臠臠臠也宋魯人皆謂汁為臠按
臠說文作臠云肉汁滓也詩行葦作臠毛傳以肉曰
臠臠正義引李巡曰以肉作醬曰臠○臠者說文作
臠云有骨臠也或從難作臠釋名云臠有骨者曰臠

麇臠也骨肉相傳臠無汁也郭云見周禮者醢人云朝事之豆有麇麇鹿麇麇麇鄭注作醢及麇者必先膊乾其肉乃後莖之雜以粱麴及鹽漬以美酒塗置瓶中百日則成矣是麇醢同物唯有骨無骨為異耳

康謂之蠱

米皮

康者說文作穰云穀皮也或省作康又云檮穰也是穰亦名檮檮古外切與康雙聲若依此為訓當言康謂之檮便為明白易曉而云康謂之蠱蠱訓疑也康為穀皮有何可疑左氏昭元年傳穀之飛為蠱杜預注穀久積則變飛蠱名曰蠱論衡商蠱篇云穀蟲曰蠱蠱若蛾矣粟米饑熱生蠱按今麥腐生小白蛾粟生小黑甲蟲即蚘子也若依左傳穀飛為蠱參以論衡所言然則爾雅當云穀謂之蠱蓋穀能為飛蠱康不能為飛蠱矣

澱謂之近

澤澱也今江東呼近

澱者說文作𩇛云𩇛謂之𩇛𩇛滓也又云澱滓近也
滓澱也近澱也澱同廣雅澱謂之滓釋名云縑
滓也泥之黑者曰滓按澱今之滓泥是也滓泥即涅
說文涅黑土在水中也淮南俶真篇云以涅染縑則
黑於涅是滓即涅也今日照人以滓泥染縑與俶真
義合說文繫傳乃云今之青澱澄澱所出誤矣青澱
是藍所出以染青者非爾雅之義

鼎絕大謂之鼐最大圓奔上謂之鬲鼎斂上附耳外謂

之鉞鼎耳款足者謂之鬲鼎曲

鼎者說文云三足兩耳和五味之寶器也鼐者詩絲
衣傳大鼎謂之鼐說文鼎之絕大者又引魯詩說鼐
小鼎與爾雅異也禮圖言天子諸侯之鼎容一斛大
夫羊鼎容五斗土豕鼎容三斗然則天子諸侯之鼎
即牛鼎也容一斛為最大是即爾雅所謂鼐矣○鼐
者絲衣傳小鼎謂之鬲箋用爾雅正義引孫炎曰鼎

斂上而小口者說文云鼎之圖掩上者又云掩斂也
 小上曰掩是爾雅舁當作掩今作舁段借字也類聚
 七十三引舊注云肅子鼎然則肅之言子也子亦幼
 小之稱也○附耳外者言近於耳而在外之處謂之
 鉞鉞猶翼也史記楚世家云吞三翮六翼索隱曰謂
 九鼎也六翼即六耳翼近耳傍事其爾雅是翼即鉞
 聲借字也○款者釋文云木或作款苦管反闕也按
 玉篇竅空也漢書郊祀志說鼎云其空足曰鬲空即
 竅也司馬遷傳其實中其聲者謂之端實不中其聲
 者謂之款款言不聽姦迺不生楊王孫傳竅本為匱
 服虔注竝云款空也是款竅同鼎款足謂足中空也
 足中實者必直空者必曲故郭云鼎曲腳也曲腳者
 外必闕故釋文以款為闕闕疏義近故御覽七百五
 十七引舍人曰鼎足相去疏閒曰鬲也鬲者說文云
 鼎屬實五穀辨鬲斗二升曰鬲象腹交文三足史
 記吞三翮索隱曰翮亦作翮同音麻按說文翮即鬲
 之或體

醴謂之鶯

詩曰泚鶯

鶯銘也

涼州呼銘

說文云醴鶯屬鶯大釜也一日鼎大上小下若醴曰

鶯方言云醴自關而東謂之廡或謂之鶯詩匪風傳

鶯釜屬按鶯與醴異醴有七穿周陶釜鶯烹魚必非

有穿毛以為釜屬是矣○銘者說文云曲銘也一日

鶯鼎匪風正義引孫炎曰關東謂醴為鶯

涼州謂醴為銘方言注亦云涼州呼銘

璩瑞也

詩曰韜韜者玉瑞

玉十謂之區

雙玉曰穀五穀為區

瑞者說文云以玉為信也璩者詩大東傳用爾雅箋

云佩璩者以瑞玉為佩按璩瑞區穀皆以聲為義也

璩瑞聲近區穀聲轉○區者穀之異名說文云二玉

相合為一珌珌或作穀杜預左傳注雙玉為穀郭氏

西山經注雙玉為穀半穀為隻此云五穀為區者五

穀為玉十也初學記引逸論語曰玉十謂之區治玉

謂之琢亦謂之雕所

引蓋論語問玉篇

羽本謂之翮鳥羽根也一羽謂之箴十羽謂之縛百羽謂之

緋別羽數多

說文云羽鳥長毛也翮羽莖也周禮羽人注翮羽本也爾雅釋文引埤蒼云緋大束也羽人云凡受羽十

羽為審百羽為搏十搏為縛鄭注審搏縛羽數束名也引爾雅曰一羽謂之箴十羽謂之縛百羽謂之緋

其名音相近也一羽有名蓋失之矣是鄭意一羽不當別立名爾雅釋文孫同鄭意云蓋誤郭云凡物數

無不從一為始以爾雅不失周官未為得也按此引郭音義之文若準周禮則此一羽句當屬衍文但箴

審搏縛緋音皆相近且竝出古書爾雅未必誤也羽人釋文緋李又基遠反然則李巡注蓋讀緋為絹矣

木謂之虞縣鐘磬之木旄謂之龍旄牛尾也

虞者說文作虞云鐘鼓之柎也篆文省作虞釋名云

所以懸鐘鼓者橫曰筓筓峻也在上高峻也從日虞

虞舉也。在旁舉筍也。詩靈臺傳：植者曰虞。橫者曰枸。正義引孫炎曰：虞，枸之植。所以懸鐘磬也。郭義與孫同。○旄者，釐之段。俗也。說文云：釐，牛尾也。周禮樂師有旄舞。鄭衆注：旄，舞者，釐牛之尾。是旄卽釐也。故序官：旄人注：旄，旄牛尾舞者。所持以指麾也。是旄卽釐。釐从釐省。當讀若釐。與龍相韻，亦以聲爲義也。釋文：旄音毛。蓋失之矣。樂師釋文亦云：釐舊音毛。劉音來。沈音狸。按狸來古同聲。沈劉二音是也。龍者，說文訓艸，繫傳云：蓋旄似此艸也。望文生義，亦失之鑿。

菜謂之藪

藪者，菜茹之總名。見詩。

藪者，餽之段。音也。說文作藪。云：鼎實惟葦及蒲。陳畱謂藪爲藪，或从食，束聲。作藪。按易鼎釋文引馬云：藪，健也。鄭云：菜也。詩韓奕傳：藪菜，散也。是藪，藪通說文兼包二義。從詩則藪爲菜。散故云：惟葦及蒲。儻從易則藪爲糜。饌故云：謂藪爲藪。郭但言見詩義，未備也。周禮：醢人鄭衆注：糝食菜。藪，蒸賈疏引易覆公餽。

鄭注云慘謂之餽震為竹竹萌曰筍筍者餽之為菜也說文慘以米和羹也然則餽兼菜米郭唯以菽為菜茹之名疏矣鄭云慘謂之餽慘聲轉疑爾雅別本作慘故但言菜遂失菽餽通俗之義

白蓋謂之苦

白茅苦也今江東呼為蓋

苦者說文睽字解云讀若白蓋謂之苦又云苦蓋也蓋苦也左氏昭廿七年正義及釋文竝引李巡曰編菅茅以覆屋曰苦襄十四年正義引孫炎曰白蓋茅苦也按說文云茅以茅葦蓋屋是蓋屋亦用葦但不白白唯茅耳周禮甸師云茨牆則剪閭鄭注茨蓋也閭苦也然則閭蓋聲同古字段借通用左傳云被苦蓋今四方人語通名苦為蓋

黃金謂之盪其美者謂之鏐白金謂之銀其美者謂之

錄此皆道金銀之別名**鉸金**謂之**鈹**周禮曰祭五帝錫

謂之鈹白

及精者鐻卽紫磨金

銀錫銅鐵皆金也黃金爲之長邊者說文云金之美

者與玉同色引禮佩刀諸侯邊琫而琫琕鐻者說文

云黃金之美者書梁州貢璆鐵銀鏤史記夏紀集解

引鄭注云黃金之美者謂之鐻禹貢釋文引韋昭云

紫磨金水經溫水注藝俗謂上金謂紫磨金夷俗謂

上金爲陽適金也銀者說文云白金也北山經云少

陽之山多赤銀是銀有赤者要以白爲多故稱白耳

鐻者說文云白金也釋文引字林云美金也漢書會

貨志云朱提銀重八兩爲一流直一千五百八十它

銀一流直千然則梁州所貢當卽朱提銀此鐻是也

詩瞻彼洛矣傳諸侯邊琫而琫琕大夫人繅琫而鐻琕

按說文引上句作禮文蓋禮家舊說也○鉸金者說

文釘字解云鍊鉸黃金然則鉸金蓋鍊冶而成類聚

寶玉部引邠原別傳曰金三餅與原初學記寶器部

爾雅能寔龍口二擇器

大

引爾雅鉗金作餅金蓋段借字也錢氏荅問云鉗當作并孟子王餽兼金兼金者并金也今按說文注既有鉗字又云金百鍊不輕是不必改鉗為并矣鉗者釋文云本亦作版是也周禮職金云旅于上帝則共其金版鄭注鉗金謂之版此版所施未聞○錫者說文云銀鉛之閒也礶礶與此版所施未聞○錫者說解引鄭注云有錫則貢之或時乏則不貢錫所以柔金也釧者說文云錫也周禮井人注錫釧也郭云白鐵者職方氏注錫鐵也中山經謹山多白錫郭注今白鐵也按經又云嬰侯之山多赤錫是錫非一色但白者多耳

象謂之鵠肉謂之鸞犀謂之剡木謂之剡玉謂之雕左傳

日山有木工則剡之

五者皆治樸之名
鵠者釋文云白也木亦作鵠廣雅作鵠云治象牙也
是鵠乃段借字古無正體从齒从角各以意為之耳

蜀者說文云治角也玉篇廣韵竝云或作器又音學
亦段借字也削者玉篇廣韵竝引爾雅作犀謂之削
文選長笛賦注引亦同是古本皆作削唯陸德明本
作斲云本或作層按說文云層厲石也爾雅同引詩他
山之石可以為層今俗作錯故玉篇引爾雅斲亦作
錯然則犀角堅緻治之用錯因謂之錯矣劇者說文
云判也判分也詩小弁傳伐木者椅其巔析薪者隨
其理此即劇之也詩玉篇木部引爾雅作木謂之櫟
今江東斲木為櫟此所引蓋爾雅別本其云今江東
斲木為櫟當即舊注之文也雕者珣之段借也說文
云珣治玉也文選思玄賦注引爾雅正作玉謂之珣
通作雕又作彫孟子趙岐注彫琢治飾玉也引詩云
彫琢其章又敦琢其旅正義曰雕琢皆治玉
之名敦雕古今字按雕敦聲相轉非古今字

金謂之鏤木謂之刻骨謂之切象謂之磋玉謂之琢石

謂之磨六者皆治器之名

鑲者說文云剛鐵可以刻鑲引夏書曰梁州貢鏤然
則鏤可以刻金因名治金爲鏤詩小戎鏤膺韓奕鏤
錫卽鏤竝云刻金飾械樸傳金曰彫彫卽鏤也此篇
下云鏤鏤也鏤亦彫矣刻者說文云鏤也是刻鏤通
名爾雅對文故別耳春秋莊廿四年經云刻桓公栢
是其例也切者說文云刊也玉篇云治骨也大宰鄭
衆注珠曰切賈疏以爾雅云骨曰切蓋鄭讀爾雅本
作珠也今按珠質堅滑非可切之物恐誤耳然骨亦
難切斷釋文切本或作髑說文髑齒差也从齒屑聲
讀若切玉篇髑治骨也是髑切同玉篇竝云治骨是
其字通臧氏經義雜記十七云髑是齒之參差治骨
者因其差參而治之俾齊一故切磋字以髑爲正今
爾雅作切後人改也磋者玉篇云治象也論衡量知
篇作象曰磋說文磋玉色鮮白蓋治象齒令其鮮白
如玉上云象謂之鵠亦訓爲白是爾雅磋字當依論
衡作磋矣琢者說文云治玉也詩追琢其章箋云追
琢玉使成文章是卽以追琢皆治玉之名追卽雕也
以此上云玉謂之雕下云雕謂之琢是雕琢通名箋

義本爾雅也磨者說文作礪礪磨也礪也礪石礪磨之論語磨而不磷言石堅難治也詩淇奧傳治骨曰切象曰磋玉曰琢石曰磨於爾雅上加一治字卽文義了然矣故正義引孫炎曰治器之名郭與孫同

璆琳玉也

璆琳美玉也

璆者釋文云本或作球說文球或作璆以爲玉磬與爾雅異也詩長發傳球玉也箋云受小玉謂尺二寸圭也受大玉謂珽也長三尺按珽卽玉藻云笏天子以球玉鄭注球美玉也書顧命正義引鄭注天球雍州所貢之玉色如天者然則璆蓋青色玉矣琳者說文云美玉也書禹貢鄭注以爲美玉石卽玉也西都賦云琳珉青瑩上林賦云玫瑰碧琳是琳爲碧青玉與天璆同色爾雅以其珍貴異於它玉故特釋之耳

簡謂之畢

今簡札也

不律謂之筆

律蜀人呼筆爲不律也語之變轉

滅謂之點

以筆滅字爲點

簡者說文云牒也釋名云簡閒也編之篇篇有閒也
內則注簡謂所書篇數也畢者學記云呻其佔畢鄭
注引爾雅而云吟誦其所視簡之文是畢即簡矣釋
文畢李本作筆按畢用竹故李巡从竹至用木則曰
牘牘謂之業故曲禮云請業則起鄭注業謂篇卷是
也○筆者釋名云述也述事而書之也不律者蓋筆
之合聲說文云聿所以書也楚謂之聿吳謂之不律
燕謂之弗秦謂之筆郭云蜀人呼筆爲不律可知此
皆方俗語音輕重其義即存乎聲也曲禮云史載筆
晉語云臣以秉筆事君是則書之用筆由來舊矣韜
筆謂之管內則注管筆彊也詩云貽我彤管○滅者
沒也除也點者說文點黑也釋文李本作沾孫本作
玷按玷宋本作玷玷俗字也說文作刮云缺也引詩
白圭之刮沾即添之本字說文沾益也然則滅除其
字故爲玷缺重復補書故爲添益李孫作沾作玷其
義兩通郭本作點當屬段俗而云以筆滅字爲點蓋
失之矣古人書於簡牘誤則用書刀滅除之說文作
刮爲是非如後世誤書用筆加點也郭氏習於今而

忘於古耳

絕澤謂之銑

銑即美金言最有光澤也國語曰玦之以金銑者謂此也

此覆說金事句上當脫金字也銑者說文云金之澤者下文說弓云以金者謂之銑是銑為美金之名也晉語云玦之以金銑者寒之甚矣韋昭注銑猶灑灑寒也然則銑之為言灑也灑掃與洒滌俱與光澤義近

金鏃翦羽謂之鏃

今之鏃箭是也

骨鏃不翦羽謂之志

今之骨鏃

鏃者說文作族云矢鏃也東之族族也翦作崩云齊斷也鏃云矢金鏃翦羽謂之鏃詩行葦正義引孫炎曰金鏃斷羽使前重也司弓矢云鏃矢用諸近射田獵鄭注前尤重中深而不可遠也既夕記云獵矢一乘骨鏃短衛鄭注獵猶候也候物而射之矢也四矢曰乘骨鏃短衛亦示不用也生時獵矢金鏃賈疏云

短衛卽翦羽也謂之衛者羽所以防衛其矢故名羽
爲衛淮南兵略篇云疾如錐矢高誘注以錐爲金族
翦羽之矢郭云鏃箭也者方言云凡箭鏃廣長而薄
鏃謂之鏃○骨鏃不翦羽者以骨爲鏃而不斷齊其
羽令前後輕重適均也御覽三百四十九引舊注云
不翦謂以鳥羽自然淺狹不復口也志者書云若射
之有志司弓矢云恆矢川諸散射卽注散射謂禮射
及習射也恆矢之屬軒輅中所謂志也旣夕記云志
矢一乘軒輅中亦短衛卽注志猶擬也習射之矢無
鏃短衛亦示不用生時志矢骨鏃然則骨鏃不翦羽
卽不短衛矣郭云骨髀也者釋文引埤蒼云
骨鏃也按髀箭古用骨今亦用木仍曰髀頭

弓有緣者謂之弓

緣者繳纏之無緣者謂之弭

今之角弓也左

傳曰左

以金者謂之鈇以屨者謂之珧以玉者謂之珪

執鞭弭用金蚌玉飾弓兩頭因取其類以爲名珧小蚌

弓者以近窮遠之器此別其所飾之異名也緣者上
云緣謂之純此以爲弓飾之名既夕記云有弭飾焉
鄭注弓無緣者謂之弭弭以骨角爲飾左氏僖廿三
年正義引李巡曰骨飾兩頭曰弓不以骨飾兩頭曰
弭孫炎曰緣謂繳束而漆之無緣謂不以繳束骨飾
兩頭者也應麟仁壽縣難題蚺二說不同孫及鄭義
爲長云繳束者繳生絲也郭云今宛轉者宛轉繩也
又云弭今角弓者斯言失矣詩采芣箋弭弓反末斲
者以象骨爲之以助御者解轡紃空骨也說文弭弓
無緣可以解轡紃者曲禮注簫弭頭也釋名云其末
曰簫言簫梢也又謂之弭以骨爲之滑弭弭也然則
弭是弓末之名非卽弓名弭之言已也止也言弓體
於此止已也爾雅以無緣爲弭蓋因其無飾故從本
名卽謂之弭非以弭爲弓名也鄭既夕注弭以骨角
爲飾正謂飾弭以骨或以角以骨則象弭是也以角
者經典雖無文要爲弭頭施角郭氏誤會鄭義以弭
爲角弓之名則謬矣詩言角弓有二詩難韻增頌非
此之謂爾雅弓弭對言止別有緣無緣之異名耳今

弓有絲纏弭者亦有骨飾弭者以今證古鄭孫二義蓋不誣矣○銑者即金之絕澤者也珧者楚辭天問篇云馮珧利決王逸注珧弓名也釋文珧以蚌飾弓弭然則銑與珧亦以金玉飾弭之名推是而言有緣無緣亦皆謂弭可知

珪大尺二寸謂之玠

詩曰錫爾珪

璋大八寸謂之琚

璋半璧

好倍肉

大六寸謂之宣

漢書所云瑄玉是也

肉倍好謂之璧

肉邊好孔

好倍肉

謂之瑗

孔大而過小

肉好若一謂之環

過孔適等

此釋玉器之名

觀禮云設六玉白虎通以珪璧琮璜璋為五瑞爾雅止釋珪璋璧三者所以起度也珪者

說文作圭古文作珪云瑞玉也上圓下方白虎通云

珪之言潔也玠者說文云大圭也引周書曰稱奉介

圭按釋詁介大也介與玠通詩崧高箋圭長尺二寸謂之介非諸侯之圭故以為寶據考工記玉人鎮圭

尺有二寸天子守之是玠圭卽鎮圭故鄭云非諸侯之圭然韓奕云以其介圭入覲于王則命圭亦稱介圭故長發箋受小玉謂尺二寸圭也彼對琕玉長三尺言故以介圭爲小此對璋玉大八寸言故謂之大矣○璋者說文云剡上爲圭半圭爲璋白虎通云璋之爲言明也玉人云牙璋七寸射二寸厚寸以起軍旅以治兵守塚圭璋八寸以規聘是彼琕璋卽此所謂琕也琕者說文作瑁云玉器也讀若淑○璧者說文云瑞玉圓也白虎通云璧之爲言積也宣者釋文云宣如字木或作瑄音同郭引漢書郊祀志云有司奉瑄玉孟康注瑄大六寸謂之瑄類聚引爾雅正作瑄瑄俗字也臧氏經義雜記廿八云說文無瑄字有珣字云玉器讀若宣知爾雅宣字當作珣洪頤煊云說文珣古文珣字簡引石經句作宣字形本相近爾雅宣璧說文珣玉詛楚文宣璧皆一字○因釋璧而兼及瑗環又明三者之度也說文瑗環注及玉人鄭衆注俱連引爾雅三句荀子大略篇云問士以璧召人以瑗反絕以環又兼釋三者之用也瑗者釋文引

蒼頡篇云玉佩名說文瑗大孔璧人君上除陛以相引肉好者玉人云璧好三寸鄭衆注好璧孔也詩泮水正義引孫炎曰肉身也好孔也身大而孔小左氏昭十六年正義引李巡云好孔也肉倍好邊肉大其孔小也好倍肉其孔大邊肉小也肉好若一其孔及過肉大小適等曰環也

縫綬也

卽佩玉之組所以連繫瑞王者因通謂之綬

綬者說文云韍維也韍卽蔽紉維訓爲繫是綬爲蔽紉之系又佩玉亦有系故玉諫天子佩玉以下皆有組綬卽注綬者所以貫佩玉相承受者也然則綬之言受取承受爲義也綬者當作綬說文云綬綬維也蓋綬韍維是韍之系綬綬維是綬之系系施於綬以貫所佩之玉也綬之言逆逆猶迎也言與佩綬相迎受故後漢輿服志云綬者古佩璫也佩綬相迎受故曰綬然則綬綬相連故志又云綬綬之閒卽木爾雅爲綬也旣以璫爲綬因而變綬爲縫郭本卽作縫故

此注依上文璉瑞注而云因通謂之綫也蓋綫璉聲誤綫綫形誤矣宜據說文及輿服志以訂正

一染謂之縹今之紅也再染謂之赭淺赤三染謂之纁纁終青

謂之蔥淺青黑謂之黝黝黑貌周禮曰斧謂之蒨蒨補斧形因

云名

縹者說文云帛赤黃色一染謂之縹士冠禮注凡染絳一入謂之縹再入謂之赭三入謂之纁既夕記注一染謂之縹今紅也喪服記注縹淺絳也按說文絳大赤也紅帛赤白色然則縹色在白赤黃之間縹與繼同故玉藻注繼赤黃之間色所謂韎也詩瞻彼洛矣傳韎韎者茅蒐染韋也一入曰韎韎韎韎儀是縹以茜草染之故經典縹字釋文竝七絹反意蓋為此但縹从原聲則音七絹非矣○赭者說文作赭云赤色也輕或作赭考工記鍾氏注引爾雅作再染謂之纁左氏哀十七年傳如魚窺尾窺蓋赭之別體耳

○繅者說文云淺絳也按淺字誤鄭注以繅爲淺絳以一染色猶淺至繅三染色成故鍾氏云三入爲繅五入爲緹是繅已成大赤若再染則爲黑矣故禹貢正義引李巡云三染其色已成爲絳繅絳一名也然則繅卽爲絳可知許君誤矣○蔥者繅之段俗也說文繅帛青色玉篇云青白色也經典省作蔥詩有瑄蔥珩傳蔥蒼也玉藻云三命赤韍蔥衡鄭注青謂之蔥荀子性惡篇云桓公之蔥楊倞注蔥青色也○黝者說文云微青黑色按鍾氏云三入爲繅五入爲緹七入爲緇是從赤入黑法此云青謂之蔥黑謂之黝是從青入黑法故說文以爲微青黑色也玉藻正義引孫炎曰黝青黑蔥則青之異色與說文合周禮序官掌染草注染草藍蒨象斗之屬賈疏藍以染青象斗染黑是矣黝古通俗作幽玉藻云一命緼黻幽衡再命赤韍幽衡鄭注幽讀爲黝黑謂之黝周禮牧人守祧鄭衆注竝云幽讀爲黝黝黑也黝黝者說文云其葉有幽傳幽黑色也是幽卽黝矣○黼者說文云白黑相次考工記畫黼之事云白與黑謂之黼書益

纓正義引孫炎曰黼文如斧形又申之云蓋半白半黑似斧刃白而身黑是其義也按觀禮云天子設斧依書顧命作黼屨是黼

卽斧也斧黼以聲爲義

卽謂之祗

根卽底通語也

祗者說文云木根也釋言云祗本也卽者本爲卽舍經典俗爲根祗故此釋之也典瑞云四圭有卽弁師云象卽玉人云兩圭五寸有卽皆以卽爲祗故鄭於典瑞注引爾雅曰卽本也弁師注卽下祗也玉人注卽謂之祗有卽倅其本也俱本爾雅爲訓也祗省作氏周語云天根見而水涸木見而草木節解韋昭注天根亢氏之閒本氏也是氏祗同

雕謂之琢

治玉名也

上云玉謂之雕又云玉謂之琢此申釋之

蓐謂之茲

公羊傳曰屬負茲茲者蓐席也

竿謂之旄

衣

簣謂之筴

狀

版

蓐者席薦之名一切經音義引三蒼及華嚴經音義引聲類並云蓐薦也左氏文七年傳秣馬蓐食宣十二年傳軍行右轅左追蓐皆以蓐爲草薦也其有著者則謂之茵少儀云茵席鄭注茵箸蓐也茲者草也素問五藏生成篇云色見青如草茲者或蓋以茲爲草席也郭引公羊桓十六年傳云屬負茲史記周本紀云衛康叔封布茲集解徐廣曰茲者藉席之名諸侯病曰負茲其以龍鬚草爲席者謂之龍茲荀子正論篇注龍茲卽今之龍鬚席其以草薦馬者謂之馬茲周禮圉師春除蓐鄭注蓐馬茲也○竿者說文云竹挺也旄者曲禮云不同旄柳鄭注旄可以柳衣者內則云夫之揮旄鄭注竿謂之旄曲禮釋文旄作地內則釋文地本又作旄爾雅釋文旄李本作筴同羊支反字林上支反然則此字古無正體亦無正音說文旄云木旄旄玉篇云旄旄不正兒是旄當作旄旄者延移之義竹竿旄衣橫貫牆內旄然而長疑禮記

爾雅古本俱止作施施从也聲則音羊支反是矣玉
篇雖有施施二字竝云衣架當由後人增入之李巡
本作筵職敵筵亦段俗字耳○簣者說文云牀棧也
檀弓注簣牀第也第者說文云簣也按簣以竹爲之
許云牀棧郭云牀版皆謂分析竹片施於牀幹之上
故易剝牀以辨釋文引黃云辨牀簣也蓋辨爲分析
之名施於牀上辨辨然其義與許郭合矣本以竹片
爲簣因而竹席亦名簣故史記范雎傳云卷以簣置
廁中蓋謂竹席耳索隱以簣爲葦荻之薄非也旣以
牀薦爲簣因而牀亦名簣故方言云牀齊魯之閒謂
之簣陳楚之閒或謂之第左氏襄廿七年傳牀第之
言正義引孫炎曰牀也蓋直以第爲牀之通名雖義
本方言而並於雅訓何以明之喪大記云設牀檀第
鄭注檀第袒簣也旣言牀又言第可知以第爲牀非
也周禮玉府云衽席牀第旣言席
又言第可知以簣爲席亦非矣

革中絕謂之辨中斷革中辨謂之鞞

復分半也

革者即上云轡首謂之革辨者說文作辨云判也釋
 文辨孫蒲竟反釋云辨半分也是孫炎讀辨為片玉
 篇辨部及廣韻卅二霞竝引爾雅作革中絕謂之辨
 革車勒轡也增詳辭賦補注是爾雅別本有作辨者
 蓋因辨有片音故作此字證以釋木云桑辨有甚辨
 亦音片今本作辨皆淺人妄加之耳孫氏星衍曰晏
 子春秋雜篇下云景公病疽在背問墮者何如曰如
 履辨下又曰如珪據此則履辨形如珪而中空耳○
 鞬者說文云革中辨謂之鞬廣韻廿八獮引爾雅同
 而申之云車上所用皮也玉篇云鞬革中片也片即
 辨字缺脫其旁然則轡首之革中分之謂之辨又中
 分之謂之鞬說文鞬字解云鞬衣也繫傳云鞬革中
 辨也然則辨鞬皆分判之名說文鞬
 衣晏子春秋履辨其義皆與爾雅合

鏤鏤也
刻鏤物為鏤

已見上文金
 謂之鏤下

卣中尊也

不大不小者

已見上文
卣器也下

爾雅郭注義疏中之二

孫男聯

蓀伯愷
薇近垣

校字

爾雅郭注義疏中之三

棲霞郝懿行學

釋樂第七

樂者釋文引說文云總五聲八音之名象鼓鞀之形木其虞也

六引世本云伶倫作樂周衰樂壞遭秦絕學古樂論
亡漢興武帝時河間獻王作樂記劉向所校廿三篇
樂器弟十三今禮記所取才止十一合爲一篇其餘
十二篇別錄存其名其文則闕焉白虎通引樂記曰
土曰埙竹曰管皮曰鼓匏曰笙絲曰弦石曰磬金曰
鐘木曰祝敔又引樂記曰壎坎音也管艮音也鼓震
音也弦離音也鍾兌音也祝敔乾音也所引當卽樂
器篇文史記樂書索隱引孫炎釋廉直經正云經法
也類小大之稱云作樂器小大稱十二律也舊至德
之光云至德之光天地之道也動四氣之和云四氣
之和四時之化樂主其反云反謂曲終還更始也所
引孫注於爾雅文無所附疑古本在篇內今缺脫矣

此篇首舉五聲之別號次及八音大小之異名皆言其器未論其義其篇末將有闕文歟

宮謂之重商謂之敏角謂之經徵謂之迭羽謂之桺皆五

音之別名其義未詳

宮商角徵羽者五聲也聲之起由人心之感於物也故管子地員篇云凡聽宮如牛鳴窳中凡聽商如離羣羊凡聽角如雉登木以鳴音疾以清凡聽徵如負豬豕覺而駭凡聽羽如鳴馬在野是五聲象五物之鳴清濁高下由斯生焉重敏經迭桺者唐徐景安樂書引劉歆云宮者中也君也爲四音之綱其聲重厚如君之德而爲重商者章也臣也其聲敏疾如臣之節而爲敏角者觸也民也其聲圓長經貫清濁如民之象而爲經徵者祉也事也其聲抑揚遞續其音如事之緒而爲迭羽者宇也物也其聲低平掩映自高而下五音備成如物之聚而爲桺爾雅釋文引孫炎云宮音濁而遲故曰重也按孫炎與劉歆義同樂書

所引卽其爾雅注也釋文引劉歆乃漢書律麻志之文臧氏爾雅漢注說是

大瑟謂之灑

長八尺一寸廣一尺八寸二十七弦

瑟者說文云庖犧所作弦樂也釋名云瑟施弦張之瑟瑟然也玉海引世本云瑟潔也使人精潔於心淳一於行白虎通云瑟者嗇也閑也所以懲忿窒欲正人心之德也大瑟者明堂位有大瑟小瑟風俗通云今瑟長五尺五寸非正器也應劭所說蓋小瑟郭注所言乃大瑟也邢疏引世本日庖犧氏作五十弦黃帝使素女鼓瑟哀不自勝乃破爲二十五弦其二均聲禮圖舊云雅瑟長八尺一寸廣一尺八寸二十三弦其常用者十九弦頌瑟長七尺二寸廣一尺八寸二十五弦盡用之通典引同郭云二十七弦未見所出謂之灑者釋文引孫炎云音多變布出如灑也月令正義引作音之布告如埽灑也釋文灑所蟹所綺二反按灑从麗聲所蟹非古音灑瑟以聲轉爲義

大琴謂之離

或曰琴大者二十七弦未詳長短廣雅曰琴長三尺六寸六分五弦

琴者說文云禁也神農所作洞越練朱五弦周加二弦加一謂漸論攸註賦註各白虎通云琴者禁也所以

禁止注邪正人心也風俗通云今琴長四尺五寸法

四時五行也七弦者法七星也琴操云長三尺六寸

六分象三百六十六日廣六寸象六合也按此是常

用之琴明堂位有中琴豈是歟又有大琴則此大琴

是也初學記引樂錄曰大琴二十弦今無此器御覽

五百七十七引爾雅注云大琴曰離二十弦此是伏

義所制郭注作二十七弦疑與大瑟相涉而誤也注

氏中據宋書樂志校七字衍去之是矣然通典已引

作二十七弦則自唐本已然謂之離者離猶羅也衆

音分散羅羅然與灑義同也月令正義引孫炎云聲

畱離也邢疏引作音多變

聲流離也流離與畱離同

大鼓謂之鼗

鼗長八尺

小者謂之應

詩曰應輦縣鼓在大鼓側

鼓者說文云郭也春分之音萬物郭皮甲而出故謂之鼓釋謂郭諸釋名云鼓郭也張皮以冒之其中空也白虎通云鼓震音煩氣也萬物憤懣震動而出荀子樂論篇云鼓其樂之君郭鼓者說文云大鼓謂之鼗鼗入尺而兩面以鼓軍事本鼓人及鞀人文也鼗从貴省聲詩賁鼓維鏞賁卽鼗也釋詁墳大也墳鼗音義同應者以應和爲義也釋文引李巡云小者音聲相承故曰應應承也孫炎云和應大鼓也釋名云在後曰應應大鼓也郭引詩應輦縣鼓毛傳應小鞀也鄭箋輦小鼓在大鼓旁應輦之屬也

大磬謂之磬

磬形似鞀鉦以玉石爲之

磬者說文云樂石也从石殸象縣虞之形殸擊之也古者母句氏作磬釋名云磬磬也其聲磬磬然堅緻也白虎通云磬者夷則之器象萬物之成也其氣清故曰磬樂記云石聲磬皆以磬爲磬磬有堅成之義也說文磬古文作磬論語鄙哉硜硜乎疑卽磬疑之或體耳郭知磬玉石爲之者詩邶箋云磬玉磬也通

典云泗濱石可爲磬近代出自華原大磬者玉海載
三禮圖舊圖引樂經云黃鍾磬前長三律二尺七寸
後長二律一尺八寸此謂特懸大磬配鐸鐘者也爾
雅大磬蓋卽此謂之磬者釋文引李巡云大磬聲清
燥也故曰磬磬燥也孫炎云磬喬反非音喬是也喬磬
高也按孫讀磬爲喬釋文虛矯反非音喬是也喬磬
一聲之轉郭云形似犁鉤者釋文江南人呼犁爲
鉤說文珣字解云似犁冠繫傳云犁冠卽犁鏡也廣
韻鏡吳人云犁鐵按今登萊人謂犁鐵爲鏡頭形
不似磬磬之形則磬氏云倨句一矩有半是也

大笙謂之巢

列管匏中施簧管
端大者十九簧

小者謂之和

十三簧者
鄉射記曰

三笙一和
而成聲

笙者說文云十三簧象鳳之身也笙正月之音物生
故謂之笙大者謂之巢小者謂之和古者隨作笙又
簧云笙中簧也古者女媧作簧釋名云笙生也竹之
貫匏象物貫地而生也以匏爲之故曰匏也按匏卽

笙或單言簧亦卽笙故詩左執簧毛傳以簧爲笙正義曰簧者笙管之中金薄鑠也郭云十九簧者未見所出云十三簧者本笙師注鄭衆說也風俗通云長四尺十三簧象鳳之身孟子疏引禮圖云笙長四尺諸管參差亦如鳥翼皆其形狀也謂之巢與和者御覽五百八十一引舍人云大笙音聲衆而高也小者音相和也釋文引孫炎云巢高也言其聲高和應和於笙李巡云小者聲少音出和也郭引卿射記文鄭注三人吹笙一人吹和是也釋文巢孫頤竝仕交莊交二反孫又徂交反今按巢讀若縹與笙雙聲和與小鼓名應義同

大箴謂之沂

箴以竹爲之長尺四寸圍三寸一孔上出一寸三分名翹橫吹之小者尺二寸廣雅

云八孔

箴者說文作𦵏云管樂也或从竹作箴釋名云箴嘒也聲從孔出如嬰兒嘒聲也大箴者郭據廣雅長尺

四寸又云尺二寸者三禮圖引舊圖云雅簾長尺四寸頌簾長尺二寸是大簾即雅簾也小簾即頌簾也郭又云名翹橫吹之者通典引蔡邕月令章句云簾六孔有距橫吹之通典引蔡邕月令章句云簾世本注云簾吹孔有翹如酸聚然則或言翹或言距或言翹皆指吹孔之上出者而言也至其孔數廣雅云入孔笙師注云七孔月令章句作六孔禮圖作九孔風俗通又云十孔不同者或器有大小亦或所傳之異也謂之沂者御覽五百八十引舍人曰大簾其聲悲沂鏘然也釋文引李孫云簾聲悲沂悲也是諸家竝以悲訓沂知沂讀魚衣切與簾疊韻此古音也釋文郭魚斤反非矣

大填謂之器

填燒土爲之大如鵝子銳上平底形如稱錘六孔小者如雞子

填者說文作填云樂器也以土爲之六孔周禮小師注填燒土爲之大如鴈卵風俗通云圍五寸半長三寸半有四孔其二通凡爲六孔御覽五百八十一引爾雅注曰填填銳上平底形象稱錘大者如鵝子聲

合黃鍾大呂也小者如雞子聲合大簇夾鍾也皆六
孔與簾聲相諧故曰壎簾相應
壎在十一月壎之為言薰也陽氣於黃泉之下薰蒸
而萌釋名云壎喧也聲濁喧喧然也謂之詬者詬喧
義同喧說文作叩讀若謹與壎疊韻詬與叩同釋文
詬本或作叫引李巡云叫大壎也詩何人斯正義引
孫炎曰音大
如叫呼也

大鍾謂之鐻

書曰笙鐻以閒
亦名鐻音博

其中謂之剽小者謂之棧

鍾者說文云樂器也
成古者垂作鍾釋名云鍾空也內空受氣多故聲大
也白虎通云鍾之為言動也陰氣用事萬物動淮南
本經篇注鍾音之君也鐻者說文云大鍾謂之鐻詩
云庸鼓有數逸周書世俘篇云王奏庸庸皆鐻之省
俗也書益稷正義引李巡曰大鍾音聲大鐻大也孫
炎曰鐻深大之聲剽者釋文郭音瓢孫匹妙反釋
云剽者聲輕疾李云其中微小故曰剽剽小也按李

巡蓋以剽爲纂纂訓末末亦微小之言○棧者淺之
段音也說文淺也釋文引李巡云棧淺也又引東
晉太興元年會稽剡縣人家井中得一鐘長三寸口
徑四寸上有銘馮昭情郭璞雄雉賦王粲鄒
云今按當時以所得鐘爲棧鐘故釋文援之
其言尺寸則晉書較詳備然棧鐘亦無攷

大簫謂之言

編二十三管長尺四寸

小者謂之箏

十六管長尺二寸簫亦名簫

簫者說文云參差管樂象鳳之翼白虎通云簫者中
呂之氣也萬物生於無聲見於無形動也肅也釋名
云簫肅也其聲肅肅然清也按荀子解蔽篇云鳳皇
秋秋其聲若簫是簫形象鳳翼音亦象鳳聲矣詩有
簫笄簫編小竹管如今賣錫者所吹也周禮小師注
同廣雅云簫大者二十四管小者十六管有底類聚
引三禮圖云雅簫長尺四寸二十四管頌簫長尺二
寸十六管龔卿是簫之管數廣雅以禮圖爲據郭不
同者通典引月令章句云簫編竹有底大者二十三
管是郭所本也風俗通又云十管長二尺所未詳也

謂之言與筴者有替正義引李巡曰大簫聲大者言
言也小者聲揚而小故言筴筴小也急就篇補注引
周禮注云有底而善應謂之管有底而交鳴謂之筴
譌數或減雖然則言訓應也筴訓交也因疑言或磨
字之缺筴亦筴字之壞嫌購故伊數
筴言磨俱聲相轉或音變形謂耳

大管謂之箛管長尺圍寸併漆之有其中謂之簞小者

謂之簞

管者說文云如簞六孔十一月之音物開地牙故謂
之管風俗通引樂記管漆竹長一尺六孔周禮小師
注管如簞而小併兩而吹之今大子樂宮有焉宋書
樂志引月令章句云管者形長尺圍寸有六孔無底
廣雅亦云無底郭注作有底誤也又引賈逵以為如
簞六孔與小師鄭眾注同說文所本也謂之箛者御
覽五百入十引舍人曰大管聲高大故曰箛箛者高
也中者聲精密故曰簞簞密也小者聲音清妙也按

舍人讀笙如暱訓箛
爲妙說文箛用爾雅

大箛謂之產

箛如笛三孔而短
小廣雅云七孔

其中謂之仲小者謂之

約

箛者箛之段俗也說文云箛樂之竹管三孔以和衆
聲也通作箛少儀注箛如笛三孔笙師注同皆郭所
本也又引廣雅云七孔詩簡兮傳六孔不同者蓋箛
施用有異故孔數不同其施於吹以和樂者則三孔
如笛而短其施於舞所執者則六孔當如笛而長知
者風俗通引樂記云笛長一尺四寸七孔簡兮釋文
云箛長三尺執之以舞是舞箛長於笛有半則知吹
箛短於笛其體當不過一尺也笛與箛全相似故廣
雅云箛謂之箛又云有七孔以簡兮傳六孔推之則
知廣雅之七孔亦當指舞箛而言矣舞箛有孔者雖
施於舞亦用以吹故周禮序官箛師注云箛舞者所
吹是其義也然箛既如笛而有三孔六孔七孔不同

者說文云笛七孔簫也完笛三孔笙師注杜子春云
簫今時所吹五空竹簫是笛之孔數亦未有定然則
吹簫短於笛而三孔舞簫長於笛而六孔或七孔始
無可疑矣產仲葑者說文以龠爲簫仲亦爲簫故云
簫三孔龠也大者謂之笙城濮鞀雖作鄧其中謂
之簫小者謂之葑又云葑小簫也風俗通引樂記與
說文同唯其中謂之仲句爲異御覽五百八十引舍
人云仲其聲通中仲呂也小者形聲細小曰葑也是
舍人本作仲與郭同簫又簫之別名故廣雅云簫謂
之簫淮南齊俗篇注簫簫也孟子注簫簫也是簫簫
簫古皆通名故說
文以簫爲簫矣

徒鼓瑟謂之步

獨作

徒吹謂之和徒歌謂之謠

詩云我歌且謠

徒擊鼓謂之鼗

詩曰或歌或鼗

徒鼓鐘謂之脩徒鼓磬謂之塞

未見義所出

凡八音備舉曰樂一音獨作不得樂名此別其異稱也鼓者擊也動也周禮小師注出聲曰鼓徒者空也但也猶獨也徒鼓瑟謂之步者步猶行也文選樂府詩注引歌錄有齊瑟行行即步之意也○吹者釋文云本或作歛說文作簫釋名云竹曰吹吹推也以氣推發其聲也按吹有吹管吹壎要以竹爲主樂記云竹聲濫濫以立會謂之和者吹竹其聲繁會取相應和爲義也○歌者說文云詠也釋名云人聲曰歌按歌有弦歌笙歌要以人聲爲主謠者說文作謠云徒歌从言肉肉即人聲石經作謠詩園有桃傳曲合樂曰歌徒歌曰謠初學記引韓詩章句有章曲曰歌無章曲曰謠又引爾雅注云謂無絲竹之類獨歌之詩正義引孫炎曰聲消搖也然則謠有消搖之義檀弓云孔子消搖於門而歌此歌即徒歌矣○嘯者說文作嘯云譚訟也詩行葦正義引孫炎曰聲驚嘯也驚嘯即譚訟之意樂記云鼓鼙之聲謹謹即譚也鼓聲使人警動故謂之嘯行葦傳云歌者比於琴瑟也徒擊鼓曰嘯初學記引爾雅有聲比於琴瑟曰歌一句

以毛傳推之今本似有脫文○脩者長也大也樂記云鐘聲鏗鏗者聲宏大而遠聞故謂之脩矣○蹇者釋文引李巡云置擊衆聲蹇連也本或作蹇或作蹇非按初學記引爾雅正作徒擊磬謂之蹇卽釋文所非者但蹇蹇俱或體蹇爲正字易云往蹇來連馬融注連勛善亦難也是蹇連義同李巡與馬融合因知李本蹇蓋作蹇陸德明不知作蹇乃古本反據今本作蹇而非之謬矣樂記云石磬磬磬與經古音近而義同論語經於溝瀆卽禮記磬於甸人之義磬經蹇俱聲相轉

所以鼓柷謂之止

柷如漆桶方二尺四寸深一尺八寸中有椎柄連底桐之令左右擊止者

其椎所以鼓敵謂之鼗

敵如伏虎背上有二十七鉏鉞刻以木長尺櫟之鼗者其名

說文云柷樂木空也倭倭所以止音爲節柷樂也敵樂器控柷也形如木虎詩有鼗傳柷木控也圉柷也圉與敵同明堂位注指擊謂柷敵皆所以節樂者也書合止柷敵卽注柷狀如漆篴中有椎合之者投

椎於其中而撞之敵狀如伏虎背上刻之所以鼓之
以止樂風俗通引樂記云祝漆桶方畫木方三尺五
寸高八五寸中有椎上用儼邇當祝止音爲節廣雅
說尺寸與樂記同郭云二尺四寸未知出何書也書
益稷正義云擊祝之椎名爲止戛敵之木名爲鼗漢
禮器制度及白虎通馬融鄭玄李巡其說皆爲然也
惟郭璞爲詳據此則郭注亦本李巡但其義加詳耳
白虎通云祝敵者終始之聲萬物之所生也祝始也
敵終也釋名云祝以作樂敵以止樂按祝之言倂倂
始也敵之言禦禦止也說文祝所以止音爲節蓋釋
爾雅鼓祝謂止之義非止樂之止也舊說止
者欲戒止於其早也鼗者欲修潔於其後也

大鼗謂之麻小者謂之料

麻者音槩而長也料者聲清而不亂

鼗者說文作鞀云鞀遼也或作鞀又作鞀籀文作鞀
釋名云鞀導也所以導樂作也周禮小師注鼗如鼓
而小持其柄搖之翫耳還自擊賈疏云後鄭解鼗依
漢法而知賈知鄭依漢法者據詩置我鞀鼓鄭箋置

讀曰植植鞀鼓者爲楹貫而樹之以彼貫而樹者爲古法卽知持而搖者爲漢法矣謂之麻者麻之言靡緻密之意故春秋說題辭云麻之爲言微也陰精寢密女作纖微也郭云縹屬器者卽稠密之義宋書樂志云小鼓有柄曰鞀大鞀謂之鞀月令仲夏修鞀鞀是也然則宋志蓋以鞀卽麻矣料者量也數也說文料讀若遼鞀訓鞀遼蓋以其聲了了遠聞故郭云聲清而不亂

和樂謂之節

和者說文作龢云調也節者邢疏云樂器名謂相也樂器云治亂以相鄭注相卽拊也亦以節樂拊者以韋爲表裝之以糠糠一名相因以名焉周禮大師云令奏擊拊書益稷謂之搏拊明堂位謂之拊搏皆一物也釋名云搏拊以韋盛糠形如鼓以手拍拊之也樂記云會守拊鼓是拊乃鼓屬用以節樂因名節鼓通典云節鼓狀如博局中開圓孔適容其鼓擊以節樂所說形狀與劉熙及鄭又異宋書樂志節在鼓類

則仍同舊說又云節不知誰所造傳玄節賦云黃鐘
唱哥九詔興舞口非節不詠手非節不拊此則節所
從來亦遠矣

爾雅郭注義疏中之三

孫男聯

孫伯愷近垣

校字

爾雅郭注義疏中之四

棲霞郝懿行學

釋天第八

天者說文云顛也至高無上从一大釋名

高顯也青徐以舌頭言之天坦也坦然高而遠也釋文引春秋說題辭云天之言鎮也居高理下為人經緯故其字一大以鎮之也又引禮統云天之爲言鎮也神也陳也珍也施生爲本運轉精神功效列陳其道可珍重也此篇所釋四時祥災歲陽歲名月陽月名風雨星名皆天所運轉列陳而爲敬授庶徵之本故以次詮釋其祭名以下蓋附見焉翟氏灝爾雅補禮篇與釋樂篇相隨此其殘文孫氏志祖陸錄非之今無取焉

穹蒼蒼天也

天形穹隆其色蒼蒼因名云

春爲蒼天

萬物蒼蒼然生夏爲昊

天言氣秋爲旻天

旻猶愍也愍

冬爲上天

言時無事在上臨下而已

穹蒼者詩桑柔傳用爾雅以詩言穹蒼故以蒼天釋之正義引李巡曰古時人質仰視天形穹隆而高其色蒼蒼然故曰穹蒼郭義與李同○春夏秋冬天異名者釋名云春日蒼天陽氣始發色蒼蒼也夏日昊天其氣布散灑灑也秋日旻天旻閔也物就枯落可閔傷也冬日上天其氣上騰與地絕也詩黍離傳元氣廣大則稱昊天仁覆閔下則稱旻天自上降鑒則稱上天據遠視之蒼蒼然則稱蒼天正義引李巡曰春萬物始生其色蒼蒼故曰蒼天夏萬物盛壯其氣昊大故曰昊天秋萬物成熟皆有文章故曰旻天冬陰氣在上萬物伏藏故曰上天御覽廿四引孫炎云冬天藏物物伏於下天清於上其義與李巡同白虎通四時篇饒言春日蒼天夏日昊天云云又引爾雅一說與此不同黍離正義引異義天號今尙書歐陽說春日昊天夏日蒼天爾雅亦云書堯典正義引鄭讀爾雅云春爲昊天夏爲蒼天說文云春爲界天元

氣昇昇以日亦廣雅亦云東方昇天皆本尙書歐陽說也然則許鄭及張揖所據爾雅春吳夏蒼郭與李巡作春蒼夏昊可知爾雅古有二本卽白虎通所言是也然此皆循文訓義未爲觀其會通若通而論之則堯命羲和而云欽若昊天非必夏也魯誅孔子而曰閔天不弔非必秋也上言彼黍離離下言悠悠蒼天其非春可知矣方言有苑者柳卽云上天甚神觀其非冬亦明矣爾雅略釋其義讀者勿泥其詞也可

四時

題上事也白虎通云時者期也陰陽消息爲名也春秋物變盛冬夏氣變盛釋名云四時四方各一時時期也物之生歟各應節期而止也按御覽十七引釋名作爾雅又曰時空也司空主地各主一方物之生歟據此所引蓋爾雅舊注也又據白虎通四時天異名云云則知四時二字本爾雅舊題祥災以下義亦同焉

春為青陽

氣清而溫陽

夏為朱明

氣赤而光明

秋為白藏

氣白而收藏

冬為玄英

氣黑而清英

四氣和謂之玉燭

道光

說文云青東方色也陽高明也釋名云陽揚也氣在外發揚也朱明者御覽廿一引孫炎云夏氣赤而光明郭與孫同即此一條可知郭注俱本孫炎也四氣和者史記樂書索隱引孫炎云四氣之和四時之化玉燭者釋文引李巡云人君德美如玉而明若燭邢疏引尸子仁意篇述太平之事云燭於玉燭四時和正光照此之謂玉燭

春為發生夏為長贏秋為收成冬為安寧

此亦四時之別號尸子皆

以為太四時和為通正

道平暢也

謂之景風

所以致景風

發生長贏者釋文引李巡云萬物各發生長也贏本或作贏四時和為通正者類聚一及文選新刻漏銘

注竝引爾雅作四氣和爲通正尸子論衡亦云然也
景風者法苑珠林引李巡曰景風太平之風也尸子
作承風仁意篇云其風春爲發生夏爲長歲秋爲方
盛冬爲安靜四氣和爲通正此之謂承風煖彌瓊升
煥點論衡作景星是應篇云爾雅釋四時章曰春爲
發生夏爲長歲秋爲收成冬爲安寧四氣和爲景星
夫如爾雅之言景星乃四時氣和之名也恐非著天
之大星然則論衡所據爾雅本作謂之景星而以爲
非大星推此則知景風
之義亦當如論衡所說

甘雨時降萬物以嘉

莫不謂之醴泉

所以出

甘雨時降者類聚二引尸子曰神農氏治天下欲雨
則雨五日爲行雨旬爲穀雨旬五日爲時雨正四時
之制萬物咸利故謂之神呂覽季春孟夏二紀竝云
甘雨至三旬與尸子義合是蓋自古以來相傳甘雨
時降之期會也邢疏引尸子仁意篇云甘雨時降萬
物以嘉高者不少下者不多此之謂醴泉君治篇云

舜南面而治天下太平燭於玉燭息於永風食
於膏火飲於醴泉是又本爾雅而推廣其義也論衡
是應篇云爾雅言甘露時降萬物以嘉謂之醴泉醴
泉乃謂甘露也今儒者說之謂泉從地中出其味甘
若醴故曰醴泉又言甘露其味甚甜未可然也雨濟
而陰一者謂之甘雨非謂雨水之味甘也推此以論
甘露必謂其降下時適潤養萬物未必露味甘也王
充此論足解陋儒之惑今按爾雅此章題之曰祥
者善也夫天地順而四時當民有德而五穀昌此之
謂大當祥其祥於是矣自世儒喜談緯候侈言符命
封禪名書符瑞箸志爾雅此篇將以杜絕謬妄玉燭
景風甘雨醴泉雖依其名而無取其實蓋以四時光
照卽爲玉燭四氣和正卽爲景風甘澍應期卽爲醴
泉所以破讖緯之陋說標禎祥之本名將欲人君敬
天勤民以致陰陽和而年穀豐也郭氏未達斯旨其
注景風醴泉猶以致出爲言頗復近惑緯書遠菲雅
訓爰據尸子王充
之論訂正其失焉

祥

穀不熟為饑五穀不成蔬不熟為饑凡草菜可食者通名為蔬果不熟為

荒子果木仍饑為稔連歲不熟左傳曰今又稔饑

穀者說文云續也百穀之總名饑者說文及詩傳用爾雅雨無正正義引李巡曰五穀不熟曰饑穀梁襄廿四年傳云一穀不升謂之饑二穀不升謂之饑三穀不升謂之饑四穀不升謂之饑五穀不升謂之饑又謂之大侵按此但據穀言荒饑亦在其內實則五者皆謂饑也又五穀亦無定名周禮疾醫注五穀麻黍稷麥豆據月令為說也職方注五種稻黍稷麥菽素問金匱真言篇說五穀與職方注同經典多從之○蔬者經典多作疏大宰注云蔬材草木根實可食者引爾雅亦作疏魯語云能殖百穀百蔬韋昭注草實曰蔬按草菜通名故李巡曰可食之菜皆不熟為饑說文及毛傳用爾雅依穀梁說三穀不升為饑

是穀蔬通名故曲禮云稻曰嘉蔬鄭注稻蔬之屬也○果者說文云木實也在木曰果在地曰蔬按蔬草菜之屬即蔬之類與果異也荒者說文作𦵏云虛無食也諡法云凶年無穀曰𦵏又云𦵏虛也是𦵏荒義同穀梁四穀不升為荒與諡法並據穀言者穀與果蔬實相表裏凡穀不熟之年果蔬亦多不蕃也又周易言百果魯語言百蔬與詩書言百穀皆舉大數而言實亦通名故初學記廿七引楊泉物理論云梁稻菽三穀各二十種為六十蔬果之實助穀各二十凡為百穀是則穀為大名蔬果亦穀之類故不熟同謂之災○仍者釋詁云因也荐者釋言云再也左氏僖十三年正義引李巡云連歲不熟曰荐爾雅釋文荐李本作薦是薦荐通詩饑饉薦臻傳薦重也又按爾雅此篇題之曰災易鄭注害物曰災春秋書火為災爾雅以饑為災左傳晉荐饑下云天災流行是亦以饑為災與爾雅合

災

太歲在甲曰闕逢在乙曰旃蒙在丙曰柔兆在丁曰強
圉在戊曰審雍在己曰屠維在庚曰上章在辛曰重光
在壬曰玄默在癸曰昭陽

甲者說文云位東方之孟陽氣萌動从木戴孚甲之
象釋名云甲孚也萬物解孚甲而生也闕逢者一切
經音義十七引李巡曰言萬物鋒芒欲出擁遏未通
故曰闕逢淮南天文篇云寅在甲曰闕逢高誘注與
李巡同史記麻書作焉逢○乙者說文云象春艸木
冤曲而出陰氣尙彊其出乙乙也釋名云乙軋也自
抽軋而出也旃蒙者天文篇云卯在乙曰旃蒙高注
言萬物遇蒙甲而出故曰旃蒙也麻書作端蒙○丙
者說文云位南方萬物成炳然釋名云丙炳也物生
炳然皆著見也柔兆者一切經音義引李巡曰言萬
物皆垂枝布葉故曰柔兆也孫炎曰萬物柔婉有條
兆也天文篇云辰在丙曰柔兆高注與李巡同麻書

作游兆徐廣曰一作游桃。○丁者說文云夏時萬物
皆丁實釋名云丁壯也物體皆丁壯也強圉者李巡
曰言萬物皆剛盛未通故曰強圉孫炎曰萬物皮孚
堅者也天文篇云己在丁曰強圉高注言萬物剛盛
今按四月陽氣已盛故曰剛盛李云未通非也高注
得之麻書作彊梧。○戊者說文云中宮也釋名云戊
茂也物皆茂盛也天文篇云午在戊曰箸離高注言
位在中央萬物繁養四方故曰箸離也釋文箸孫直
略反又陟慮反靡字又作雍箸靡本或作祝黎按麻
書戊作徒維已作祝黎與爾雅異釋文蓋本此而誤
○己者說文云中宮也象萬物辟藏拙形也釋名云
己紀也皆有定形可紀識也屠維者天文篇云未
己曰屠維高注言萬物各成其性故曰屠維屠別維
離也麻書作祝犁。○庚者說文云位西方象秋時萬
物庚庚有實也釋名云庚更也庚堅強貌也上章者
天文篇云申在庚曰上章高注言陰氣上升萬物畢
生故曰上章也麻書作商橫。○辛者說文云秋時萬
物成而孰金剛味辛辛痛卽泣出釋名云辛新也物

初新者皆收成也重光者天文篇云酉在辛曰重光
高注言萬物就成熟其光煌煌故曰重光也厯書作
昭陽。壬者說文云位北方也象人裹妊之形釋名
云壬妊也陰陽交物懷妊也至于而萌也玄默者天
文篇云戌在壬曰玄默高注言歲終包任萬物故曰
玄默也按玄默言物終而幽翳也厯書作橫艾。癸
者說文云冬時水土平可揆度也釋名云癸揆也揆
度而生乃出土也昭陽者天文篇云亥在癸曰昭陽
高注言陽氣始萌萬物含
生故曰昭陽厯書作尙章

歲陽

太歲在寅曰攝提格在卯曰單閼在辰曰執徐在巳曰
大荒落任午曰敦牂在未曰協洽在申曰涒灘在酉曰
作噩在戌曰閭茂在亥曰大淵獻在子曰困敦在丑曰

赤奮若

寅者說文云臚也正月陽氣動去黃泉欲上出陰尙
彊象一不達臚寅于下也釋名云寅演也演生物也
攝提格者史記天官書索隱引李巡云言萬物承陽
起故曰攝提格格起也開元占經廿三引孫炎云陽
攝持攜萬物使之至上按攝提星名屬東方亢宿分
指四時從寅起也故鄭注是類謀云攝提招紀天元
甲寅之歲又離騷云攝提貞于孟陬不言格者省文
○而者說文云冒也二月萬物冒地而出史記律書
云而之爲言茂也言萬物茂也單閼者天官書索隱
引李巡云陽氣推萬物而起故曰單閼單盡也閼止
也穰穰也穰穰說屈原賈生傳索隱引孫炎本作蟬焉
蟬猶伸也占經引孫炎作蟬猶伸也閼塞之物于此
盡伸也○辰者說文云震也三月陽氣動雷電振民
農時也釋名云辰伸也物皆伸舒而出也執徐者釋
文引李巡云執螯也徐舒也言蟄物皆敷舒而出故
曰執徐也占經引孫炎云句者必達蟄伏之物盡敷

舒也淮南天文篇注同李巡。已者說文云已也四月陽氣已出陰氣已藏萬物見成文章釋名云已也也陽氣畢布已也大荒落者占經引李巡云言萬物皆熾茂而大出霍然落落故曰荒落孫炎云物長大荒蕪落莫也麻書作大芒落天官書作大荒駱堂邑令費鳳碑云歲俗于大荒不言落者省文。午者說文云梧也五月陰氣午逆陽冒地而出律書云午者陰陽交故曰午敦牂者占經引李巡云言萬物皆茂壯猗那其枝故曰敦牂敦茂也牂壯也史記索隱引孫炎云敦盛也牂壯也言萬物盛壯也天文篇注同李孫。未者說文云味也六月滋味也釋名云未味也日中則昃向幽昧也協洽者占經引李巡云言陰陽化生萬物和合故曰協洽協和也洽合也孫炎云物生和治含英秀也。申者說文云神也七月陰氣成體自申東釋名云申身也物皆成其身體各申束之使備成也渚者說文云食已而復吐之引爾雅曰太歲在申曰渚灘一切經音義十七引李巡曰言萬物皆循修其精氣故曰渚灘渚單盡也孫炎曰渚灘

萬物吐秀傾垂之貌也天文篇注渚大難修也言萬
 物皆修其精氣也呂覽序意篇注義同又云渚灘誇
 人短舌不能言為渚灘也按渚灘雙聲兼疊韻諸家
 各以意說說釋文灘本或作攤漢孔廟禮器碑作渚歎
 ○酉者說文云就也釋名云秀也秀者物皆成也作
 噩者釋文云噩本或作罍史記索隱引李巡云作鄂
 皆物茁枝起之貌占經引李巡云在酉言萬物墜落
 故曰作鄂作索也鄂茂也藏醴醴也醴醴也醴醴
 可辭也孫炎云作鄂者物落而枝起之貌然則李孫
 竝以作為起鄂為落漢書天文志鄂作諮○戌者說
 文云滅也九月陽氣微萬物畢成陽下入地也闕茂
 云戌恆也物當收斂矜恆之也亦言脫也落也闕茂
 者占經引李巡云言萬物皆蔽冒故曰闕茂闕蔽也
 茂冒也藏妖改竊註彌爾多蘇詩孫炎云霜闕茂
 物使俱落也是李孫竝以闕為掩漢書及淮南俱作
 掩○亥者說文云夢也十月微陽起接盛陰釋名云
 亥核也收藏百物核取其好惡真偽也亦言物成皆
 堅核也大淵獻者占經引李巡云言萬物落於亥大

小漢藏屈近陽故曰淵獻淵藏也獻近也近當
莊迎孫炎云淵大獻萬物于深謂蓋藏之于
外也○子者說文云十一月陽氣動萬物滋釋名云
子華也陽氣始萌生於下也困敦者占經引李巡
云在子言陽氣皆混萬物芽孽故曰困敦史記索隱
引孫炎云困敦混沌也言萬物初萌混沌於黃泉之
下也按敦音頓亦通作頓說文敘云困頓之年○丑
者說文云紐也十二月萬物動用事釋名云丑紐也
寒氣自屈紐也赤奮若者麻書正義引李巡云陽氣
奮迅萬物而起無不若其性故曰赤奮若赤陽色奮
迅也若順也嶺鵬天吐龍漱漱字占經引孫炎云物
萌色赤奮動順其心而氣始芽也赤奮若麻書作汭
漢

歲陰

今本無此二字然十干統題歲陽則十二

歲名曰攝提格太陰在卯歲名曰單閼云云俱

本爾雅為說史記麻書索隱引爾雅釋天云歲

可佳矣

陽者甲乙丙丁戊己庚辛壬癸十干是也歲陰者子丑寅卯辰巳午未申酉戌亥十二支是也歲陽在甲云焉逢謂歲干也歲陰在寅云攝提格謂歲支也據索隱所引是古本有歲陰二字之證今依臧氏爾雅漢注補

載歲也夏曰歲

取歲星行一次

商曰祀

取四時一終

周曰年

取禾熟唐

虞曰載

取物終更始

此釋年歲之名所以代必異名者書堯典正義引李巡云各自紀事示不相襲也載歲也者左氏昭七年正義引李巡曰載一歲莫不覆載也孫炎曰四時一終曰歲取歲星行一次也說文云歲木星也越歷二十八宿宜徧陰陽十二月一次然則夏曰歲者主于占星紀事夏小正云初歲祭耒是也○祀者說文云祭無已也書正義引孫炎曰祀取四時祭祀一訖也然則商曰祀者商人尙鬼以祀爲重書洪範惟十有

三祀蓋爲箕子作也。年者說文云穀孰也書正義引孫炎曰年取年穀一熟也然則周曰年者周以稼穡與年穀爲重春秋書大有年是也。載者釋名云載生物也白虎通云載之言成也載成萬物終始言之也邢疏引孫炎曰載始也取物終更始郭注俱本孫炎唐虞曰載者以更始爲義書云九載績用弗成三載考績是也按尚書大傳引書曰三歲考績是唐虞亦曰歲禹貢云作十有三載是夏亦曰載洪範五行傳云維王后元祀鄭注王謂禹也是夏亦曰祀大傳又引書曰高宗梁開三年不言是商亦曰年詩殷武云歲事來辟是商亦曰歲周禮砮蒺氏云十有二歲之號大史云正歲年以序事是周亦曰歲也然則此類蓋亦通名矣

歲名

月在甲曰畢在乙曰橘在丙曰修在丁曰圉在戊曰厲

在巳曰則在庚曰窒在辛曰塞在壬曰終在癸曰極

月陽猶歲陽也史記厯書云月名畢聚索隱曰聚音
陬是則正月得甲為畢陬也又云虞喜云月雄在畢
雌在訾訾則陬訾之宿今按月雄月雌即月陽月陰
也畢陬乃以月陽配月陰十二月皆然也橋本或作
膳廣韻云膳月在乙也然則畢橋者畢星象匕橋之
言喬以錐穿物之名月在甲乙盛德在木象萌芽穿
地而出也修圉者猶柔兆強圉也月在丙丁盛德在
火象長大剛彊而壯也厲則者厲讀為烈則訓為法
月在戊己盛德在土生養萬物有功烈法則也窒塞
者其義皆為實也月在庚辛盛德在金物成皆堅實
壬也終極者其義皆為盡也月在癸盛德在水物生
皆究盡也

月陽

正月為陬

離騷云攝提貞於孟陬

二月為如三月為病四月為余

五月爲皋六月爲且七月爲相八月爲壯九月爲玄

國語

云至于玄月是也

十月爲陽

純陰用事嫌于無陽故以名云

十一月爲辜十二

月爲涂

皆月之別名自歲陽至此其義皆所未詳通故闕而不論

正月者白虎通云日尊於月不言正日言正月何也
積日成月物隨月而變故據物爲正也
陬者庚喜以爲陬訾是也按陬訾星名即營室東壁正月日在營
室日月會於陬訾故以孟陬爲名說文敘云孟陬之
月漢書劉向傳云攝提失方孟陬無紀史記麻書月
名畢聚聚與陬同○如者隨從之義萬物相隨而出
如如然也○病者釋文李陂病反本或作寄廣韻引
爾雅作三月爲寄云本亦作病是病寄同玉篇寄穴
也筆永切然則寄者丙也三月陽氣盛物皆炳然也
○余者釋文餘舒二音孫作舒詩小明正義引李巡
日四月萬物皆生枝葉故曰余余舒也孫炎曰物之
枝葉敷舒是李孫義同孫本作舒爲異日月其除鄭

爾雅義疏

上

箋四月為除是鄭讀除為余。舉者釋文或作高同
 今按舉高音義同舉者舉韜在下也。韜辭高者上
 也。五月陰生欲自下而上。又物皆結實。藁韜下垂也。
 且者次且行不進也。六月陰漸起欲遂上畏陽猶
 次且也。相者導也。三陰勢已成遂導引而上也。
 壯者大也。八月陰大盛易之大壯言陽大盛也。玄
 者懸也。本釋陰遂在上也。詩何草不黃正義引李巡
 曰九月萬物畢盡陰氣侵寒。覬臚其色皆黑。孫炎曰
 物衰而色玄也。引詩曰何草不玄。也。詩正義引郭
 引越語云至於玄月。韋昭注引爾雅謂魯哀十六年
 九月也。陽者詩歲亦陽止。毛傳陽歷陽月也。鄭箋
 十月為陽時。坤用事嫌於無陽。故以名此月為陽。孫
 郭義與鄭同。皆以十月無陽強名之耳。今按陰陽消
 息迭運不窮。故董仲舒雨雹對云十月陰雖用事而
 陰不孤立。詩采芣正義引詩緯曰陽生酉仲陰生戌
 仲是十月中兼有陰陽舊說非也。辜者故也。十一
 月陽生欲革故取新也。十月建亥。亥者根芡也。至建
 子之月而芡然生矣。涂者古本作茶。茶亦舒也。

言陽雖微氣漸舒也舒茶古字通用周禮哲族氏注
月謂從嫩至茶是爾雅取涂古作嫩茶馬瑞辰曰廣
韻涂與除同音除謂歲將除也小明詩日月方
除毛傳除除陳生新也蓋指十二月為除言之

月名

南風謂之凱風

詩云北風自南

東風謂之谷風

詩云習谷風

北風謂

之涼風

詩云北風其涼

西風謂之泰風

詩云泰風有隧

風者釋名云風竟豫司冀橫口合唇言之風汜也其

氣博汜而動物也青徐言風馭口開唇推氣言之風

放也氣放散也按風古字今反汜放俱語聲之轉也

凱風者詩傳用爾雅而申之云樂夏之長養正義引

李巡曰南風長養萬物喜樂故曰凱風凱樂也按凱

又闔也其風開明養育萬物說文以南風為景風夏

小正謂為俊風俊景皆明大之義也○谷風者詩傳

用爾雅而云陰陽和而谷風至正義引孫炎曰谷之

言穀穀生也谷風者生長之風也谷本通川之名毛
傳以陰陽和爲言是谷風宣通陰陽谷卽通也說文
以爲明庶風明亦通矣○涼風者說文云北風謂之
飗从涼省聲釋文涼本或作古飗字詩北風傳北風
寒涼之風說文以爲廣莫風廣莫亦荒寒之義也○
泰風者泰卽大也詩桑柔箋西風謂之大風本爾雅
文正義引孫炎曰西風成物物豐泰也是孫炎亦以
泰爲大說文以爲閭闔風按閭闔本天門之名天門
在西北故以西風爲大也又按風有八方爾雅
止及四方據詩文爲釋也故郭注亦俱引詩

焚輪謂之積暴風從扶搖謂之猋暴風從風與火爲庖

庖庖熾盛之貌迴風爲飄旋風也

積者詩谷風傳積風之焚輪者也風薄相扶而上正
義引李巡曰焚輪暴風從上來降謂之頽積下也孫
炎曰迴風從上下曰積按李孫釋積字甚明毛傳相
扶而上似與積義相反疑必有誤焚輪疊韵字也釋

文夢本或作焚頽本或作頽墮。○焱者說文作颯云扶搖風也詩正義引李巡曰扶搖暴風從下上升上放曰焱焱上也孫炎曰迴風從下上曰焱按迴風是大名頽焱是其異號故月令注回風為焱是孫炎所本也扶搖者莊子逍遙遊篇云搏扶搖而上者九萬里淮南原道篇云扶搖摯抱羊角而上高誘注扶搖如羊角曲縈而上也文選恨賦及文賦注竝引爾雅作颯颯皆俗字也。○庖者釋文云本或作炖玉篇炖風與火也方言云炖焱孫赫也郭注火盛熾之貌與此注同是庖當作炖也風與火者火得風而熾風因火而烈也。○迴者說文作回飄者詩匪風卷阿傳俱本爾雅正義引李巡曰迴風旋風也一曰飄風別二名按旋風回旋于地不上不下異于頽焱其行飄飄故謂之飄其容蛇蛇故謂之颯廣韻颯小旋風咸陽有之小颯于地也然則此風咸陽尤多咸陽周之舊地詩三言飄風其二在周境廣韻之說近有徵矣

日出而風為暴

詩曰終風且暴

風而雨土為霾

詩曰終風且霾

陰而風

為暄

詩曰終風且暄

暴者說文作暴云疾有所趣也詩終風傳暴疾也霜
暄者說文及詩傳用爾雅釋名云霾晦也言如物塵
晦之色也暄翳也言掩翳日光使不明也詩正義引
孫炎曰陰雲不興而大風暴起又曰大風揚塵土從
上下也又曰
雲風暄日光

天氣下地不應曰霁

言蒙昧

地氣發天不應曰霧霧謂之

晦

言冥

霁者說文作霽云天氣下地不應曰霽霽晦也霽者
說文作霽云地氣發天不應曰霽霽文省作霽玉篇霽者
霽同云天氣下地不應也霧與霽同云地氣發天不
應也與說文互異釋文霽或作霽霧亦作霽與玉篇
同蓋俱傳寫之誤耳霽者書云蒙恆風若正義引鄭
注蒙作霽云霽者色澤鬱鬱冥冥也是霽與蒙同釋

名正作蒙云蒙日光不明蒙蒙然也霧者釋名云霧冒也氣蒙亂覆冒物也按霧俗字也務今音也古讀霧如慕慕蒙聲轉故史記宋世家引洪範蒙作霧文選甘泉賦注引爾雅作天氣下地不應曰霧霧與蒙同然則霧字二字亦音轉字通矣霧謂之晦者釋言云晦冥也說文云霧晦也是霧霧字亦通經典多消當以說文為正

蜺煉謂之雲蜺煉虹也

俗名謂美人虹江東呼雲音芎

蜺為挈貳

蜺雌虹也

見離騷挈貳其別名見尸子

虹者說文云蜺煉也狀似蟲詩作蜺煉段僭字也釋名以蜺為蜺欲擊矣古微書引春秋元命苞云陰陽交為虹霓是虹乃陰陽雜氣淮南說山篇云天二氣則成虹是也謂之雲者釋文云雲今僭為芎然則雲猶芎也芎驚呼也蜺煉映日倏然成質充氣駭人乍見驚呼也虹从工聲故釋名云虹攻也讀虹為工釋

文引字林虹工弄反皆古音也又引陳國武古巷反
 郭音講俗亦呼為青絳也按今登萊人謂虹為醬絳
 亦為醬皆方音之轉耳釋名虹又曰美人此郭注所
 本○蜺者霓之段俗說文霓屈虹青赤也一日白色
 陰氣也此蜺驪按白色二句蓋別一義非謂霓也蜺
 規蜺蜺虹霓散文俱通故邢疏引郭氏音義云虹雙
 出色鮮盛者為雄雄曰虹聞者為雌雌曰霓楚辭悲
 回風篇云處雌蜺之標頭遠遊篇云雌蜺嬈嬈以曾
 繞皆郭義所本也霓有鬻音故釋文引如淳五結反
 漢書文選西都賦注引尸子曰虹霓為析翳郭作
 貳挈

弁日為蔽雲

即暈氣五彩覆日也

弁者說文云蓋也雲山川氣也弁日為蔽雲者說文
 雲字解云雲覆日也淮南說林篇云日月欲明而浮
 雲蓋之皆即此意郭云即暈也者釋名云暈捲也氣
 在外捲結之也日月俱然然則暈但映日而不弁日

此雲奔日又非暈也暈周禮作暉覲說文作暉云
光也郭旣失之鄭樵注以爲奔日者卽虹也尤非

疾雷爲霆霓

雷之怒激者謂霹靂

雷霆者說文云雷陰陽薄動雷雨生物者也霆雷餘
聲也鈴鈴所以挺出萬物又云雷劈歷振物者一切
經音義十五引蒼頡篇云霆礚礚也是霆爲疾雷霓
字衍也知者文選東都賦注及書鈔一百五十二類
聚二初學記一御覽十三竝引作疾雷爲霆鶴辭域
仁無霓字知今本衍也宋翔鳳曰霓當爲電形近而
誤余按穀梁隱九年傳云震雷也電霆也是霆電通
名淮南兵略篇云疾雷不及塞耳疾霆不暇掩目是
亦以霆爲電與穀梁合二書所言理固可通但爾雅
文不虛設審若霆電并釋言霆已明加電反贅霆電
連文又復不詞
故知非電之誤

雨霓爲霄雪

詩曰如彼雨雪先集維霓霓
水雪襍下者故謂之消雪

雪者說文云凝雨說物者釋名云雪綏也水下遇寒氣而凝綏綏然也霓者與霰同說文云霰稷雪也或从見作霓釋名云霰星也水雪相搏如星而散也詩類弁箋將大雨雪始必微溫雪自上下遇溫氣而搏謂之霰是霰之爲言猶搏也雪遇溫氣而搏如粟粒襍下故說文以爲稷雪釋名以爲星散皆得其形狀文選雪賦注引韓詩薛君曰霰霰也宋書符瑞志引韓詩霰作英而云花葉謂之英又云霰爲花雪草木花多五出花雪獨六出彼以花雪爲霰矣援韓詩之義其說竝謬矣霰雪者雪字亦衍說文雨霓爲霰齊語也無雪字今本蓋緣郭注而衍也水經洛水注云長霄冒嶺層霞冠峯霄字之義蓋本於此郭云霰水雪襍下者初學記二引爾雅云雪與雨襍下曰霰其說亦失之

暴雨謂之凍

今江東呼夏月暴雨爲凍雨離騷云令飄風兮先驅使凍雨兮灑塵是也凍音東西

之小雨謂之霰

詩曰益之

久雨謂之淫

左傳曰天淫

東

謂之霖

雨自三日以上為霖

濟謂之霽

今南陽人呼雨止為霽音簪

暴者說文作瀑云疾雨也凍者淮南覽冥篇云降扶風禱凍雨高誘注扶風疾風也凍雨暴雨也郭云江東呼暴雨為凍雨文選思玄賦舊注云巴郡謂暴雨為凍雨各據方俗為言也亦曰淮雨尚書大傳久矣天之無別風淮雨鄭注淮暴雨之名也○霽霖者說文及詩傳用爾雅釋名云霽霖小雨也言裁霽歷霽漬如人沐頭惟及其上枝而根不濡也詩信南山正義引李巡曰水雪俱下按爾雅無雪字詩雖言雪不云一時俱下李注非也霽霖字之雙聲轉為溟濛說文以濛濛為微雨以溟溟為小雨是溟濛霽霖皆以雙聲為義釋名之說似未免望文生訓矣○淫者說文云久雨為淫晉語云底著滯淫是淫有久意故韋昭注淫久也淫又名雷說文雷久雨也○霖者說文云雨三日已往本左氏隱九年傳文晏子春秋諫上篇云景公之時霖雨十有七日是三曰已上通冬霖也霖猶霪也說文霪霖雨也南陽謂霖雨曰霪月令

注雨蚤降鄭注注霖也今月令曰霖雨按衆說文作霖引明堂月令曰霖雨然霖訓小雨霖訓霖雨依聲義當爲霖○霽者說文云雨止也濟者釋訓云止也淮南時則篇云九月失政三月春風不濟覽冥篇云風濟而波罷竝以濟爲止也濟與霽音義同故書洪範曰霽鄭注作濟云濟者如雨止之雲氣在上也漢書郊祀志如淳注三輔謂日出清濟爲晏是濟霽通也說文霽字解云霽謂之霽所引或爾雅古本之文今脫去之

風雨

壽星角亢也

數起角亢列宿之長故曰壽

天根氏也

角亢下繫於氏若木之有根

星者說文云萬物之精上爲列星釋名云星散也列位布散也宿宿也星各止宿其處也周禮馮相氏掌二十有八星之位蒼族氏以方書二十有八星之號鄭注星謂從角至軫也按十二次玄枵爲首爾雅先

壽星者以角亢爲列宿長也角者兩星相割觸天官
書云左角李右角將亢者四星似彎弓天官書云亢
爲疏廟氏者四星側向以承柢故天官書氏爲天根
索隱引孫炎以爲角亢下繫於氏若木之有根也律
書云氏者言萬物皆至也亢者言萬物亢見也角者
言萬物皆有枝格如角也月令云仲秋之月日在角
仲夏之月旦亢中季冬之月旦氏中周語云辰角見
而雨畢天根見而水涸本見而草木節解韋昭注辰
角大辰蒼龍之角角星名也見者朝見東方建戌之
初寒露節也天根氏亢之間謂寒露雨畢之後五日
天根朝見本氏也謂寒露之後十日是則氏又名本
也壽星者晉語云歲在壽星又云復於壽星韋昭注
自軫十二度至氏四度爲壽星之次是角亢氏俱屬
壽星也開元占經分野略例云於辰在辰爲壽星三
月之時萬物始達於地春氣布養萬物各盡其天性
不罹天天故曰壽星漢書郊祀志杜亳有壽星祠史
記索隱以爲南極老人星誤

天駟房也

龍為天馬故房四星謂之天駟

大辰房心尾也

龍星明者以爲時候故曰

大火謂之大辰

大火心也在中最大辰明故時候主焉

房者四星直下爲明堂律書云房者言萬物門戶也至於門則出矣天駟者天官書房爲天府曰天駟索隱引詩汜歷樞云房爲天馬主車駕宋均云房旣近心爲明堂又別爲天府及天駟也按駟卽馬祖也房南星曰左驂北星曰右驂中二星曰左服右服是則四星合爲天駟也周語云駟見而隕霜又云月在天駟又云辰馬農祥也韋昭注辰馬謂房心星也駟馬也故曰辰馬房星晨正而農事起焉故謂之農祥又注農祥房星也晨正謂立春之日晨中於午也○心者三星中央色最明尾者九星如鉤首上歧律書云尾言萬物始生如尾也心言萬物始生有擎心也天官書心爲明堂尾爲九子夏小正云五月大火中六月斗柄正在上用此見斗柄之不正當心也蓋當依依尾也是尾一名依依尾聲同語有輕重耳辰者說

文晨字解云辰時也又辰云房星天時也晨云房星
爲民田時者是辰訓時時主房房爲農祥以候田時
謂之大辰者言其星最明大也春秋昭十七年有星
孛於大辰穀梁傳于大辰者濫于大辰也范甯注引
劉向曰謂濫于蒼龍之體不獨加大火左傳正義引
李巡云大辰蒼龍宿之體最爲明故曰房心尾也大
火蒼龍宿心以候四時故曰辰孫炎曰龍星明者以
爲時候故曰大辰大火心也在中最明故時候主焉
夏小正云八月辰則伏辰也者謂心也然則小正單
舉心說文單舉房其實房心尾三宿通有辰名也○
又言大火謂之大辰者大火謂心也左氏襄九年傳
云古之火正或食於心是故心爲大火公羊昭十七
年傳云大火爲大辰伐爲大辰北辰亦爲大辰按此
所謂三大辰也唐虞夏皆五月昏火中故堯典以星
火正仲夏夏小正五月初昏大火中是也周秦則六
月昏火中故左氏昭三年傳云火中寒暑乃退雖
季夏晦仲補耕觀月令云季夏之月昏火中是也然
則周秦上校虞夏星候差及一次此昏旦中星所以

不同也火至初秋則昏見於西詩云七月流火是也
火以三月始出九月之昏始入十月之昏則伏左氏
哀十七年傳云火伏而後蟄者畢是也既言大辰房
心尾又言心爲大辰者心三星最明大舉頭卽見故
詩屢言三星皆謂心也所以名大火者分野略例云
於辰在昴爲大火東方爲木心星在昴火出木星故
曰大火

析木之津箕斗之間漢津也

箕龍尾斗南斗
天漢之津梁

箕者四星狀如簸箕律書云箕者言萬物根柢
相樞一故曰箕天官書云箕爲敖客曰口舌詩巷伯
箋箕星哆然踵狹而舌廣大東箋翕猶引也引舌者
謂上星相近按箕有口舌之象故詩以喻讒言有簸
揚之義故書云星好風也斗者六星狀如北斗天官
書云南斗爲廟其北建星建星者旗也月令云仲冬
之月日在斗仲春之月旦建星中孟秋之月昏建星
中按建星在斗魁上形如箕月令以建星識南斗用

此見昏旦之不正當斗也漢津者大東傳漢天河也
有光而無所明雲漢箋倬然天河水氣也精光轉運
於天夏小正云七月漢案戶漢也者河也案戶也者
直戶也言正南北也今按河漢分南北二道北指危
室南橫箕斗爾雅獨言箕斗者以箕為木宿斗為水
宿二宿相交於漢有津梁之義故曰漢津然則不言
析水獨言析木者天漢起白尾宿於辰在寅為木故
主起處而名為析木也左氏昭八年正義引孫炎曰
析別水木以箕斗之間是天漢之津也左傳及周語
竝云析木之津韋昭注津天漢也析木次名從尾十
度至南斗十一度為析木其間為漢津是則經典俱
作析木之津今爾雅宋本析木下有謂字郭注有即
漢津也四
字竝非

星紀斗牽牛也

牽牛斗者日月五星之所終始故謂之星紀

牽牛者律書云言陽氣牽引萬物出之也牛者冒也
言地雖凍能冒而生也牛者耕植種萬物也按牽牛

卽何鼓非牛星也牛六星角上歧腹下蹠廢其星微
小爾雅以牽牛爲星紀不以牛宿爲星紀也舊說多
誤詳見下文星紀者分野略例云自南斗十二度至
須女七度於辰在丑爲星紀星紀者言其統紀萬物
十二月之位萬物之所終始故曰星紀也郭義本孫
炎懷正觀朔左月令注仲冬者日月會於星紀大宗
伯疏引星備云五星初起牽牛逸周書周月篇云日
月俱起于牽牛之初右回而行月周天進一次而與
日合宿日行月一次而周天歷舍于十有二辰終則
復始是謂日月權輿按逸書及爾雅皆據周而言也
上朔虞夏冬至日在虛爲玄枵正中殷在婺女周在
牽牛則斗值星紀之初爲十二次紀首故曰星紀至
漢冬至日在斗元明在箕則爲析木之津正中

玄枵虛也

枵在正北北方黑色顓頊之虛虛也

顓頊在

方北陸虛也

虛星之名凡四

虛者二星上下如連珠律書云虛者能實能虛言陽
氣冬則宛藏於虛日冬至則一陰下藏一陽上舒故
曰虛天官書虛爲哭泣之事堯典宵中星虛月令季
秋之月昏虛中是虞夏以仲秋昏虛中周秦則在季
秋此所謂歲差也玄枵者說文引春秋傳歲在玄枵
玄枵虛也左氏襄廿八年傳注於玄枵玄枵虛中也
枵耗名也正義引孫炎曰虛在北方色玄故曰
玄枵枵之言耗耗虛之意也分野略例云自須女八
度至危十五度於辰在子爲玄枵也玄者黑北方之
色枵者耗也十一月之時陽氣在下陰氣在上萬物
幽歛未有生者天地空虛故曰玄枵也按亦曰天黿
周語云星在天黿韋昭注天黿次名一曰玄枵也○
顓頊之虛者左氏昭十年傳今茲歲在顓頊之虛正
義曰北方之次以玄枵爲中玄枵次有三宿又虛在
其中以水位在北顓頊居之故謂玄枵虛星爲顓頊
之虛也按北方三宿婺女虛危爾雅不言女危以虛
在中舉中足以包之也○北陸者左氏昭四年傳古
者曰在北陸而戴冰杜預注陸道也謂夏十二月日

在虛危正義引孫炎云陸中也北方之宿虛爲中也
按郭云虛星凡四者連虛爲數其實虛星有此三名
也

營室謂之定

定正也作宮室皆以營室中爲正

娥姁之口營室東壁也

營東壁星四方
室似口因名云

營室者二星相對出旁綴離宮六星兩兩而居律書
云營室者主營胎祿饋餽陽氣而產之天官書云營
室爲清廟曰離宮閭道東壁者燧燧燧燧燧燧燧燧
星上下相掣曳與營室連體而正方月令云孟春之
月日在營室仲冬之月昏東壁中按壁曰東者據昏
中視之壁在營室東也二宿皆值北方水位故又謂
之水左氏莊廿九年傳水昏正而栽是也又謂之天
廟周語云日月底于天廟韋昭注天廟營室是也定
者詩定之方中傳定營室也方中昏正四方箋云定
星昏中而正於是可以營制宮室故謂之營室定昏

中而正謂小雪時其體與東壁連正四方正義引孫
炎曰定正也天下作宮室者皆以營室中為正按周
語云營宮之中土功其始是鄭孫義所本也定本斲
斷之名韻釋營宮室者所資星名定者營室形似鉏
耜離宮施其上有鉏刃之象凡諸星名起於古之田
父多取物象為名營室名定義蓋本此孫郭訓定為
正非本義也嫫嫫者當作嫫嫫月令注作諷諷爾雅
作嫫嫫皆段俗也左襄卅年傳云歲在嫫嫫之口正
義引李巡曰嫫嫫玄武宿也營室東壁北方宿名孫
炎曰嫫嫫之歎則口開方營室東壁四方似口故因
名也分野略例云自危十六度至奎四度於辰在亥
為諷諷諷諷歎息也十月之時陰氣始盛陽氣伏藏
萬物失養育之氣故哀愁而歎息嫌於無陽故曰諷
諷是諷諷以歎息為義孫炎作嫫嫫之歎是也邢疏
引歎作

次注

降婁奎婁也

奎為溝瀆
故名降

奎者十六星旁殺而下垂象兩脾說文奎兩脾之間是也律書云奎者主毒螫殺萬物也奎而藏之天官書云奎曰封豕爲溝瀆婁者三星下勢連而上體舒律書婁者呼萬物且內之也天官書婁爲聚衆讎讎麋臘月令云仲春之月日在奎季夏之月旦奎中季冬之月昏婁中降婁者左襄卅年傳云歲在降婁降婁中而旦杜預注本爾雅正義引孫炎曰降下也奎爲溝瀆故稱降也一切經音義六引李巡曰降婁白虎宿也分野略例云自奎五度至胃六度於辰在戌爲降婁降下也婁曲也陰生於午與陽俱行至八月陽遂下九月剝卦用事陽將剝盡萬物枯落卷縮而歿故曰降婁

大梁鼎也西陸鼎也

鼎西方之宿別名旄頭

鼎者七星攢聚大小相繫說文云鼎白虎宿星堯典云日短星昴夏小正云四月昴則見詩小屋傳昴雷也正義引元命苞云昴六星昴之爲言雷也言物成就繫雷也律書昴正作雷云雷者言陽氣之稽雷也

故曰留郭云旄頭者天官書昴曰髦頭漢晉天文志
竝作旄頭也大梁者左昭十一年傳云歲及大梁天
官書昴畢間爲天街索隱引孫炎云昴畢之間日月
五星出入要道若津梁是則大梁取橋梁之義也分
野略例云自胃七度至畢十一度於辰在酉爲大梁
昴爲大梁之次之中星也詩七月正義引孫炎曰西
方之宿昴爲中也按大梁三宿胃昴畢爾雅獨言昴
者亦舉中以包之○西陸者左昭四年傳云西陸朝
觀而出之正義引鄭志荅孫皓問云西陸朝觀謂四
月立夏之時按四月昴則見是鄭以西陸朝觀爲昴
星朝見也二十八宿分列四方當有四陸左傳爾雅
獨言北陸西陸又於二陸之中各舉一星爲識故云
北陸虛也西陸昴也
是皆舉一以包之耳

濁謂之畢

掩免之畢或呼爲
濁因星形以名

畢者八星累貫兩又出說文云畢田囿也从華象畢
形微也天官書云畢曰畢車爲邊兵主弋獵詩大東

傳畢所以掩免也箋云祭器有畢者所以助載鼎實
 按畢有二義詩云畢之羅之是田網名畢也特性饋
 食禮云宗人執畢是祭器名畢也鄭注畢狀如又蓋
 為其似畢星取名焉然則田網祭器皆象畢星義得
 兩通毛傳為長故郭義所本也月令孟夏之月日在
 畢孟秋之月旦畢中月離于畢畢星好雨詩書說之
 詳矣濁者段俗字也律書云濁者觸也言萬物皆觸
 或也故曰濁是濁以觸為義亦象星形濁或作喝又
 作躅皆象形兼取聲也詩漸漸之石傳畢躅也盧令
 箋畢喝也正義引李巡云喝陰氣獨起陽氣必止故
 曰畢畢止也孫炎曰掩免之畢或謂
 之喝因以名星躅四符轍漸喝漸四

味謂之柳

味朱鳥

柳鵲火也

鵲鳥名火

柳者八星曲頭垂似柳月令云季夏之月日在柳季
 秋之月旦柳中柳之言樓也樓訓聚也味者說文云
 易口也天官書云柳為鳥注律書云注者言萬物之
 始衰陽氣下注故曰注索隱曰注味也考工記朝人

注翰之揉者形如注星是皆以注爲味也味又作喙
索隱引漢書天文志注作喙爾雅鳥喙謂之柳孫炎
云喙朱鳥之口柳其星聚也味又作喙詩小星傳三
心五喙正義引元命苞云柳五星釋文引爾雅作喙
謂之柳鄭箋喙在東方正月時也夏小正云正月鞠
則見戴氏震曰鞠當爲喙爾雅喙謂之柳虞夏正月
日躔奎婁奎婁西沒則柳東升是戴氏以鞠卽喙也
喙鞠聲近味喙聲同與注又聲相轉故皆段借通用
○鳥火者朝人云鳥旗七旂以象鳥火也鄭注鳥火
朱鳥宿之柳左襄九年傳云古之火正或食於味是
故味爲鳥火杜預注建辰之月鳥火星皆在南方分
野略例云自東井中六度至柳八度於辰在未爲鳥
首南方七宿其形象鳥以井爲冠以柳爲口鳥鳥也
首頭也故曰鳥首自柳九度至張十七度於辰在午
爲鳥火南方爲火言五月之時陽氣始隆火星昏中
在朱鳥之處故曰鳥火按埤雅八引師曠禽經曰赤
鳳謂之鵠然則鵠爲朱鳥謂此矣南方三次曰鵠首
鵠火鵠尾鵠尾亦曰鳥帑規軫轸爾雅獨言鵠火

亦舉中以包之極居鵠
火之首故舉以爲識

北極謂之北辰

北極天之中
以正四時

北辰者論語以爲居其所說者謂北極五星第五爲
天樞最小是不動處然實不動處猶在樞星之下今
按樞星非不動但其動也微人所不見故以爲居其
所耳北極者天官書云中宮天極星索隱引春秋合
誠圖云北辰其星五在紫微中楊泉物理論云北極
天之中然則極者中也辰者時也故公羊昭十七年
疏引李巡云北極天心也居北方正四時謂之北辰
孫炎云北極天之中以正四時謂之北辰是郭所本
也然公羊以北辰與心伐同爲三大辰何休注迷惑
不知東西者須視北辰以別心伐所在也
爾雅不言參伐以北辰居中爲眾星所拱向也故文
選長楊賦注引天官星占曰北辰一名天關開者樞
機之地總要之名也天官書謂之太一熒一謂諸馬
融謂之太極騶嬖騶文耀鉤謂之中宮大帝熒一謂諸馬

鄭氏謂之天皇帝耀魄寶狀鱗淵或
異名也雖語出緯書理難徵信要以
星精爲帝帝位應星爾雅言星以該
帝緯書名帝以著星其義相通其實
不異或以帝號星名二文非舛以此
致疑則陋矣

何鼓謂之牽牛

今荆楚人呼牽牛星爲擔鼓擔者荷也

此申說牽牛之名以附列宿之後明星紀之牽牛卽何鼓也恐人不識故復明之舊說以爲別於星紀之牽牛誤矣今驗牽牛三星牛六星天官書誤以牛星爲牽牛故以何鼓牽牛爲二星矣牟廷相曰牛宿其狀如牛何鼓直牛頭上則是牽牛人也詩云皖彼牽牛皖明星貌也何鼓中星最明舉頭卽見而牛宿差不甚顯詩人觸景摠情不宜舍極明之何鼓而取難見之牛宿皖彼之詠謂何鼓不謂牛宿明矣毛傳取爾雅爲釋精當不移月令季春旦牽牛中仲秋昏牽牛中皆何鼓也凡舉中星不必皆正指其宿有仲春

孤建之例夏小正之織女南門亦其比也攷諸經典
無名牛宿曰牽牛者天官書云牽牛為犧牲其北何
鼓蓋星家失傳自此始今按牟氏此說足訂史記之
誤何鼓亦名黃姑聲相轉耳郭云擔鼓擔者荷也擔
荷說文作擔何今南方農語猶呼此星為扁擔蓋因
何鼓三星中豐而兩頭銳下有儋何之象故因名焉
自史記誤以何鼓牽牛為二星釋爾雅者因之而誤
故詩大東正義引李巡曰何鼓牽牛皆二十八宿名
也孫炎曰何鼓之旗十二星在牽牛北故或名何鼓
為牽牛也薛証輳獸爾雅以何鼓牽牛為一星如李
孫之義則二星孫炎又以何鼓左右之旗強名為何
鼓斯皆失矣文選長楊賦注引星經曰牽牛神一名
天關然則星紀
之名蓋以此

明星謂之启明

太白星也晨見東方為
启明昏見西方為太白

启者說文云開也通作啟詩大東傳曰且出謂明星
為啟明日曉入謂明星為長庚正義引孫炎曰明星

太白也晨出東方高三舍命曰啟明昏出西方高三舍命曰太白天官書索隱引韓詩云太白晨出東方為啟明昏見西方為長庚是皆孫郭義所本也太白一名大曜觀其謂之明星者詩明星有爛明星煌煌是也啟明又曰開明大戴禮四代篇云東有開明避漢諱改也此釋五星之異名餘四星不言者略之廣雅則詳矣

彗星為機槍

亦謂之孛言其形字孛似掃彗

彗者說文云埽竹也或从竹作彗釋名云彗星光稍似彗也孛星星旁氣孛孛然也天官書正義云天彗者一名埽星本類星末類彗小者數寸長長或竟天而體無光段日之光故夕見則東指晨見則西指若日南北皆隨日光而指一切經音義二引孫炎曰妖星也四曰彗按彗春秋作孛凡三見文十四年有孛孛入于北斗公羊傳孛者何彗星也穀梁傳孛之為言猶第也昭十七年有星孛于大辰西及漢左傳彗

所以除舊布新也哀十三年有星孛于東方公羊傳
其言十東方者何見于旦也機槍者開元占經八十
五引孫炎云機槍妖星別名也天官書云歲星之精
生天棊彗星天機槍天槍天文志云機槍棊彗雖異其
殃一也是史記漢書俱以彗星機槍為非
一星與爾雅異孫炎注四曰彗本漢志

奔星為彗

星流

奔星者天文志云彗孛飛流張晏注飛流謂飛星流
星也孟康注飛絕迹而去也流光迹相連也然則飛
流有異郭以奔星即流星者流奔雖有遲速大小之
異其類則同故占經七十一引爾雅舊注云流星大
而疾曰奔是也彗者說文約也占經引舊注云彗便
窕切輝絨絨如彗也彗者說文約也占經引舊注云彗
字之疊韻蓋言奔
星急疾之狀耳

星名

按經星二十有八爾雅止記十七其未及
者北方則須女也危也西方則胃也觜

也參也南方則東井也與鬼也七星也張也翼也軫也十有二次止言其九其未及者則實沈也鶉首也鶉尾也五星止言其一其未及者則歲星也熒惑也填星也辰星也蓋爾雅釋六藝之文文有不備可類推也又如月令所載二十星益以建弧而無箕昂鬼張史記厯書備二十八星之號有建罰狼弧而無斗觜井鬼是則爾雅之不備非缺脫也鄭樵疑爲簡編之失非矣獨淮南天文及漢書厯志所載二十八宿與今世無異蓋舊有此名也至於分野之說亦星家所傳不知所自起周禮保章氏以星土辨九州之地所封域皆有分星以觀妖祥鄭眾說星土以春秋傳曰參爲晉星商主大火國語曰歲之所在則我有周之分野之屬是也鄭注云大界則曰九州州中諸國中之分域於星亦有分焉其書亡矣堪輿雖有郡國所入度非古數也今其存可言者十二次之分也星紀吳越也玄枵齊也順訾衛也降婁魯也大梁趙也實沈

晉也鵜首秦也鵜火周也鵜尾楚也壽星鄭也大
火宋也析木燕也此分野之妖祥主用客星
彗孛之氣爲象按爾雅兼
及彗星奔星意亦如此

春祭曰祠

祠之言食

夏祭曰禘

新菜可均

秋祭曰嘗

嘗穀

冬祭曰

烝

進品物也

祠烝嘗禴祭也已見釋詁此以爲四時祭名也禮王
制云天子諸侯宗廟之祭春曰禘夏曰禘秋曰嘗冬
曰烝鄭注此蓋夏殷之祭名周則改之春曰禘夏曰
禘以禘爲殷祭詩禴祠烝嘗于公先王大
宗伯以祠
春禴夏嘗秋烝冬享先王然則四時祭名蓋周公所
定也說文云春祭曰祠品物少多文詞也禘夏祭也
王制正義引皇氏云禘薄也春物未成其祭品鮮薄
也春秋繁露云祠者以正月始食韭也禘者以四月
食麥也嘗者以七月嘗黍稷也蒸者以十月進初稻
也又云始生故曰祠善共司也夏約故曰禘貴所初

約也先成故曰嘗嘗言甘也畢熟故曰蒸蒸言微也此皆釋其名與其義也詩正義引孫炎云祠之言食進品物也郭注俱本孫炎

祭天曰燔柴

既祭積薪燒之

祭地曰瘞

既祭埋藏之

燔柴者說文作焚柴云燒柴焚燎以祭天神按燔也柴也二事也大宗伯注三祀皆積柴實牲體焉或有玉幣燔燎而升煙是則燔以玉幣柴以牲體鄭眾注實柴實牛柴上是也亦謂之炮祭大祝辨九祭三曰炮祭鄭眾注炮祭燔柴也祭法云燔柴於泰壇祭天也大宗伯以禮祀昊天上帝以實柴祀日月星辰以槱燎祀司中司命飢師雨師皆天神之屬也瘞埋者亦兼牲玉而言詩曷賢正義引李巡曰祭地以玉埋地中曰瘞埋孫炎曰瘞者翳也既祭翳藏地中禮運注云埋牲曰瘞李巡舉玉康成舉牲實則瘞葬之中兼包二義故鄭於司巫注云瘞謂若祭地祇有埋牲王者也祭法云瘞埋於泰折祭地也大宗伯注祭

山林曰埋又云不言祭地此皆地祇祭地可知也

祭山曰瘞縣

或瘞或縣置之於山山祭川曰浮沉投祭水中

或沈

瘞縣者觀禮云祭山王陵升賈疏引爾雅而申之云升卽瘞縣也公羊僖卅一年疏引李巡曰祭山以黃玉及璽以瘞置儿上遙遙而眠之若縣故曰瘞縣孫炎曰瘞縣埋於山足曰瘞埋於山上曰縣按大宗伯注祭山林曰埋如孫炎說則瘞縣卽是埋如李巡說則瘞爲皮置李說是也爾雅與周禮不同鄭志荅張逸問已言之矣龔彊釋文瘞本或作皮又作鼓今按亦僭作祈考工記玉人注祈沈以馬釋文引小爾雅曰祭山川曰祈沈祈九委反與瘞同音則祈卽瘞也鄭注木用爾雅今小爾雅亦無此文恐誤引耳浮沈者觀禮云祭川沈賈疏云不言浮亦文略也公羊疏引孫炎云置祭於水中或浮或沈故曰浮沈邵氏正

祭星曰布

於地布散祭

祭風曰磔

云今俗當大道中磔狗

義以為祭川竝用牲玉故或沈或浮金鶚求古錄駁
之云據周官小子凡沈辜侯禮飾其牲鄭司農注沈
謂祭川是沈以牲不以玉也左傳之沈玉非祭
禮規釀針入軻史記河渠書所言非周制也

祭星者蓋為壇祭之祭法云幽宗祭星也鄭注宗當
為祭字之誤也幽祭亦謂星壇也星以昏始見祭之
言營也布者釋文引李巡曰祭星者以祭布露地故
曰布孫炎曰既祭布散於地似星辰布列也蠡張祥
蠡埤雅甘引釋名云祭星曰布布取其象之布也釋
蠡按封禪書有諸布諸嚴諸述之屬索隱引爾雅或
云諸布是祭星之處淮南汜論篇云羿除天下之害
而或為宗布高誘注羿堯時諸侯有功於天下故或
託於宗布或曰司命傍布也按司命是星名祭星之
布義或本此羿或而為宗布蓋猶傳說騎箕尾為列
星矣○磔者說文云辜也按辜即臠辜也祭風者左
氏昭元年傳雪霜風雨之不時於是乎祭之是古有

祭風之禮也大宗伯以燎祭飗師蓋磔牲體而燔燎之公羊僖卅一年疏引李巡曰祭風以牲頭蹠及皮破之以祭故曰磔孫炎云既祭披磔其牲以風散之郭云磔狗以止風者大宗伯注鄭眾云罷辜披磔牲以祭若今時磔狗祭以止風封禪書云磔狗邑四門以禦蠱菑索隱引風俗通云殺犬磔禳也按淮南萬畢術云黑犬皮毛燒灰揚之止天風然則磔狗祭風蓋古遺法秦風磔狗禦蠱當亦祭風之意易蠱象云山下有風蠱也

是禴是禡師祭也

師出征伐類於上帝禡於所征之地

禴者說文云以事類祭天神書云肆類于上帝詩皇矣正義引尚書夏侯歐陽說以事類祭之天位在南方就南郊祭之周禮肆師注類禮依郊祀而爲之引大傳曰柴于上帝然則類者以類於郊祀而名也然小宗伯云四類亦如之鄭眾注四類三皇五帝九皇六十四民咸祀之鄭注四類日月星辰小宗伯又云

凡天地之大裁類社稷宗廟則爲位鄭注類者依其
正禮而爲之是凡祭皆有類惟類於上帝爲尊耳類
爲師祭者王制云天子將出征類乎上帝是也禡者
說文云師行所止恐有慢其神下而祀之曰禡引周
禮曰禡於所征之地詩序云桓講武類禡也皇矣傳
於內曰類於野曰禡王制注禡師祭也爲兵禱其禮
亦亾按公羊莊八年傳出曰祠兵何休注將出兵必
祠於近郊是祠兵卽禡祭古禮猶未亾也禡俗作貉
肆師云祭表貉則爲位鄭注貉師祭也貉讀爲十
百之百於所立表之處爲師祭造軍澧者禱氣勢之
增倍也其神蓋蚩蚩或曰黃帝又甸祝云掌表貉之
祝號杜子春讀貉爲百爾所思之百書亦或爲禡貉
兵祭也甸以講武治兵故有兵祭引詩及爾雅然則
禡本兵祭因田獵習兵故亦依倣爲之實則禡立於
所征之地也

旣伯旣禱馬祭也

伯祭馬祖也將用
馬力必先祭其先

伯者詩吉日傳伯馬祖也重物慎微將用馬力必先
爲之禱其祖禱禱獲也按禱說文作禱云禱牲馬祭
也甸祝云禱牲禱馬杜子春云禱禱也爲馬禱無疾
爲田禱多獲禽牲引詩及爾雅爲釋然則詩之既伯
是爲馬祭即甸祝禱馬是也詩之既禱乃爲獲禽即
甸祝禱牲是也爾雅主爲釋詩當云伯馬祭也禱禽
祭也今壹不言直云馬祭也者以馬爲重故特釋之
不言禱禽略可知也此與釋訓徒御不驚輦者也文
義正同彼以輦者釋
徒不釋御亦略之

禘大祭也

五年一
大祭

禘者說文云諦祭也引周禮曰五歲一禘本禮緯文
也公羊文二年傳五年而再殷祭何休注以爲五年
禘也按禘之名古多異說有時祭之禘則王制云春
日酌夏曰諦祭義云春禘秋嘗鄭注竝以爲夏設禮
也大有殷祭之禘則詩序云鮮禘大祖也鄭箋禘大祭
也大於四方而小於祫又有郊祭之禘亦詩序云長

發大禘也鄭箋大禘郊祭天也祭法云有虞氏禘黃
帝而郊畧鄭注此禘謂祭昊天於圜丘也禮記歸
鶚禘祭考云禘祭有七圜丘之祭為最大爾雅所謂
大祭蓋主圜丘之禘故在釋天篇中孫炎郭璞皆以
禘為五年一大祭非也鄭注觀莊按王制正義引鄭
禘祫志云閔公之喪僖三年禘祫六年禘祫八年禘
凡三年喪畢新君二年為祫新君三年為禘閔公二
年五月吉禘于莊公則祫當在吉禘之前是鄭據禮
緯三年祫五年禘之文以正魯禮之非故王制注魯
禮三年喪畢而祫於太祖明年春禘於羣廟自爾之
後五年而再殷祭一祫一禘此鄭據魯禮云然耳非
通義也實則魯禘非禮春秋書之皆以示譏杜預不
知此意見經所書便以為禮故僖八年禘于太廟注
云禘三年大祭之名此妄說也王制正義曲殉社說
以為祫即禘也尤謬

釋又祭也

祭之明日

周曰釋

春秋經曰

商曰彤

書曰高

夏曰復胙

未見義所出

爾雅正義

三

禘之名四代所同釋則三代異名釋者釋詁云陳也
方言云長也白虎通封禪篇云釋釋者無窮之意也
是釋取尋釋不絕故曰又祭詩絲衣序釋賓尸也鄭
箋釋又祭也天子諸侯曰釋以祭之明日卿大夫曰
賓尸與祭同日知釋以明日者春秋宣八年經云辛
巳有事于大廟仲遂卒于垂壬午猶釋然則辛巳壬
午正得二日故公羊傳釋者何祭之明日也詩正義
引李巡曰釋明日復祭曰又祭左傳正義引孫炎曰
祭之明日尋釋復祭也何休注禮釋祭昨日事但不
灌地降神爾禮器云為祔乎外鄭注祔祭明日之釋
祭也謂之祔者於廟門之旁因名焉有司徹注天子
諸侯明日祭於祔而釋是皆釋之禮與其地也釋文
釋或作禘字書為饌鐸二字竝俗作○知周曰釋者
絲衣言釋列於周頌春秋書釋猶秉周禮郊特牲云
釋之於庫門內孔子曰失之矣蓋亦譏時人也○彤
者融之段音也書云高宗彤日絲衣箋商謂之彤釋

文彤作融是也釋詁融長也方言融與繹俱訓長是融釋義同詩正義引孫炎曰彤者亦相尋不絕之意公羊注彤者彤彤不絕是皆以彤為融故左氏隱元年傳其樂也融融文選思玄賦作彤彤李善注融與彤古字通也○夏曰復昨者絲衣箋及公羊注引爾雅竝無此句徐彥疏云諸家爾雅悉無此言故不引之然則此句獨郭本有之也釋文昨本作昨又音昨

祭名

春獵為蒐

不任者

夏獵為苗

為苗稼除害

秋獵為獮

順殺氣也

獵為狩

得獸取之無所擇

四時之田通謂之獵何獵者捷也蔡邕月令章句云獵者捷取之名也說文獵畋獵也逐禽也釋言云獵虐也蒐者當作搜穀梁桓四年釋文云蒐麋氏本又作按是也按訓求故以為搜索取禽之名或作搜祭

義狻猊鄭注春獵爲狻猊即按之段偃矣○苗者左
氏隱五年正義引大司馬注鄭解苗田言擇取不孕
任者若治苗去不秀實者孫炎亦然是鄭孫義同爾
雅舊注以爲爲苗除害其義疏矣○獮者釋詁云殺
也說文作獮云秋田也左傳釋文引亦同爾雅釋文
又引作從獮或作獮從示並非也說文獮从璽聲古
讀若徒轉爲息淺反非古音矣因息淺之音遂改說
文从獮以就其讀玉篇又出獮字亦作獮今按作獮
是也說文徐鍇本示部云獮秋畋也从示爾聲與犬
部從璽聲者音近義同獮或作獮从豕與璽聲亦近
可知从獮者非○狩者說文云犬田也按冬寒雪下
獸肥草枯功狗在蹏便於馳逐詩言從公于狩又云
載獫狁驕是冬田用犬也段注犬田改爲火田恐未
然也周語云狩于畢時夏小正云十一月王狩是狩
以仲冬也謂之狩者詩叙于田及伐檀正義引李巡
曰冬圍守而取禽無所擇也左氏隱五年傳春蒐夏
苗秋獮冬狩杜預注蒐索擇取不孕者苗爲苗除害
也獮殺也以殺爲名順秋氣也狩圍守也冬物畢成

獲則取之無所擇也正義引爾雅四時獵名與此同
說者皆如此注故杜依用之據此知杜依爾雅舊注
郭亦然也經典言此四獵多有異文周語云蒐於農
隙獮於旣烝狩於畢時旣闕苗名公羊桓四年傳春
曰苗秋曰蒐冬曰狩又闕夏田穀梁傳春曰田夏曰
苗秋曰蒐冬曰狩雖具諸名文復參差獨周禮大司
馬及隱五年左傳與爾雅合又詩車攻云駕言行狩
復云之子于苗苗狩互見春秋屢書蒐狩不言苗獮
偏闕二文禮王藻云惟君有黼裘以誓省鄭注
省當爲獮獮秋田也經典所言略備於此矣

宵田爲獠

管子曰獠獵畢弋今夜獵載鑪照也

火田爲

狩

放火燒草獵亦爲狩

此釋非時之田也獠者說文云獵也不云宵田詩伐
檀箋宵田曰獵不言爲獠許鄭二君以互見爲文也
詩火烈具舉正義曰此爲宵田故持火炤之伐檀正
義引郭注云獠猶獠也今之夜獵載鑪照者也江東

亦呼獵爲獠管子曰獠獵畢弋較今本郭注文義爲
長所引管子四稱篇文也爾雅釋文獠或作燎獠獵
聲轉義同故鄭引獠卽作獵矣○狩者與冬獵同名
故郭云亦也火田者王制云昆蟲未蟄不以火田周
禮羅氏蠲則作羅襦鄭注今俗放火張羅承之以取禽獸
疏云漢之俗閒在上放火於下張羅承之以取禽獸
春秋桓七年二月焚咸丘杜預注焚火田也譏盡物
正義引李巡孫炎皆云放火燒草守其下風今按火
田非古也夏官春蒐已言火弊王制畢蟄乃以火田
因知爾雅此語蓋亦後人所增何以明之昆蟲雖蟄
么磨之屬半匿草根淺土休息隨陽今烈焰焚燒聚
族熾旃仁人用心當不若是詩言火烈具阜春秋書
焚咸丘左傳韃四田於大陸焚焉三者皆譏淫獵孔
子垂教不弋宿身周公作法乃容火田禮經漢儒所
傳恐有增飾康成注經以放火張
羅爲漢俗可知斯事不起於古矣

乃立冢土戎醜攸行
冢土大社
起大事動大衆必先有

事乎社而後出謂之宜

有事祭也周官所謂宜乎社

豕戎釋詁竝云大也醜眾也此釋詩縣篇文豕土大社毛傳文也天子之社謂之大社祭法云王為羣姓立社曰大社是也起大事動大眾必先有事乎社而後出者縣正義引孫炎曰大事兵也有事祭也知兵為大事者左氏成十三年傳云國之大事在祀與戎是也春秋書有事于大廟韜人有事于武宮礪針皆謂祭事故知祭為有事也謂之宜者縣正義曰兵凶戰危慮有負敗祭之以求其福宜故謂之宜孫炎曰宜求見使祐也醜証議黜作赧覲也周禮大祝云大師宜乎社又云設軍社鄭眾引春秋傳曰君以師行祓社釁鼓祝奉以從賈疏云宜祭於社即將社主行是也

振旅闐闐

振旅整眾闐闐羣行聲

出為治兵尚威武也

幼賤在前貴勇力

入為振旅反尊卑也

尊老在前復常儀也

旅者釋詁云眾也振者整齊之意詩采芑箋振猶正也闐者說文云盛兒闐闐蓋師旅整嚴之象出為治兵入為振旅者春秋莊八年公穀傳文但公羊治兵作祠兵祠即治也故采芑箋引傳仍作治兵矣胡黼黻云尚威武反尊卑也者詩正義引孫炎曰出則幼賤在前貴勇力也入則尊老在前復常法也是郭所本又按大司馬云中春教振旅中秋教治兵蓋春主農事故以入言秋尚威武故以出言是為二時習戰之名也左氏隱五年傳三年而治兵入而振旅又為三年習戰之名也穀梁以治兵振旅為習戰公羊亦云其禮一也皆習戰也公穀之義與爾雅合

講武

素錦綢杠

以白地錦韜旗之竿纁帛繆

纁帛絳也繆素陞龍于繆

畫白龍於練旒九

練絳也飾以組

用綦組飾維以縷

用朱

連持之不欲令曳地周禮曰六人維王之大常是也

此釋龍旗之制也錦者說文云襄邑織文綢者檀弓云綢練鄭注以練綢旗之杠即引此文但彼鬱葬所用故綢以練此吉事所用故綢以錦也綢皆讀若韜謂纏繇之也杠者釋文引廣雅云天子之杠高九仞諸侯七仞卿大夫五仞士三仞繻者絳也帛者縞也大宗伯注帛如今璧色縞也明堂位注引此文帛作白繻白繻者言以絳色及白縞為繻也繻者說文以為旌旗之旂蓋旒所著處故詩千旒正義引孫炎曰為旒於繻按巾車注正幅為繻旒則屬焉賈疏正幅為繻爾雅文又觀禮疏爾雅說旌旗云正幅為繻據此二文可知爾雅今本蓋脫去四字也云素陞龍子繻者明堂位注引陞作升觀禮侯氏棟冕疏引白虎通云禮記曰天子乘龍載大旗象日月升龍傳曰天子升龍諸侯降龍按司常云交龍為旂鄭注諸侯畫交龍一象其升朝一象其下復也據此則升龍者畫一龍降龍者畫二龍也爾雅綢杠升龍皆用素蓋旂

從殷制商頌所言龍旂十乘必是白色賈公彥司常
疏引此以爲施於喪葬之期非無見也練者說文云
凍繒也經典說練皆純素郭注絳練非也郭意蓋以
周人尚赤據司常注九旗之帛皆用絳因以此練爲
絳練耳然司常是周制爾雅練旂白明是殷制何可
同也旂旒者當作流說文游旂竝云旂旒之流也爾雅
釋文旂旒經典亦作流是也又引廣雅天子十二旒至
地諸侯九旒至軫卿大夫七旒至轂士三旒至肩然
則練旒九者必是殷制與周不同周制天子十二旒
亦不容九旒矣組者說文綬屬詩素絲組之箋以素
絲縷縫組於旂旗以爲之飾蓋本此爲說也是組用
素郭云綦組亦非據釋文綦本亦作纂說文纂似組
而赤以此注上下推之知郭本綦必作纂矣維者持
之也縷者綫也周禮節服氏六人維王之常鄭注
維維之以縷王旂十二旒兩兩以縷綴連旁三人持
之禮天子旂曳地詩正義引孫炎曰維持以縷不欲
其曳地然則組飾其上縷持其旁以詩素組準之知
縷亦當用素箋云素絲爲縷是矣郭云朱縷非也

緇廣充幅長尋曰旒

帛全幅八尺

繼旒曰旒

帛續旒末為燕尾者義見詩

旒者說文云龜旒四旒以象營室游游而長引周禮曰縣鄙建旒本司常及輶人文也釋名云旒兆也龜

知氣兆之吉凶建之於後察度事宜之形兆也緇者帛黑色也公羊宣十二年疏引孫炎云緇黑繪也云

廣充幅長尋者充終也布幅廣二尺二寸帛幅廣二尺四寸然則旒之制以緇帛廣二尺四寸長八尺為

之也公羊注緇作繪云繪廣充幅長尋曰旒恐誤也旒畫龜蛇屬北方宿是當以黑為主檀弓云設旒夏

也然則旒從夏制知色尚黑矣鄭注用爾雅而云旒之旒緇布廣充幅長尋曰旒於緇上增旒之旒三字

緇下增布字益以設旒與設披設崇其字同類故釋旒為旌之旒非爾雅之義○旒者說文云繼旒末也公

也沛然而垂釋名云白旒殷旌也以帛繼旒末也公羊疏引孫炎云帛續旒末亦長尋詩云帛旒旒英英是

也郭云帛續旒末為燕尾者公羊注繼旒如燕尾曰旒不言用帛釋名云雜帛為旒以雜色綴其邊為燕

尾也將帥所建象物雜也然則旆亦雜色爲之不專
用白矣郭云義見詩者六月傳白旆繼旐者也按白
與帛古字通故知帛續旐末矣詩正義及釋文旆俱
作葢釋文葢本又作旆蒲貝反繼旐曰葢左傳云蒨
葢是也按葢葢俗字

注旐首曰旐

載旐於竿頭如
今之幢亦有旐

旐者說文云游車載旐詞常析羽注旐首所以精進
士卒釋名云析羽爲旐詞旐旐精也有精光也又云
綏有虞氏之旐也注旐竿首其形榮然也以綏爲
有虞氏旐本明堂位文鄭注注旐牛尾於杠首所謂
大麾詩千旐正義引李巡曰旐牛尾著于首孫炎曰
析五采羽注旐上也其下亦有旐綏然則旐者其上
有旐其下有羽爾雅不言羽者疑有虞氏惟竿首注
旐其形綏綏因謂之綏至周加文析采羽爲飾故周
禮夏采注綏以旐牛尾爲之綴於幢上所謂注旐於
千首者是鄭亦以注旐首爲卽有虞氏之綏且爾雅

旂用殷制旒用夏制則旌宜用有虞之制也許君說
旌云析羽注旌首蓋以周制兼虞制言爾雅不言析
羽無妨專言有虞之制也夏采序官注謂有虞氏已
以夏翟羽爲綏恐未然也郭云載旌於竿頭如今九
幘者釋言注今
之羽葆幘是矣

有鈴曰旂

縣鈴於竿頭

此覆說旂事也鈴者說文云令丁也旂有鈴者說文
旗有衆鈴以令衆也其鈴所在之處則詩載見傳鈴
在旂上公羊宣十二年疏引孫炎曰鈴在旂上旂者
畫龍詩正義引李巡曰以鈴箸旒端郭注以爲縣鈴
竿頭似失之也又此上文說旂之制不言有鈴知鈴
乃周制且此下旛旃亦皆周制也必知鈴周制者詩
言龍旂陽陽和鈴
央央周頌文也

錯革身曰旛

此謂合剝身皮毛置之竿
頭卽禮記云載鴻及鳴鳶

司馬遷史記口口釋天

旗者說文云錯革畫鳥其上所以進士眾旗旗眾也
引周禮曰州里建旗司常文也軒人云鳥旗七旂以
象鶚火也詩六月傳鳥章錯革鳥為章也箋云鳥隼
之文章正義引孫炎曰錯置也革急也畫急疾之鳥
於繆也鄭志荅張逸亦云畫急疾之鳥隼是則孫義
本於鄭也公羊宣十二年疏引李巡云以革為之置
於旒端其說又異李巡之意蓋以司常但云鳥隼為
旒爾雅亦止云錯革皆不言畫故云以革為之置於
旒端此即郭義所本但旒端與竿頭異耳郭注合字
未安汪氏中校定本據隨書禮儀五作全字是矣御
覽三百四十引爾雅舊注云刻為革鳥置竿首也與
郭注剝鳥皮毛又復不同參考諸家之說當以孫炎
為長郭義為短郭又引曲禮云載鴻
及鳴鳶者其意亦謂載當載其皮毛

因章曰旂

以帛練為旂因其文章不復畫之周禮云通帛為旂

旂者說文云旗曲柄也所以旂表士眾引周禮曰通
帛為旂或从亶作旂司常云孤卿建旂釋名云旂戰

也戰戰恭己而已也通以赤色爲之無文采三孤所
建象無事也司常注云通帛謂大赤從周正色無飾
又云孤卿不畫言奉王之政教而已按因章者謂因
帛之色以爲章不加文飾故司常謂之通帛爾雅謂
之因章左氏僖廿八年正義引孫炎曰因其繪色以
爲旗章不畫之是也又按爾雅釋文引世本云黃帝
作旂是旂起於黃帝其時蓋用黃色至周尙赤始用
絳帛以此推之知因章鎔革二條俱從周制也又文
選西京賦薛綜注引爾雅
曰熊虎爲旗今爾雅無之

旌旗

爾雅郭注義疏中之四

孫男聯

孫伯愷
薇近垣

校字

爾雅郭注義疏中之五

棲霞郝懿行學

釋地第九

地者說文云元氣初分輕清陽爲天重濁陰爲地萬物所陳列也釋名云地者底也

其體底下載萬物也亦言諦也五土所生莫不審諦

也白虎通云地者易也言養萬物懷任交易變化也

釋文引張顯古今訓云土乙力爲地許慎注淮南子

云地麗也物理論云地底也著也陰體下著禮統云

地施也諦也應變化審諦不誤按大司徒云以天

下土地之圖周知九州之地域廣輪之數辨其山林

川澤北陵墳衍原隰之名物此篇所釋自九州以訖

四極其間陵藪異名原野異勢五方異氣莫不備載

下篇釋北釋山釋水皆

地之事故總曰釋地

兩河閒曰冀州

自東河至西河

冀者說文云北方州也釋名云冀州取地以爲名也其地有險有易帝王所都亂則冀治弱則冀強荒則冀豐也釋文引李巡云兩河間其氣清厥性相近故曰冀冀近也按職方云河內曰冀州此云兩河間者卽兩河之內也言東河西河不言南河者以豫州見之又古以冀爲中州之通名穀梁傳云鄭同姓之國也在平冀州淮南覽冥篇注冀九州中謂今四海之內大荒北經注冀州中土也竝與爾雅義異

河南曰豫州

自南河至漢

豫者釋詁云安也釋名云豫州地在九州之中京師東都所在常安豫也釋文引春秋元命苞云豫之言序也言陽氣分布各得其處故其氣平靜多序也又引李巡云河南其氣著密厥性安舒故曰豫豫舒也按禹貢豫州以荆河爲界爾雅豫州以漢水爲界知者以下文漢南曰荊州荊在漢南明豫在漢北矣郭云自南河至漢公羊莊十年疏引孫氏郭氏皆云自東河至西河之南曰豫州與今本郭注異

河西曰雒州

自西河至黑水

雒者邕之段僭說文作邕隸作雍釋名云雍州在四山之內雍翳也釋文云雍者擁也東嶠西漢南商於北居庸四山之內擁翳也李巡云河西其氣蔽壅厥性急凶故曰雍雍壅也又引太康地記云雍州兼得梁州之地西北之位陽所不及陰氣壅閼故取名焉按周禮及爾雅皆無梁州則雍州兼有梁州之地也禹貢雍梁皆西界黑水故郭據以爲言至漢改雍梁爲益州今其地則四川也

漢南曰荊州

自漢南至衡山之陽

說文云荊楚木也釋名云荊州取名於荊山也必取荊爲名者荊警也南蠻數爲寇逆其民有道後服無道先疆常警備之也邢疏引李巡云漢南其氣燥剛稟性強梁故曰荊荊強也按禹貢荊州言荊及衡陽爾雅言漢南者衡陽舉其南界漢南舉其北界也漢北卽豫州界

江南曰楊州

自江南至海

濟河閒曰兗州

自河東至濟

楊者釋名云楊州之界多水水波揚也釋文引太康地記云以楊州漸太陽位天氣奮揚履正含文明故取名焉禹貢正義引李巡云江南其氣燥勁厥性輕揚故曰揚揚輕也案禹貢言淮海惟楊州公羊疏引鄭注楊州界自淮而南至海以東也爾雅變淮言江者明楊徐二州以江為界江南為楊州即知江北為徐州矣郭云自江南至海公羊疏引孫氏郭氏曰自江至南海也蓋至南二字誤倒當以今本為是

濟兗說文作洧洧云洧洧也東入于海洧水出河東東垣王屋山東為洧釋名云兗州取兗水以為名也類聚六引春秋元命苞曰兗之言端也按兗州界東南據濟西北據河是杜濟河閒也釋文及公羊疏引李巡云濟河閒其氣專質厥性信謹齋弘議假鄒故曰兗兗信也

濟東曰徐州自濟東至海

徐州者釋文引太康地記以為取徐正為名釋名云徐舒也土氣舒緩也公羊疏引李巡曰濟東至海靖饒剛三作難其氣寬舒稟性安徐徐舒也又引孫炎與郭注同按禹貢徐州界東至海北至岱南至淮爾雅舉濟東為言者殷仍夏制徐竟二州以濟為界濟西為竟東為徐也至周并徐於青與夏殷異太康地記周合其地於青州是矣

燕曰幽州自易水至北狄

燕說文作薊云地名釋名云燕宛也北方沙漠平廣此地狂涿鹿山南宛宛然以為國都也幽州在北幽昧之地也釋文引李巡云燕其氣淡要厥性剽疾故曰幽幽要也又引太康地記以為因於幽都為名或云北方太陰故以幽冥為號二者相依也按職方云東北曰幽州正北曰并州禹貢合幽於冀爾雅合并

於幽公羊疏引孫郭竝云自易水至北狄也據職方
冰易并州川漫昭余祁并州澤鼓爾雅十鼓燕有昭
余祁此注易水屬燕
是皆并合於幽之證

齊曰營州
此益殷制自岱東至海

齊者以天齊淵水而得
名史記封禪書云齊所以爲
齊以天齊也集解蘇林曰
當天中中齊縣地也
有黷施謂妖嬈之孽離
離釋名云齊齊也地
海之南勃齊之中也營
州者釋名云古有營州
之地於天文屬營室取其
名也公羊疏引李巡曰齊
其氣清舒受性平均故曰
營營平也今爲青州又引
孫郭竝云自岱東至海木
禹貢青州界而言也釋文
營者蓋取營止以爲號引
博物志云營與青同海東
有青止齊有營止豈是名
乎按說苑辨物篇本爾雅
作齊曰青州是營卽青矣
禹貢正義引漢末公孫度
據遼東自號青州刺史以
爲堯時青州當越海而有
遼東也舜爲十二州分青
州爲營州營州卽遼東其

說是矣郭云此蓋殷制者釋文引李郭同詩周南召
南譜正義引孫炎曰此蓋殷制禹貢有梁青無幽營
周禮有幽并無徐營是孫炎以爾雅之文與禹貢周
禮異故疑為殷制今按十載多異職方疑亦殷制周

九州堯以來說文云水可居曰州周遠其旁載

從重川谷堯遭洪水民居水中高土故曰九州

詩曰在河之州一曰州疇也各疇其土而生之

是則九州之名蓋起於堯矣釋名云州注也郡

國所注仰也禹貢序釋文引春秋說題辭云州

之言殊也王制注云州猶聚也爾雅所釋則殷

九州之疆域也逸周書大匡篇云三州之侯咸

魯有大野

也殷有九州皆其證

東北高平鉅野縣

釋名云魯鈍也國多山水民性樸魯也按爾雅魯兼徐克二州之地故禹貢大野屬徐州職方屬兗州爾雅實兼二文也左氏哀十四年傳西狩於大野杜預注與郭同晉地理志鉅野屬高平國漢志屬山陽郡史記夏紀集解引書鄭注大野在山陽鉅野一名鉅野澤今按鉅亦大也元和郡縣志云大野澤一名鉅野在縣東五里南北三百里東西百餘里水經濟水注引何承天云鉅野湖澤廣大南通洙泗北連清濟舊縣故城正在澤中然則鉅野古縣因藪澤為名也

晉有大陸

今鉅鹿北廣河澤是也

釋名云晉進也又取晉水以為名其水迅進也大陸者呂氏春秋有始覽及淮南墜形篇竝云晉之大陸高誘注大陸魏獻子所游焚焉而死者是也水經濟水注云脩武故甯也魏獻子田大陸還卒於甯大陸卽吳澤矣魏土地記曰脩武城西北二十里有吳澤水陂南北二十許里東西三十里左氏定元年傳杜

預注云大陸疑卽吳澤陂近甯是酈注本杜預以吳澤陂爲大陸其地在河內脩武今之獲嘉縣西北春秋時晉之境內左傳晉始敗南陽謂此地也呂覽淮南又云趙之鉅鹿高注以鉅鹿廣阿澤當之其地在今順德府鉅鹿任縣之閒乃趙之境內故別爲趙藪緣鉅鹿亦有大陸之名故郭注本孫炎遂以此爲晉藪誤矣水經濁漳水注又云自甯迄於鉅鹿出於東北皆爲大陸張聰咸曰脩武距鉅鹿南北千里酈元欲聯爲一地乃以淇口當禹貢北過絳水之文故強爲牽合胡氏渭云淇口在黎陽西南距脩武二百餘里信如酈言則河之所經當先大陸而後降水斥其無定見云云是矣孫炎郭璞所云廣阿澤者酈卿註傳酈議阿卽漢志尙書鄭注所指禹貢之大陸呂覽淮南所云趙之鉅鹿矣竝與此違

秦有楊陁

今在扶風
汧縣西

說文云秦伯益之後所封國地宜禾釋名云秦津也其地沃衍有津潤也楊陁者職方冀州藪曰楊紆注

云所在未聞雍州數曰弦蒲注云在汧漢地理志右
扶風汧北有蒲谷鄉弦中谷雍州弦蒲數然則漢志
所說與職方同鄭注甚明郭欲以職方之弦蒲當爾
雅之陽陟參差不合其說非矣淮南墜形篇云秦之
陽紆高誘注陽紆蓋在馮翊池陽一名具圃按左氏
僖卅三年傳秦有具圃杜預不注其地如高誘說以
具圃卽具圉錢氏坫說文割詮云今池陽爲西安府
涇陽縣地並無高原大澤然則高注亦非矣淮南脩
務篇云禹之爲水以身解於陽盱之河穆天子傳云
至于陽紆之山河伯無夷之所都居然則陽紆陽盱
聲雖相近而於爾雅之楊陰都亦無會邵氏正義說
以有始覽云秦之陽華高注陽華在鳳翔或曰在華
陰西以爲近之今按爾雅釋文陰郭鳥花反則與華
音相近似楊陰卽陽華然鳳翔之名非高所得聞錢
氏所謂後人附入者不足依據高引或說以爲在華
陰西亦無的指難以取證後漢郡國志注於弘農郡
華陰下引呂覽及高注於石扶風汧下引爾雅及郭
注亦不以爲一地則邵氏亦失之釋文陰汧孫於反

本或作紆字非然則陽紆楊隋非一地明矣攷之諸書既多差舛按之職方又相抵互竊謂爾雅此義當如鄭君之闕疑不當如郭氏之誤注

宋有孟諸今在梁國睢陽縣東北

釋名云宋送也地接淮泗而東南傾以爲殷後若云澤穢所在送使隨流東入海也孟諸者禹貢作孟豬史記作明都漢志作盟諸職方作望諸鄭注望諸明都也左傳作孟諸與爾雅同諸豬聲同孟望明盟古聲近也元和郡縣志云宋州虞城縣孟諸澤在縣西北十里周迴五十里俗號盟諸澤晉地理志梁國睢陽春秋時宋都漢志故宋國微子所封禹貢盟諸澤在東北是郭所本也睢陽今之歸德府商丘縣也自宋末以來屢遭河浸穀澤厓岸不可復識

楚有雲夢今南郡華容縣東南巴北湖是也

澤地

雲夢者職方云荊州其澤藪曰雲瞢鄭注雲瞢在華容漢志華容雲夢澤在荊州藪司馬相如子虛賦云楚有七澤一曰雲夢雲夢者方九百里是雲夢實一藪也經傳或分言者省文從便耳左氏昭三年傳王以田江南之夢杜預注楚之雲夢跨江南北是則夢亦雲也定四年傳楚子涉睢濟江入于雲中杜注入雲夢澤中是則雲亦夢也楚辭招魂篇云與王趨夢兮課後先王逸注夢澤中也楚人名澤爲夢中然則夢中猶雲中矣淮南墜形篇云南方曰大夢高誘注夢雲夢也地理志江夏郡有雲杜卽禹貢之雲土杜古字通然則雲土亦夢土矣雲土夢作又史記夏紀及漢志竝變作雲夢土皆得禹貢之意各順文從便耳漢晉華容縣今爲荊州府監利石首二縣地郭云巴丘湖者太平寰宇記引宋永初山川古今記雲夢澤一名巴丘湖是也

吳越之閒有具區

今吳縣南太湖卽震澤是也

吳越者釋名云吳虞也太伯讓位而不就歸封之於此虞其志也越夷蠻之國度越禮義無所拘也具區者禹貢云震澤底定職方云楊州其澤藪曰具區漢地理志會稽郡吳具區澤在西楊州藪古文以爲震澤是具區卽震澤其地在吳謂之吳越者有始覽云吳之具區墜形篇吳作越高誘注具區在吳越之間是矣郭以太湖卽震澤者水經沔水注引虞翻曰是湖有五道故曰五湖韋昭曰五湖今太湖也尙書謂之震澤爾雅以爲具區方圓五百里郭氏本之而以太湖震澤爲一非也邵氏正義雖致疑難終泥舊說以爲吳越水鄉濤湖汎決川瀆難悉此亦依違郭氏之失也按避暑錄話云孔氏以太湖爲震澤非是鰮鰾爲澤藪則震澤卽具區也太湖乃五湖之總名耳鰮鰾其凡言藪者皆人資以爲利而漫則但水之所鍾也今平望八尺震澤之閒水瀰漫而極淺與太湖相接而非太湖積潦暴至無以洩之則溢而害田所以謂之震他州之澤無水暴至之患則爲一名而

已而具區與三江通塞為利害故二名以別之據葉
夢得言則知震澤與太湖相接而為二太湖有隄漉
之限震澤水極漫淺或溢而害田亦或隄而為田與
太湖純水者形勢自別葉氏生於宋代所見如此今
烏程有震澤上下二鄉自林軋村至南潯鎮皆是
地濱太湖與葉氏所見無異頗疑邵氏吳越之人乃
不能舍太湖而別指具區何歟至於湖澤增減古今
異形顏真卿石柱記稱太湖周四萬八千頃視越絕
書已廣一萬二千頃矣其說亦與周八千頃視越絕
百里今康熙間周八百餘里矣湖周八千頃視越絕
年衝厥隄岸變遷然震澤之非太湖東南人要可目驗而知也

齊有海隅

廣斥

此釋營州之藪海隅者有始覽及墜形篇竝云齊之
海隅高注海隅猶崖也蓋近海濱墜形篇又云申池在
海隅高注海隅藪也史記齊世家集解引左思齊都
賦注曰申池在海隅齊藪也是皆本爾雅為說但海

隅是大名申池是其閒小地名縣絡川原佳饒竹樹
故左氏襄十八年傳焚申池之竹木文十八年傳公
游于申池蓋地饒竹木足可娛遊杜預不據申池在
海隅之文乃依京相璠說以齊南城西門名申池左
右有池疑此爲是水涇淄水注反是杜而駁齊都賦
注之非斯皆失矣今自登萊之黃縣掖縣以西歷青
州之壽光樂安以東及武定之海豐利津以北延袤
千餘里閒皆海隅之地管子所謂渠展之鹽左傳所
云澤之萑蒲藪之薪蒸蓋胥於是焉或疑十藪皆
舉地名齊藪獨汎指海隅以斯致疑此又非也子虛
賦言齊王畋於海濱與楚之雲夢割舉海濱卽海隅
且雲夢一藪猶方八九百里跨江南北況齊洋洋大
風海隅之藪跨越數郡包絡千餘里何足異也子虛
所稱列卒滿澤罾網彌山驚於鹽浦平原廣澤遊獵
之地皆非虛語然則郭注以海濱廣斥爲言斯爲當
矣張聰咸據胡氏謂禹貢錐指以管子渠展卽爾雅
海隅今以其說未
備因復推廣之耳

燕有昭余祁

北今太原鄆陵縣

此釋幽州之數殷之幽州兼周之并州故職方并州其澤數曰昭余祁鄭注昭余祁在鄆漢志太原郡鄆九澤在北是為昭余祁并州數郭注本此鄆陵字衍也有始覽作燕之大昭墜形篇作燕之昭余無祁字者省文耳今其地在太原府祁縣東七里水經汾水注鄆澤祁數是也然則祁縣因數為名釋文祁孫本作底音之視反蓋段借字作祁為正

鄭有圃田

今榮陽中牟縣西圃田澤是也

釋名云鄭町也其地多平町町然也圃田者職方豫州數於西周時在東都畿內故詩東有甫草鄭箋以為圃田之草也畎澮陂池東遷以後屬於鄭故左氏僖卅三年傳鄭之有原圃杜預注以為圃田澤是也元和郡縣志云圃田澤一名原圃中牟縣西北七里其澤東西五十里南北二十六里西限長城東

極官渡上承鄭州管城縣界曹家陂又溢而北流爲二十四陂按中牟今屬開封府漢屬河南郡晉屬滎陽郡

周有焦護

今扶風池陽縣瓠中是也

釋名云周地在岐山之南其山四周也詩六月正義引孫炎曰周岐周也焦護者詩作焦穫爾雅釋文穫又作護水經沮水注云沮水東注鄭渠渠首上承涇水於中山西邸驥抵瓠口所謂瓠中也爾雅以爲周焦穫矣元和郡縣志云焦穫藪亦名瓠口卽鄭白二渠也晉之扶風郡池陽縣今爲西安府三原縣也

十藪

說文云藪大澤也左氏襄廿五年正義引李巡曰藪澤之別名也周禮冢宰注云澤

無水曰藪澤虞注云觀序水希曰藪是藪澤名同而實異故冢宰云藪牧養蕃鳥獸左氏昭廿年傳藪之薪蒸虞侯守之然則藪者湊也薪蒸鳥獸之所湊風俗通云藪厚也有草木魚鼈所

以厚養人也雅文其藪之名數則淮南本於呂覽無大野焦護而以趙之鉅鹿與晉之大陸並稱說文本於職方其言九藪全襲彼文而青州孟諸離州弦蒲幽州奚養冀州楊紆與爾雅乖違豈此之藪名為從殷制而周有焦護非可預言疑殷有九州亦當九藪焦護一藪或後人所增今風俗通十藪之名雖與此同而非應劭舊本不足依據鄭注澤虞又云爾雅有八藪益復可疑賈疏曲為之說以為周秦同在雍州秦有楊紆周有焦護一州有二故言十爾雅除畿內一州而言故云八其說亦未可信且入藪之名未聞其審今亦無以言焉闕之可也

東陵隄南陵息慎西陵威夷中陵朱滕北陵西隄鴈門

是也

即鴈門山也

陵者說文云大阜也東陵者禹貢有其名漢志廬江郡金蘭西北有東陵鄉又元和郡縣志東陵山在章

正縣南二十八里引莊子駢拇篇云盜跖夙利於東陵之上是又一東陵也但東陵雖有二處叭字遂不見所出至於息慎朱滕亦猶是焉威夷者文選西征賦云登峭坂之威夷李善注引韓詩曰周道威夷薛君曰威夷險也按威夷漢志作柳夷屬右扶風雖地可言西然未必便是西陵潘賦以威夷連峭坂爲言與地志又復並異李善注所引亦非也西險者史記作先俞趙世家云反至分先俞於趙集解徐廣曰爾雅西險鴈門是也正義曰西先聲相近蓋陘山西險二山之地並托代州鴈門縣皆趙地也又謂之險穆天子傳云乃絕險之關墜郭注謂北陵西險鴈門山也北山經注鴈門山卽北陵西險鴈門之所出因以名云郭氏二注並與此合鴈門山在今代州東北

陵莫大於加陵

今所在

加陵者風俗通云國語周單子會晉厲公於加陵引爾雅曰陵莫大於加陵言其獨高厲也淮南人間篇

云晉厲公合諸侯於嘉陵按周語云柯陵在魯成十七年然則注柯陵鄭西地名也盟於柯陵在魯成十七年然則柯陵即加陵加嘉古聲同嘉柯聲借也韋注柯陵在鄭西今未聞其審

梁莫大於湔梁

湔水名梁隄也

湔梁者湔是水名梁其隄也左氏襄十六年會于湔梁杜預注湔水出河內軹縣東南至溫入河水經濟水注湔水出原城西北原山勳掌谷俗謂之為白澗水引爾雅而云梁水隄也湔水又南注於河公羊襄十六年疏引孫炎曰梁水橋也郭云隄者釋宮云隄謂之梁梁陵同類故列於八陵

墳莫大於河墳

墳大防

釋厓岸云墳大防方言云墳地大也郭注即大陵也鮑照蕪城賦稱三墳此言河墳詩云汝墳及言淮墳三墳之中河墳為大故獨在八陵胡氏禹貢雖指以漢河隄謂為金隄者當之金隄在今濬縣但本是人

所為恐非也錢氏站釋地注今蒲州府榮河縣是其地漢之汾陰雕也引水經注曰長阜背汾帶河長四里廣二里餘高十丈然則爾雅河墳必謂此矣

八陵

東方之美者有醫無閭之珣玗琪焉

醫無閭山名今在遼東珣玗琪王屬

職方幽州其山鎮曰醫無閭鄭注醫無閭在遼東賈疏云目驗知之漢光武十三年以遼東屬青州二十

四年還屬幽州漢地理志遼東郡無慮應劭曰慮音閭是無慮即無閭楚辭遠遊篇云夕始臨乎於微閭

王逸注東方之玉山也引爾雅為釋醫無閭作於微閭語聲之轉也陸形篇作醫母閭釋文醫李本作鑒

竝聲俗字也珣玗琪者說文云周書所謂夷玉也書顧命釋文夷玉馬云東夷之美玉正義引鄭云夷玉

東北之珣玗琪也是馬鄭許竝依爾雅為言邵氏正義云今大凌河有錦川石美者瑩潤如玉大者可作

凡醫無閭山在今錦州府廣寧縣西四十里

東南之美者有會稽之竹箭焉

會稽山名今在山陰縣南竹箭篠也

職方楊州其山鎮曰會稽鄭注會稽在山陰漢晉二志竝云山陰會稽山在南今山在紹興府會稽縣南二十里矣史記夏紀云禹會諸侯江南計功而崩因葬焉命曰會稽會稽者會計也竹箭者釋草云篠箭禹貢篠簜既敷夏紀作竹箭既布說文引書曰竹箭如摺按職方注故書箭為晉晉指音同疑說文所引有脫誤也竹箭堅實以無節為異堅形篇注今會稽郡出好竹箭也戴凱之竹譜云箭竹高者不過一丈節間三尺堅勁中矢江南諸山皆有之會稽所生最精好

南方之美者有梁山之犀象焉

犀牛皮角象牙骨

職方荊州其山鎮曰衡山鄭注衡山在湘南本漢志文隆形篇本爾雅作梁山高誘注梁山在會稽長沙

湘南是高據職方以梁山卽衡山會稽二字衍也或疑衡無梁山之名非也會稽古防山亦曰茅山又曰棟山見水經注乃有四名衡山二名何足異也犀象者職方注齒象齒也革屬兕革也按二物珍貴爲世要用故載之禹貢列於爾雅焉

西南之美者有華山之金石焉

黃金礪石之屬

職方豫州其山鎮曰華山鄭注華山在華陰晉地理志弘農郡華陰華山在縣南金石者墜形篇注金美金也石含玉之石也郭云礪石之屬者礪當作礪說文礪石次玉者玉藻云土佩璫玟張捐子虛賦注礪石白者如水半有赤色

西方之美者有霍山之多珠玉焉

霍山今在平陽永安縣東北珠如今雜珠

好而精

爾雅義疏中五

料地

三

職方冀州其山鎮曰霍山鄭注霍山在彘據漢志後漢改彘為永安故墜形篇注今河東永安縣也至晉又改河東為平陽故晉志平陽郡永安故霍伯國霍山在東郭注與晉志同山在今平陽府霍州東三十里也墜形篇珠玉上無多字高誘注出夜光之珠五色之玉也史記貨殖傳山西饒材苜穀纒旄玉石邵氏正義曰今山西有玉色黑美者可以鑑里人謂之攻玉郭云珠如今雜珠而精好據目驗也然則珠玉以美好為珍非以多為異也多字蓋衍

西北之美者有崑崙虛之璆琳琅玕焉

璆琳美玉名琅玕狀似珠也山

海經曰崑崙山有琅玕樹

崑崙古文作昆侖史記夏紀索隱引鄭以為昆侖析支渠搜三山皆在西戎漢志金城郡臨羌有昆侖山祠敦煌郡廣至有昆侖障璆琳琅玕者禹貢雖州所貢昆侖產也管子輕重甲篇云崑崙之虛不朝請以

璆琳琅玕爲幣乎墜形篇崑崙下無虛字高誘注璆琳琅玕皆美玉也按高注非詩韓奕釋文引鄭注尚書云璆美玉琳美石琅玕珠也說文亦云琅玕似珠者故禹貢正義引釋地說者皆云璆琳美玉名琅玕石而似珠者玉藻正義引李巡孫炎郭璞等並云璆琳美玉是郭義同李孫皆據釋器璆琳玉也爲說鄭必以璆美玉琳美石分爲二者蓋據子虛賦琳璆並稱上林賦碧琳與玫瑰連文知琳爲美石實則玉石同類古皆通名耳郭引山海經琅玕樹者海內西經文墜形篇云崑崙虛中有增城九重琅玕在其東倣眞篇云鍾山之玉高注鍾山崑崙也皆與爾雅合姚元之曰和闐之西南曰密爾岱者其山縣亘不知其終其山產玉鑿之不竭是曰玉山山恆霽回民挾大釘巨繩以上鑿得玉繫以巨繩縋下其玉色青今密爾岱卽古崑崙虛矣余按此玉青色卽璆琳也已詳釋器璆琳玉下

北方之美者有幽都之筋角焉

幽都山名謂多野牛筋角

幽都者一統志云山在昌平縣西北古之幽州蓋因
山爲名也海內經云北海之內有山名曰幽都之山
筋角者考工記云燕之角貨殖傳云龍門碣石北多
馬牛羊旃裘筋角墜形篇注古之幽都在鴈門以北
其畜宜牛羊馬出好筋角可以爲弓弩魏都賦云
燕弧盈庫而委勁是北方筋角之利舊有名矣

東北之美者有庖山之文皮焉

虎豹之屬皮有縟綵者

庖山瀕海之山隋地理志東萊郡文登縣有庖山寰
宇記云卽爾雅之庖山齊乘云文登東南六十里蓋
以海濱廣庖得名按山在今登州府萊城縣南一百
二十里矣文皮者墜形篇注虎豹之皮也郭注因之
管子揆度篇云發朝鮮之文皮皦皦赤輕重甲篇云
發朝鮮不朝請文皮氐服而以爲幣乎然則朝鮮亦
出文皮其地與庖山唯限一海皆古營
州之地因知營州蓋越海而有朝鮮矣
中有岱岳與其五穀魚鹽生焉

言泰山有魚鹽之饒

岱岳所在詳見釋山五穀魚鹽者職方兗州其山鎮
曰岱山其利蒲魚其穀宜四種鄭注四種黍稷稻麥
豫州并州其穀宜五種鄭注五種黍稷麥稻也幽
州其利魚鹽禹貢青州厥貢鹽絺海物惟銷鄭注海
物海魚也魚種類九雜左氏昭廿年傳海之鹽蜃祈
望守之管子輕重甲篇云齊有渠展之鹽貨殖傳云
太公望封於營丘地潟鹵人民寡於是太公通魚鹽
則人物歸之墜形篇中作中央之美者五字五穀魚
鹽之間有桑麻二字疑據爾雅占本今脫去之然五
穀魚鹽之饒非必泰山所有爾雅言中有岱岳實概
舉中土而言耳

九府

府者釋文云猶庫藏也春官序序官天府注

府謂寶藏貨賄之處也小爾雅云府叢也廣韻
引風俗通云府聚也公卿牧守道德之所聚也
然則人物所聚通謂之府故一切經音義九引
三蒼云府文書財物藏也茲篇所釋皆九州寶

藏之屬故
題曰九府

東方有比目魚焉不比不行其名謂之鰈狀似牛脾鱗細紫黑色一

眼兩片相合乃得行今水中所
在有之江東又呼為王餘魚

鰈者說文括字解云讀若比目魚鰈之鰈封禪書云
東海致比目之魚集解韋昭曰各有一目不比不行
其名曰鰈文選吳都賦云罩兩鰈劉逵注鰈左右各
一目所謂比目魚也云須兩魚並合乃能遊若單行
落魄著物為人所不得故曰兩鰈丹陽吳會有之山林
賦云禺禺鰈鰈郭氏注鰈比目魚狀似牛脾細鱗紫
色兩相得乃行與此注同爾雅釋文鰈本或作鰈同
音鰈按上林賦注以鰈鰈為二則鰈作鰈者非北戶
錄謂之鰈廣韻亦以鰈為北目魚矣郭云王餘魚者
吳都賦云雙則比目片則王餘劉逵注比目魚東海
所出王餘魚其身半也俗云越王鰈魚未盡因以殘
半棄水中為魚遂無其一面故曰王餘也然則王餘

比目非一魚賦及注甚明王餘今登萊人謂之偏日
魚與比目相似而有異其魚單行非兩兩相合郭以
比目即王餘誤矣初學記引臨海異物志云比目魚
似左右分魚蓋分魚即王餘也又云南越志謂之版
魚封禪書索隱引郭注王餘下有亦曰版魚四字牛
脾下有身薄二字今本俱缺脫而衍今水中所有
之七字當據索隱刪去之比目海魚今出日
照故封禪書謂出東海非水中所有也

南方有比翼鳥焉不比不飛其名謂之鵽鵽
似鳬青赤色一目一

翼相得乃飛

鵽鵽者西次三經崇吾之山有鳥焉其狀如鳬而一
翼一目相得乃飛名曰鵽鵽郭注比翼鳥也色青赤
不比不能飛爾雅作鵽鵽鳥也海外南經比翼鳥在
其東其為鳥青赤兩鳥比翼博物志云比翼鳥一青
一赤逸周書王會篇云巴人以比翼鳥是鳥出西南
方也公羊宣五年疏引舊說云雙雙之鳥一身二首

尾有雌雄隨便而偶
常不離散卽此類也

西方有比肩獸焉與邛邛崹虛比爲邛邛崹虛齧甘草

卽有難邛邛崹虛負而走其名謂之蠻

蠻鼠前而免後趨則頓走則顛然則邛邛崹虛亦宜鼠

後而免前前高不得取甘草故須蠻食之今鴈門廣武

負其行上俗名之爲蠻鼠音賦

邛當作蠻說文云蠻蠻獸也蠻鼠也一日西方有獸

前足短與蠻蠻巨虛比其名謂之蠻韓詩外傳蠻作

登聲俗字耳釋文引李巡云邛邛崹虛能走蠻知美

草卽若驚難者邛邛崹虛便負蠻而走故曰比肩獸

孫炎云邛邛崹虛狀如馬前足鹿後足兔前高不得

食而善走蠻前足鼠後足兔善求食走則倒故齧甘

草則仰食邛邛崹虛邛邛崹虛負以走是皆以邛邛

崹虛爲一獸司馬相如子虛賦云楚蠻蠻驂距虛又

爲二獸郭氏注以距虛卽𪔐𪔐變文互言非也邛岨
本二獸故王會篇云獨鹿邛邛善走也孔晁注邛邛
獸似距虛負蟻而走也又云孤竹距虛走百里郭注亦
獸驢騾之屬穆天子傳云邛邛距虛走百里郭注亦
馬屬又引尸子曰距虛不擇地而走則皆以爲二獸
子虛賦張揖注曰蚤蚤青獸狀如馬距虛似羸而小
其說是矣郭引呂氏春秋慎大覽不廣篇文也晉地
理志鴈門郡廣武漢志太原郡廣武賈屋山在北賈
屋卽夏屋今代州東夏屋山也羅願爾雅
翼云遼北境慶州之地大漠中有𪔐鼠

北方有比肩民焉迭會而迭望

此卽半體之人各有一
鼻一孔一臂一腳

亦猶魚鳥之相
合更望備驚急

比肩民者名婁韓詩外傳五云北方有獸名曰婁更
食而更視不相得不能飽然則此亦獸屬爾雅謂之
爲民郭云卽半體之人者海外西經一臂國一臂一
日一鼻孔卽此注所本唯鼻孔中間衍一字文選三

月三日曲水詩序注引郭注作一目
一鼻孔是也但魚鳥作魚鼠為異

中有枳首蛇焉

岐頭蛇也或曰今江東呼兩
頭蛇為越王約髮亦名弩弦

枳者宋雪牕本作輒段借字也釋文云本或作贅郭
巨宐反係音支云蛇有枝首者名曰率然然則孫讀
為枝郭讀為岐岐枝枳音皆近廣雅云枳枝也楚辭
天問篇注中央之州有岐首之蛇爭其食牧草之實
自相啄齧顏氏家訓勉學篇云蟲有蠹者一身兩口
爭食相齧遂相殺也蠹古之虺字即此枳首蛇也俗
以兩頭蛇見者必歎故孫叔敖殺而埋之而劉恂嶺
表錄異云嶺外極多長尺餘大如小指背有錦文腹
下鮮紅人視為常不以為異也陳藏器本草拾遺云
兩頭蛇大如指一頭無口目兩頭俱能行此說非也
若一頭無口目何以能爭食而相齧也孫炎以此蛇
名率然亦非孫子九地篇云率然者常山之蛇擊其
首則尾至非兩頭也郭云越王約髮以其錦文長尺
餘似之亦似弩弦也類聚九十六引郭氏贊云夔稱

一足蛇則二首少不知無多
不覺有雖資天然無異駢拇

此四方中國之異氣也

夫四方中國廣谷大川牝牡異制陰陽生肖細縕異
形夏鼎鑄姦俾民不逢不若爾雅紀異令人多見多
聞者也

五方

邑外謂之郊郊外謂之牧牧外謂之野野外謂之林林

外謂之垆

邑國都也假令百里之國
五十里之界界各十里也

邑者說文云國也左氏莊廿八年傳凡邑有宗廟先
君之主曰都無曰邑釋名云邑猶俛也邑人聚會之
稱也是邑國通名此邑即國都矣郊者說文云距國
百里為郊此據王畿千里而言設百里之國則十里

曰野是李善所見本與毛鄭許同御覽五十五引作
邑外謂之牧牧外謂之野素問六節藏象及三部九
候篇王砮注又引作郊外爲甸甸外爲牧牧外爲林
林外爲坰坰外爲野以校今本多有參差蓋爾雅別
本也李巡孫炎又復不同詩駟正義引孫炎曰邑國
都也設百里之國五者之界界各十里孫意蓋以郊
牧野林坰五者之界各十里而異名也郭
本孫炎五者二字誤衍作五十里三字

下溼曰隰大野曰平廣平曰原高平曰陸大陸曰阜大

阜曰陵大陵曰阿

隰者說文云阪下溼也釋名云下溼曰隰隰蟄也蟄
濕意也一切經音義四引爾雅舊注云隰溼墊也詩
車鄰正義引李巡曰下溼謂土地窳下常沮洳名爲
隰也毛用爾雅○平者釋名云下平曰衍言漫衍也
按大野地勢平因謂之平平與坪音義同說文坪地
平也○原者說文作繖云高平之野人所登釋名云

廣平曰原原元也如元氣廣大也水經汾水注引者
秋說題辭云高平曰太原原端也平而有度按說文
及說題辭俱作高平釋名及爾雅諸家俱作廣平御
覽五十七引舍人曰廣平謂土廣而平詩公劉正義
引李巡曰廣平謂土地寬博而平正也鄭箋亦作廣
平曰原大司徒注又作高平曰原不同者高廣義近
散文可通文選西都賦注引亦作高平曰原○陸阜
陵阿者說文俱本爾雅釋名云高平曰陸陸濇也水
流濇而去也左氏定元年杜預注引作廣平曰陸漢
書郊祀志注同亦散文通也阜說文作阜云大陸山
無石者釋名云土山曰阜阜原也言高厚也陸隆也
體高隆也文選長楊賦注引韓詩章句云四平曰陵
按四平謂中央高四邊下故廣雅云四隤曰陵也阿
有二義詩菁菁者莪傳用爾雅考槃傳又云曲陵曰
阿不同者蓋四邊高而中央卷曲低下故一切經音
義一引韓詩傳云曲京曰阿京亦高大之名義與此
同也陸阜陵阿皆土山也以高大而異名故詩天保
及左傳正義引李巡曰高平謂土地豐正名爲陸大

陸謂土地高大名曰阜阜最
大名爲陵陵之大者名阿

可食者曰原可種穀陂者曰阪阪陀不平下者曰溼公羊傳曰下平

隰曰

此別可耕種之野所謂穀土者也大宰注鄭衆云三
農平地山澤也鄭注三農原隰及平地然則穀別有
九而土別惟三卽此原阪隰之各異其名也穀土而
曰可食者古謂可耕之土爲食土檀弓云擇不食之
地而葬我焉鄭注不食謂不墾耕左氏昭七年傳食
土之毛鄭語云食會溱洧皆其證也左氏襄廿五年正
義引孫炎曰可食謂有井田也陸臨作阿山田可種
穀者亦曰原也孫意蓋以上云廣平白原是原之本
名此云可食曰原是原之通名山田下隰凡可耕種
通謂之原欲明陂者下者皆以可食總之詩周原陂
陂傳云原田每每非必廣平之地獨擅原名矣○陂
者說文云阪也阪字解云坡者曰阪又云陂阪也是

陂阪音義同故得兩通釋文陂又作坡郭皆音何反
此音得之古讀皮爲坡也釋名云山旁曰陂言陂陲
也玉篇云陂陀靡迤也然則坡之言頗也阪之言反
也謂山田頗側之處可耕種者故詩車鄰正義引李
巡曰陂者謂高峰山陂正月箋云阪田崎嶇境坳之
處淮南齊俗篇云陵阪耕田易說卦云其於稼也爲
反生虞翻本反作阪云陵阪也是阪反通○溼者當
作隰字之誤也車鄰正義引李巡曰下者謂下溼之
地隰溼也說文云隰阪下溼也增一阪字者許意蓋
以下溼曰隰其訓已明又言下者曰隰明此義對阪
而言田之陂陀不平者名爲阪其下而平者卽爲隰
不必沮洳漸溼之處始名隰也且此三句俱言可耕
之田故說苑復恩篇說祠田云下田洿邪得穀百車
蟹堞者宜禾尊賢篇云蟹堞者宜禾洿邪者百車洿
邪卽隰蟹堞卽阪詩車鄰亦阪隰對言毛傳用爾雅
月令孟春之月善耜正陵阪險原隰土地所宜五穀
所殖皆與此義合郭引公羊昭元
年傳下平曰隰平亦對陂而言

田一歲曰蓄

今江東呼初耕地反草為蓄

二歲曰新田

詩曰于彼新田三歲

曰畬

易曰不蓄畬

說文云田陳也樹穀曰田釋名云已耕者曰田田填也五稼填滿其中也蔡邕月令章句云穀田曰田田此文皆言田之異名故以田統之也蓄者說文云反耕田也販畝離畝引易曰不蓄畬詩采芑正義云蓄者災也引孫炎曰蓄始災殺其草木也易无妄釋文引董遇云蓄反草也蓋田久蕪裝必須利耜熾蓄發其冒板拔彼陳根故云反草詩倂載南畝箋讀倂載為熾蓄是其義也江南以首春墾草為翻田江北以初冬耕田為畝草皆與蓄義合釋文蓄孫音災○新田者耕之二歲疆墟剛土漸成柔壤采芑正義引孫炎曰新田新成柔田也毛傳用爾雅○畬者田和柔也孫炎曰畬和也田舒緩也蓋治田三歲則陳根悉拔土脈膏肥畬之言舒易釋文引董遇云悉耨曰畬是也馬鄭俱本爾雅詩臣工傳同唯禮坊記注二歲曰

畚三歲日新田易釋文引說文亦云畚二歲治田也竝與爾雅毛傳不合蓋異說也

野野對邑言如左傳云謀於野則獲謀於邑則否周禮鄉師以歲時巡國及野遂人掌邦之

野是國門以外通謂之野若別而言之郊牧林坳皆野之異名原隰陸阜陵阿菑畬新田皆野

之細目故總題曰野也

東至於泰遠西至於邠國南至於濮鉛北至於祝栗謂

之四極

皆四方極遠之國

釋詁云極至也四方所至故謂之四極泰遠者大戴禮千乘篇四辟之民皆云至於大遠此之泰遠則東極地名也邠者釋文云本或作豳說文作豳云西極之水也引爾雅曰西至汎國謂四極文選上林賦注文穎引爾雅曰至于豳國爲西極濮鉛者廣韻濮字注云濮鉛南極之夷尾長數寸巢居山林出山海經

綴無逸周書王會篇伊尹四方令曰正南百濮蓋濮
鉛亦可單言濮也祝栗者史記周紀封黃帝之後於
祝樂記作封帝堯之後於祝蓋祝薊俱近燕皆北極
地名疑祝卽祝栗也邵氏正義以祝栗卽涿鹿之轉
聲史記黃帝紀邑
於涿鹿之阿也

觚竹北戶西王母曰下謂之四荒

觚竹在北北戶在南
西王母在西曰下在

東皆四方昏荒
之國次四極者

荒者書禹貢荒服正義引馬融注荒政教荒忽因其
故俗而治之然此猶在五服內者若爾雅之四荒則
政教所不加故次於四極也觚竹卽孤竹齊語云北
伐山戎制令支斬孤竹漢地理志遼西郡令支有孤
竹城按其地在今永平府也北戶者史記舜紀云南
撫交阯北發索隱以北發當云北戶南方有地名北
戶淮南墜形篇作反戶高誘注在日之南皆爲北鄉
戶故反其戶也漢志日南郡屬交州吳都賦云開北

荒者

九夷八狄七戎六蠻謂之四海

九夷在東八狄在北七戎在西六蠻在南次四

戶以向日按北戶亦地名特言郡在極南實則日南非真在日之南北戶亦非向北看日也西王母亦國名也竹書帝舜九年西王母來朝大戴禮少閒篇云西王母來獻其白琯淮南墜形篇云西王母在流沙之瀕漢志金城郡臨羌西北至塞外有西王母石室西域傳云安息長老傳聞條支有弱水西王母亦未嘗見也又云條支臨西海是西王母乃西海遠荒之國從未有入至其地者也日下者鄭樵以為即今日本國也邵氏正義以為嵎夷但嵎夷雖在東表然是賓日之地而無日下之名

四海者御覽卅六引舍人云晦冥無識不可致誨故曰四海曲禮正義引李巡注四海遠於四荒餘同舍人詩蓼蕭正義引孫炎曰海之言晦晦聞於禮義也初學記謂之四海下言皆近於海也似引爾雅舊注

之文與諸家義異也夷狄戎蠻者蓼蕭箋云九夷八
狄七戎六蠻謂之四海與爾雅合正義曰職方氏及
布憲注亦引爾雅云九夷八蠻六戎五狄謂之四海
數旣不同而俱云爾雅則爾雅本有兩文今李巡所
注謂之四海之下更三句云八蠻在南方六戎在西
方五狄在北方此三句唯李巡有之孫炎郭璞諸本
皆無也李巡與鄭同時鄭讀爾雅蓋與巡同又引鄭
志荅趙商云戎狄之數或五或六兩文異云云鄭疑
兩文必有一誤故不敢定之耳據孔此義則知鄭於
箋注所引互異蓋疑未敢定也但爾雅及職方明堂
位其數俱不合邵氏正義以爾雅釋地多述殷制此
言四海亦當指殷之肇域而言盧辯大戴禮用兵篇
注又以此爲夏之所服而云殷之夷國東方十南方
六西方九北方十有三此言復不知出何書也賈公
彥職方疏以爲夏制與盧辯同今按夏制殷制皆無
可攷此等皆臆度耳王制正義引李巡注入蠻六戎
五狄竝指其名今不錄

■ 崑齊州以南戴曰為丹穴

崑去也齊中也

北戴斗極為空桐

戴值

東至日所出為太平西至日所入為太蒙

即蒙汜也

崑者當作距通作距書子決九川距四海漢書食貨志注距至也此注距去也去至義相成也齊中也者本釋言文列子湯問篇云不知距齊州幾千萬里御覽卅六引舍人云自申州以南日炎所照故曰丹穴莊子讓王篇云逃乎丹穴淮南汜論篇注丹穴南方當日下之地戴訓值者考工記弓人鄭眾注牛戴牛角直一牛也直與值古字通禮投壺云馬各直其算史記項羽紀云直夜潰圍此皆以直為值值當也斗極者北斗中也空桐汜論篇作空同史記黃帝紀集解韋昭曰在隴右正義引括地志并頭山一名崑崙山然此自西方山非爾雅所指也錢氏釋地注以今順天府薊州東北空桐山當之恐亦未然莊子在宥篇釋文引司馬云空同當北斗下山也一日在梁國虞城東二十里今亦疑未敢定也太平者大荒東經

云東海之外大荒之中有山名曰大言日月所出蓋此卽太平也大平大言古讀音近大蒙者楚辭天問篇云出自湯谷次于蒙汜淮南覽冥篇云邇回蒙汜之渚高注蒙汜日所入之地

太平之人仁丹穴之人智大蒙之人信空桐之人武地氣

使之然也

王制云五方之民皆有性也不可推移鄭注地氣使之然與此注同淮南汜論篇云丹穴大蒙反踵空同大夏北戶奇肱修股之民是非各異習俗相反隆形篇注東方木德仁故有君子之國此卽太平之人仁也推是而言南方火德明故其人智西方金德實故其人信北方水德怒故其人武中國土德和平故其具備也

四極

題上事也上文復有四荒四海不言者舉一足以包之逸周書王子晉篇云善至于

爾雅郭注義疏中
曰王
四海曰天子達於四荒曰天王列子湯問篇云
以是知四海四荒四極之不異也並與此義合

爾雅郭注義疏中之五

孫男聯

孫伯愷
薇近垣

校字

爾雅郭注義疏中之六

棲霞郝懿行學

釋止第十

說文云北土之高也非人所為也从北从

在崐崙東南一曰四方高中央下為北象形古文从
土作塋風俗通云尙書民乃降止度土堯遭洪水萬
民皆山棲巢居以避其害禹決江疏河民乃下止營
度爽塏之場而邑落之故止之字二人立一上一者
地也四方高中央下象形也大司徒注土高曰止易
彖上傳虞翻注半山稱止廣雅又云小陵曰止是止
之名無定經典止陵連言凡土之高者舉可稱止也
茲篇所釋俱因形以定名宛止以下始兼地望而以
附焉

止一成爲敦止

成猶重也周禮曰爲壇三成

再成爲陶

正今濟陰定陶再成銳上為融正鐵頂三成為崑崙正

崑崙山三重故以為名

覲禮注成猶重也司儀云為壇三成皆郭所本敦之
為言堆也敦訓為厚厚重義近故一重之正因為
名下文如覆敦者敦正彼舉其形此言其義其實一
耳敦與頓通故詩岷傳作頓正正義引孫炎曰形如
覆敦敦器似孟下文注曰正一成之形象也是敦頓
字異音義同釋名云正一成曰頓正一成而無上
下大小之殺也蓋望文生訓耳漢志頓正屬東郡今
為大名府清豐縣○陶者說文云再成正也引書東
至于陶正禹貢正義引李巡曰再成其形再重也按
陶从匚匚是瓦器正形重累似之故後漢書明帝紀
注引孫炎云形如累兩孟也釋名亦云陶正於高山
上一重作之如陶竈然也是皆以匚為義但正非人
所為釋名假言作之其實自然生成也漢志濟陰郡
定陶禹貢陶正在西南陶正亭今在曹州府定陶縣

南七里水經濟水注引墨子以爲釜正蓋正象陶甕
亦兼得釜名矣○鏡者釋山鏡而高注言鐵峻是也
融正者釋名云鏡上曰融正融明也明陽也凡上鏡
皆高而近陽者也按融炊氣上出也宜兼高長二義
長與高卽鏡上之意張氏照攷證云陸璣白雲賦興
曜曾泉升迹融正○崑崙者水經河水注引崑崙說
云崑崙之山三級下曰樊桐一名板桐二曰玄圃一
名閭風上曰層城一名天庭邢疏引崑崙山記云崑
崙山一名崑崙正三重高萬一千里是崑崙亦名崑
又名崑崙正西山經云崑崙之正實惟帝之下都是
也但爾雅特偕崑崙以定三重正名非指崑崙山也
故釋名云三成曰崑崙正如崑崙之高而積重也其
說是矣

如橐者橐正

形如車橐也或云

如隋者隋正

水中小

釋名云如橐曰乘正四馬曰橐一基在後似車四列
在前似駕馬車之形也釋文引李郭皆云形如車橐

郭又以蔡謂稻田塋塋者說文云塋稻田畦也郭蓋
借塋爲蔡當從前說春秋莊十年公敗宋師於蔡
杜預注謂魯地漢志屬泰山郡括地志云蔡在瑕
丘縣西北三十里按瑕丘今屬兗州府也又漢志濟
陰郡蔡氏應劭以爲卽春秋蔡丘非也濟陰之蔡氏
與泰山之蔡丘非一地應氏誤合之耳○如隋之隋
說文作渚云如渚者隋丘水中高者也釋名云如渚
者隋丘形似水中之高也文選注引聲類云隋或作渚是渚隋通
郭云小洲爲隋本釋水文

水潦所止泥丘

頂上汚下者

泥者廣韻引作昵說文云昵反頂受水丘从泥省聲
繫傳以爲頂當高今反下故曰反頂按反頂卽汗頂
史記孔子世家說夫子圩頂索隱曰圩頂言頂上窾
是也正義引輿地志關里有尼丘山今在兗州鄒城
關里然則夫子之字曰仲尼蓋本此釋名云水潦所
止曰泥丘其上汙水而不入成泥也此亦望文生義

方正胡正形四

釋名云圖正方正就其方圓名之也漢志山陽郡有瑕正表記鄭注瑕之言胡也是瑕正即胡正胡瑕古音相近邵氏正義以淮南墜形篇和正當之和胡聲轉也

絕高爲之京人力非人爲之正地自

此以京正對言故說文云京人所爲絕高正也又云正之高也非人所爲也左氏襄廿五年傳辨京陵呂覽禁塞篇云爲京正若山陵高誘注合土築之以爲京觀故謂之京正淮南覽冥篇云築重京是皆人力所爲故曰絕高爲之詩正義引孫郭竝云人力所作是也正則地性自然而高不段人爲此篇釋正所載諸正是也然京正古亦通名故詩序云文公徙居楚正而詩乃言景山與京毛傳京高正也皇矣傳京大阜也是京與正通名故呂覽以京正爲言詩正義引李巡亦曰正高大者爲京也是皆京正通稱之證

水潦所還塙

謂塙邊有界塙水繞環之

塙者玉篇云淮南道有形塙說文云塙庫垣也邢疏塙小隄也墳土為之然則塙有人為者亦有自然者淮南本經篇云聚塙畝方言注有界塙似耕隴是耕隴界限亦謂之塙水潦所還者還猶環也言此塙中有界塙外則水潦所環形似稻田塙塙因名塙塙矣

上正章

平頂

章之言正也謂正形平正唐書地理志齊州濟南郡章正元和郡縣志章正縣本漢陽正隋改章正取縣南章正山為名

澤中有正都

在池澤中

都之言瀦也禹貢被孟諸史記作被明都風俗通云水澤所聚謂之都亦曰瀦省作豬檀弓注豬都也南

方謂都爲豬釋名云澤中有正曰都正言蟲鳥往
所都聚也韓詩外傳云禽獸厭溪山而下於都澤

當途梧正

道

梧者讀如寤段借字也釋詁云遇逢也說文云梧逆
也竝與此台故釋名云當途曰梧正梧忤也與人相
當忤也晏子春秋雜下篇云景公畋於梧正蓋本此以爲名

途出其右而還之畫正

言爲道所規畫

途出其前戴正

道出正南

出其後昌正

道出正北

釋名云道出其右曰畫正人尙右凡有指畫皆用右
也道出其前曰戴正在前故載也道出其後曰昌正
此句無釋蓋有缺脫載戴古字通用而還之三字不
見蓋文省耳戴卽戴日戴斗極之戴戴值也謂途與
正相值昌當也見釋詁謂途與正相當是昌戴其義同也

水出其前消正水出其後沮正水出其右正正水出其

左營正今齊之營正

說文云水出正前謂之消正釋名作陸正云水出其
前曰陸正陸基陸也言所出然沮正作阻正云水出
其後曰阻正背水以為險也正正作止正云水出其
右曰止正止也西方義氣有所制止也竝與今本
異○營正者詩正義以為水所營繞故曰營正引孫
炎曰今齊之營正過其南及東是也與郭注同
水經淄水注引爾雅曰水出其前左為營正史記集
解及檀弓正義引亦同然則云淄水過其南者南即
前也云及水者東即左也據酈裴所引及孫郭注可
知左上當有前字故王氏念孫曰作前左者是也元
和郡縣志引爾雅亦有前字又申釋之云今臨淄城
中有正淄水出其前經其左故曰營正也參攷諸家
之義自以本有前左為長但釋名及詩正義仍引作
水出其左曰營正竝無前字蓋據今本刪去之也漢

志臨淄屬齊郡營陵屬北海郡應劭以營陵卽營工誤矣營陵春秋謂之緣陵

如覆敦者敦工也

卽上敦工此又申釋其狀故孫炎云工一成一成之形象也明二者是一敦讀爲堆郭注上文江東呼地高堆爲敦孫云形如覆敦敦器似孟蓋孟體圓上下相連敦形似之鄭注周禮禮記竝以爲黍稷器寰宇記敦工在觀城縣南二十里

邐沙工

連延

說文云邐行邐邐也邐衰行也沙工者漢志鉅鹿郡鉅鹿尉所行沙工臺在東北七十里史記殷紀益廣沙工苑臺正義於秦紀沙工臺趙世家沙工宮竝引括地志云在邢州平鄉東北三十里徐廣以爲趙沙工在鉅鹿則是皆一地也但沙工所在多有其形皆邐邐連延不獨鉅鹿爲然也廣韻云刻施沙工狀刻

音邈是剡嶺卽邈迤之異文

左高咸工右高臨工前高旄工詩云旄工後高陵工偏

高阿工詩云陟彼阿工

左高而右卑者名咸工春秋桓七年焚咸工杜預注魯地高平國鉅野縣有咸亭公羊以爲邾婁之邑也右高而左卑者名臨工地地道尊右於易地澤爲臨此工義亦同也旄工者詩傳云前高後下曰旄工釋文引字林作塹云塹工也亡周反又音毛又亡付反爾雅釋文引字林作塹又作塹俱亡付反玉篇云塹工也或作塹前高後平工名顏氏家訓書證篇云柏人城東北有一孤山世俗或呼爲宣務山余讀碑銘知此嶺嵒山也嵒字依諸字書卽旄工之旄也是呂忱顧野王顏之推竝以旄工爲塹工文選荅賓戲注應劭引爾雅正作前高塹工又內則注年讀曰塹卽此塹字鄭應同時蓋必所見爾雅本旄工作塹工故一

讀一引字俱作整可知今本作旄段俗字耳釋名作
髦因云前高曰髦正如馬舉頭垂髦也殆望文生訓
矣寰宇記云旄在澶州臨河縣東今在大名府開
州也。正之後高而前卑者名陵正此陵蓋凌之段
俗說文云凌越也一日凌倂也玉篇云凌古陵字然
則凌倂即陵遲古字通用陵正謂後邊高前稍陵遲
低平與下文陵正異也正之一隅偏高而不正當左
右前後者曰阿正詩載馳傳用爾雅正義引李巡曰
謂正邊高釋名云偏高曰阿正阿
何也如人儋何物一邊偏高也

宛中宛正

宛謂中央隆高

宛正者釋名云中央下曰宛正有正宛宛如偃器也
詩宛正傳四方高中中央下曰宛正正義引李巡孫炎
皆云中央下郭獨以為中央隆峻與諸家異故正義
駁之云爾雅上文備說正形有左高右高前高後高
若此宛正中央隆峻言中央高矣何以變言宛中此
駁是也今按釋山有宛中隆郭蓋本此為說詳見下

正背有正為負正

此解宛正中央隆峻狀如負一正於背上

正背有正者背猶北也言正之北復有一正若背負然因名負正古讀負若陪二字義相通陪訓貳也重也皆與正背有正義合此白別為一正郭意欲為宛正作解蓋失之矣且此明言正背有正亦非中央隆高之義

左澤定正右陵泰正

宋有太正社

定正者漢志齊郡有鉅定又為澤名蓋本古縣依澤以為名也疑此為近之但陵谷變遷正形亦不可復識矣其地在今青州府樂安縣也泰正者史記封禪書集解引爾雅作右陵太正索隱引郭注云宋有太正社以社名此地也所引與今本異太正社在六國表在顯王三十一年

如畝畝正正有壘界如陵陵正陵大

畝正者詩老伯正義引李巡曰謂正如田畝曰畝正也孫炎曰方百步也釋名云畝正正體滿一畝之地也與孫義同郭注本李巡正之如陵者名陵正陵大阜也體隆而勢平與後高之陵正名同義異

正上有正為宛正故重曉之

正上有正為宛正者即上宛正但其中間宏處復起一小部婁是謂正上有正從其本名仍曰宛正臧氏經義雜記廿八云謂有上下兩正上一正中宛宛下亦非言中央高也又云宛宛施博士於阮反讀為宛郭於粉反讀為宛與毛傳李孫皆並異矣今按宛郭音蘊謂蘊聚隆高也說見釋文蓋出郭氏音義

陳有宛正今在陳郡晉有潛正今在太原淮南有州黎正

今在壽春縣

陳有宛正者韓詩外傳陳之富人觴於韞正之上韞
正當卽宛正聲近段偃字也詩譜云陳都於宛正之
側水經渠水注云宛正陳城南道東王隱云漸欲
平今不知所在矣按此則王隱尙及見之鄭氏已不
知所在而元和郡縣志云在宛正縣南三里寰宇記
又云高二丈殊未可信陳郡陳縣今爲陳州府淮寧
縣○潛正者元和志及寰宇記俱云在太原縣南三
里隋開皇二年於其上置大興國觀按舊圖經宋修
惠明寺陶土作瓦是正遂湮然則亦僅存其名矣晉
陽縣今爲太原縣○州黎正者劉氏台拱經傳小記
云鹽鐵論論儒孔子能方不能圓故飢于黎正哀公
二年蔡遷於州來四年孔子自陳適蔡絕糧鹽鐵論
所謂黎正蓋卽州黎之正也今按古讀來如黎是州
黎卽州來劉說是矣呂氏春秋梁北有黎正非此晉
志淮南郡壽春縣
今爲鳳陽府壽州

天下有名正五其三在河南其二在河北

說者多以州黎宛營爲河

南潛敦爲河北者按此方稱天下之名正恐此諸正碌碌未足用當之始自別更有魁梧桀大者五但未詳其名號今者

郭引說者以州黎宛營爲河南潛敦爲河北蓋本爾雅舊注之文翟氏灝爾雅補郭云今以郭意求之惟西域有崑崙軒轅二正海外西北有平正東南有蹇正東有青正依山海經所言此五正爲天下最魁梧桀大而名稱於上古軒轅平正在河以北蹇青在河以南河出崑崙西北則崑崙亦屬河南云云按此說亦無以知其必然姑存之

正

望厓洒而高岸

厓水邊洒謂湊也視厓峻而水湊者曰岸

此釋厓岸之名也說文云岸水厓而高者又云厓山邊也巖岸也是山邊亦名厓此則指水邊而言也洒

者詩新臺傳洒高峻也郭謂淡也高則必淡義難相成但洒峻雙聲訓淡未聞

夷上洒下不潐

厓上平坦而下水淡者為潐不發聲

說文潐水厓也詩葛藟傳潐水隈也伐檀傳潐厓也正義引李巡曰夷上平上洒下隋下故名潐孫炎曰平上隋下故名曰潐不者蓋衍字李孫訓洒為隋義本毛傳孫以不為衍字郭不從者以釋魚云左倪不類右倪不若不皆發聲

噢隈

今江東呼為浦噢淮南子曰漁者不爭隈

噢澳同說文竝云隈厓也隈水曲噢也許讀厓文上屬與李郭異郭讀與李巡同也噢俗作奧詩淇奧傳奧隈也正義引孫炎曰隈水曲中也郭云今江東呼為浦噢噢當作隈文選詩注引作今江東人呼浦為隈是也郭又引淮南覽冥篇云漁者不爭隈高誘注隈曲淡處魚所聚也是隈有淡曲之義噢猶奧也亦

漢隱之義也詩正義引陸璣以淇澳為二水名劉昭
郡國志注引博物志奧水流入淇水水經注引肥泉
謂之澳水並與爾雅不合今無取焉

厓內為澳外為隈別厓表

此有二文隈作鞫者詩蒹葭之即周禮職方注引作
汭坑之即爾雅蒹葭之即周禮職方注引作
字通俗廣韻作隈玉篇作流漢志右扶風界下誤作
芮隈顏師古曰隈讀與鞫同詩蒹葭韓詩作芮隈然
則隈蓋隈字形譌韓作隈毛作鞫蒹亦汭字段借故
詩公劉箋蒹之言內也水之內曰隈水之外曰鞫
鞫亦隈也正義引李巡曰厓內近水為隈其外曰鞫
孫炎曰內曲裏也外曲表也此皆作鞫之本今作隈
者以上方云隈隈下即云厓內為隈外為隈文義相
承故說文澳字解云澳隈厓也其內曰澳其外曰隈
義本爾雅釋文本作鞫而云今作本隈左氏閔二年
正義引爾雅亦作隈是唐初二本並行故陸孔兩存
正義引爾雅亦作隈是唐初二本並行故陸孔兩存

其舊後寫石經作鞠然作隈之本仍存不廢故南宋雪牕本及明吳元恭本並仍作隈邢疏亦是作隈之

本而云隈當作鞠蓋作鞠者古本也然鞠字不見於郭注知郭本已作隈矣

畢堂牆
其邊若堂之牆

畢堂者詩有紀有堂毛傳堂畢道平如堂也鄭箋畢也堂也亦高大之山所宜有也畢終南山之道名邊如堂之牆然正義引李巡曰堂牆名崖似堂牆曰畢是李以堂卽爲牆名與毛鄭異李說爲長逸周書作雜篇云隄唐山廡唐卽堂也古字通俗此蓋李說所本韓子所謂行馬邑山中深澗峭如牆浹百仞是其形狀也

重厓岸
兩厓累岸上澣岸上

重厓者言其高非必累兩厓也此卽上文望厓洒而高岸之義蓋厓已高其岸尤高故云重厓錢坫據說

文尸岸高也重厓岸應作此字洪頤煊據說文尸岸上見也岸上見岸卽是重厓說皆可通姑兩存之許者說文作許云許水厓也據釋水云許水厓此云岸上許是厓岸通名故二文互見許猶許也許與所通所謂處所故郭以爲岸上地矣

墳大防

謂隄

墳當作塼說文云塼大防也墳墓也方言云冢秦晉之閒謂之墳郭注取名於大防也是墳塼通詩汝墳傳用爾雅正義引李巡曰墳謂厓岸狀如墳墓名大防也常武鋪敦淮墳傳云墳厓也箋云屯其兵於淮水大防之上是墳墳又通稻人云以防止水月令云修利隄防左氏襄廿五年傳町原防正義引孫炎曰謂隄也郭注同

涘爲厓

謂水邊

說文涘水厓也引周書曰王出涘此今文大誓之辭
詩葛藟正義引李巡曰涘一名厓謂水邊也
臨厓按涘之言厓也史記張釋之傳居霸陵北
臨厓厓為岸邊近水之名與涘義近聲亦相轉

窮瀆水無所通者谷者激通於

說文記窮瀆瀆古文瀆字瀆通溝也瀆溝也是瀆當
作瀆瀆訓通溝其窮竭無所通者名記記之言漸也
窮盡意也谷者說文云泉出通川曰谷水經滄水注
引爾雅曰谷者微郭景純曰微水邊通谷也據注谷
上當脫通字微激同疑作
微是也釋文激本又作瀆

厓岸

爾雅郭注義疏中之六

孫男聯孫伯愷校字

爾雅郭注義疏中之七

棲霞郝懿行學

釋山第十一

釋名云山產也產生物也說文云山宣

宰注云積石曰山周語云山土之聚也是山包土石

為名文選琴賦注引春秋運斗樞云山者地之基然

則地之高者為山由地凝結而成故次於釋地首言

五山舉其大而名者以下俱釋山之形體篇終以五

嶽及繫地

望者附焉

河南華

華陰山

河西嶽

吳嶽

河東岱

岱宗泰山

河北恆

北嶽恆山

江南

衡

衡山南嶽

此釋五山之名職方氏山鎮有九此特舉五者以繫之其四因河為界其一以江為界也華者段借字也

說文作華嶽者職方注以爲吳嶽中庸云載華嶽卽
此嶽也禹貢名嶺漢志右扶風汧吳山在西古文以
爲汧山水經渭水注以吳山卽國語所謂虞蓋虞吳
聲近字通也史記封禪書以吳嶽爲二山漢書郊祀
志注吳山在今隴州吳山縣嶽山未詳所在徐廣云
岳山在武功地理志亦無之故注爾雅者多依職方
注以爲一山御覽四十四引孫炎云雍州鎮有吳嶽
山也郭義同孫其餘四山所在具詳下文書舜典及
左昭四年正義引李巡曰華西嶽華山也岱東嶽泰
山也恆北嶽恆山也衡南嶽衡山也蓋此四山卽四
嶽故李云爾其吳嶽不在此列故李亦不數之乃鄭
注大宗伯之五嶽既以嵩高爲說其大司樂注又以
吳嶽爲言二文不同詩崧高正義引鄭志雜問有云
周都豐鎬故以吳岳爲西岳不數崧高此說非是故
正義駁之云若必據已所都以定五岳則五岳之名
無代不改此駁是也而猶未盡何以明之蓋鄭見爾
雅前後異文故於宗伯司樂二注兩存其說實則爾
雅首列五山不言五嶽其五嶽定名乃在下文鄭以

五山卽五嶽故於雜問創爲異說邵氏正義欲據此爲定論則非矣今詳爾雅此文但舉山名不加嶽號蓋表五山以爲鎮非實五嶽而稱尊也古者封山濬川翁河喬嶽作鎮一方所以安地德崇望秩而重觀瞻也唐虞封十二山則十二鎮職方辨九州則九鎮爾雅定五方則五鎮河南華者豫州鎮也河西嶽者雍州鎮也河東岱者兗州鎮包青州故不數霍山醫無閭河北恆者并州鎮包冀州幽州故不數霍山醫無閭也江南衡者荊州鎮包揚州故不數會稽也爾雅之指與職方同必舉江河爲界者北方以河爲大南方以江爲股特表五山之名以繫九州之巨鎮也至泰山爲東嶽以下方標五嶽以繫地望故郭此注不言五嶽於河西嶽但云吳嶽不加西嶽之名得其解矣然若依鄭志及周禮注則是周家當有兩五嶽矣恐不也

山三襲陟

重襲亦

再成英

兩山一

成坯

書曰至

河淮巖流中七釋山

二

襲本重衣之名故郭云襲亦重陟者升也登也故三
重之山以登陟爲名列子湯問篇云四方悉平周以
喬陟張湛注以爲山之重壘殷敬順釋文引此郭注
云重隴也隴壘並襲字之誤○成猶重也已見釋正
英本華琴之名華萼相銜與跗連接重累而高故再
重之山取此爲名書禹貢正義引李巡曰山再重曰
英○坯者當作坏說文云正再成也再蓋一字之誤
水經河水注引許慎呂忱並以爲正一成可證禹貢
正義引鄭注云大坏在修武武德之界張揖云成皋
縣山也又引漢書音義臣瓚以爲修武武德無此山
成皋縣山又不一成今黎陽縣山臨河豈不是大坯
乎瓚言當然哉泚鬚驤觀儀驤驤通據孔此說可知
水經注於成皋大坯山引爾雅亦非矣元和郡縣志
大坯山在黎陽縣正南去縣七里卽黎山也隋地理
志亦言黎陽有大坯山並依瓚說山在衛輝府濬
縣東南二里周語云檣杙次於丕山韋昭注大邳山
在河東是邳丕同史記夏紀正義引作邳禹貢釋文
伍本或作坯字或作坯按惟作坯爲正餘皆段借

山大而高崧

今中嶽嵩高
山蓋依此名

釋文崧又作嵩釋名云山大而高曰嵩嵩竦也亦高
稱也嵩與崇古字通故崇山即嵩山見周語注然嵩
崇竝見釋詁或說古無嵩字非也詩崧高傳以崧為
高貌正義引李巡曰高大曰崧是皆不以為中嶽之
名應劭以崧
高為中嶽誤

山小而高岑

言岑
崧

銳而高嶠

言鐵
峻

卑而大扈

扈廣
也

小而

衆歸

小山
叢羅

岑者說文云山小而高釋名云岑嶰也嶰然也趙
岐孟子注岑樓山之銳嶰者是岑樓即山義本爾雅
郭注方言岑崧峻貌公羊僖卅三年傳穀之嶽崧即
崧崧也穀梁作巖嶰聲俗字也岑崧疊韻崧巖雙聲
○釋名云山銳而高曰嶠形似橋也釋文引字林作
嶠云山銳而長也通作喬詩及河喬嶽淮南秦族篇

引喬作嶠又通作橋史記本紀黃帝葬橋山正義引爾雅嶠作橋○扈者說文云鄠有扈谷古文作𡵓从山弓王篇作嶠云山廣貌王照圓曰檀弓記孔子誨南宮韜之妻髻曰爾母從從爾爾母扈扈爾從從猶崇崇也謂其太高卽山卑而大曰扈矣○歸者釋文引字也謂其太廣卽山卑而大曰扈矣○歸者釋文引字林云正追反小山而衆也按釋文歸然高峻貌文選靈光殿賦云歸靡穹崇李善注高大貌莊子天下篇釋文歸字或作魏竝與爾雅義異方言云凡物盛多謂之寇郭注今江東有小鼻其多無數俗謂之寇鼻然則寇與歸義近而聲亦相轉

小山岌大山岮

岌謂高過

岮者釋文引埤蒼云岮大山岌魚泣反高也按岌與及義近說文云駮馬行相及也讀若爾雅小山駮大山岮此言駮讀若岌則非爾雅本作駮矣疑駮字誤

屬者嶧

言駱驛相連屬獨者蜀蜀亦孤獨

嶧者蓋釋之段俗詩保有鳧釋是也後漢郡國志注

引郭云釋山純石積構連屬蓋郭音義之文御覽四

十二引舊注云言絡繹相連今魯國鄒縣有嶧山純

石相積構連屬而成山蓋謂此也按此郭義所本初

學記引亦同○蜀者方言云一蜀也南楚謂之蜀郭

注蜀猶獨耳按蜀本桑蟲其性孤特故詩言蜎蜎者

蜀以興喻敦彼獨宿是蜀有獨意蜀形類蠶今棲霞

縣北三十里有蠶山孤峰獨秀旁絕倚連舊名為蠶

合於爾雅矣

上正章

山上

宛中隆

山中央高

釋正云上正章正宛中宛正此又以爲山名也文選

詩注兩引一作山正郭一作山正曰障障與郭同皆

段借字山與上字形之誤也宛中隆者謂中央下而

四邊高因其高處名之爲隆此與釋正之宛中義同

南佳處流曰仁釋山

而名異者彼據中言故曰宛此據外言故曰隆矣郭以中央高為義誤與釋正同

山脊岡

謂山脊

未及上

翠微

近上

說文云岡山脊也釋名云山脊曰岡岡亢也在上之言也詩卷耳及公劉傳用爾雅正義引孫炎曰長山之脊也必言長者脊脊骨長○翠微者初學記引舊注云一說山氣青縹色曰翠微劉逵蜀都賦注翠微山氣之輕縹也義本爾雅蓋未及山頂孱顏之間蔥鬱蒼藍望之裕裕青翠氣如微也舊注似較郭義為長

山頂冢

山頂

峯者

厓

謂山峰

詩言山冢峯崩毛傳山頂曰冢正義引孫炎曰謂山巔也巔頂本釋言文○說文云峯危高也厓巖山巔也通作崔嵬鄭箋十月之交云峯者崔嵬漸漸之石云卒者崔嵬謂山巔之末也俱本爾雅卒峯字通崔

鬼厘屨字異義同正義引孫炎云厘子規反屨語規反是皆疊韻之字爾雅釋文本或作厘屨又作屨我亦音轉字通也郭注謂山峰頭巉巖邢疏及監本脫山字詩正義引及宋本竝有之今據補

山如堂者密

之形如堂室者尸子曰松柏如防者盛隄

說文云密山如堂者檀弓注堂形四方而高漢志河南郡密元和志引爾雅此文以爲縣因山爲名也按今密縣三面皆山唯東面缺形似堂室郭引尸子邢疏以爲綽子篇文○盛者釋文謂山形如黍稷之在器此望文生訓也盛與成同封禪書云成山斗入海郊祀志作盛山在今登州府榮成縣海濱半入海其山漫長橫互數里望之如隄防矣檀弓注防形旁殺平上而長可想見是山形狀也

嶺山墮

謂山形長狹者荊州謂之嶺詩曰墮山喬嶽

墮者墮之段俗說文云嶺山小而銳墮山之墮墮者本詩般傳墮山山之墮墮小者而爲說也但詩言墮

不言巒說文巒不名墮所未能詳劉逵蜀都賦注巒
山長而狹也一日小而銳也是巒墮俱兼二義釋文
引埤蒼云巒山小而銳字林云墮山之施墮者是呂
忱以墮爲延施卽狹長也士冠禮注墮方曰篋釋文
隋謂狹而長墮與墮同與墮聲俗竝郭所本也云荆
州謂之巒者楚辭七諫云登巒山而遠望兮此正楚
人語也

重巒

謂山形如累兩巒巒也

說文云巒崖也巒者釋畜云善升巒疑巒皆巒之段
俗玉篇引作重巒巒文選晚出射堂詩注引亦作巒
詩葛洪釋文引李巡云巒阪也正義引孫炎曰陳山
基有重岸也以此推之巒亦崖岸高大之名故釋畜
釋文引舍人一云巒者阪也顧云山嶺曰巒皆與巒
訓崖岸義合詩公劉亦作巒是皆古本作巒之證孫
郭本作巒因而望文生訓始有
巒巒之說與巒義遠恐非也

左右有岸屈

夾山有岸

屈廣韻作厓如蒼云山左右有岸龍龜手鑑二以屈為金之或體字孫氏星衍云當作厓說文厓石地也

大山宮小山霍

宮謂圍繞之禮記曰大山別大山鮮相連

小山別大山鮮相

連

郭注中山經云今平陽永安縣廬江濳縣晉安羅江縣河南鞏縣皆有霍山引此文云大山繞小山為霍是郭以宮為繞明山以霍名者非一皆本此為義也今濳縣之天柱山中峰小而四圍有大山以繞之與此合矣宮有容受包含之義故訓圍繞郭引喪大記文鄭注宮謂圍障之也○鮮者釋文引李巡曰大山少故曰鮮詩皇矣正義引孫炎曰別不相連也金鶚云鮮斯聲近而通鮮亦斯字之俗釋言云斯離也別與離義同阮雲臺師說亦云爾余按文選吳都賦及長笛賦注並引爾雅小山別大山濳玉篇云嶰山不

相連也宋翔鳳說以律厯志嶰谷注云一說昆侖之北谷名此正是小山別大山之嶰也張聰咸說蜺嶰嶰古本鮮當作解後人加山鮮解古得通俗鮮古音在紙部解古音在寘部解讀若熾鮮讀若斯孫炎注不相連此正釋解字之義李巡不寤而曰大山少此何言與今按皇矣詩傳小山別大山曰鮮公劉傳嶰小山別於大山也是毛意以鮮嶰為一周禮獻羔開沐摺曠月令作鮮羔開冰即其例也孔穎達以鮮嶰義別為疑蓋失之矣此義又見臧氏經義雜記四

山絕陁

連山中斷絕

說文陁山絕坎也史記趙世家云與之陁集解徐廣曰陁者山絕之名常山有井陁中山有苦陁元和郡縣志懷州河內縣太行陁在西北三十里連山中斷曰陁引述征記曰太行山首始于河內北至幽州凡有八陁是山凡中斷皆曰陁通作嶮說文云嶮谷也法言吾子篇云山陁之蹊吳祕注山中絕也

多小石礲

多礲

多大石礲

多礲

礲暑當作熬礲說文熬山多小石也礲山多大石也
釋名云礲堯也每石堯堯獨處而出見也礲學也大
石之形學學然也釋文礲或作礲礲或作礲按今人
皆用礲礲字不復知本於爾雅矣礲从敖聲郭五交
反礲从學省聲郭戶角反二讀是也釋文又引字林
礲口交反礲郭苦角反錢氏坵說以左傳晉師在敖
鄆之閒敖即
熬鄆即礲也

多草木岵無草木岵

皆見詩

說文岵山有草木也岵山無草木也釋名云山有草
木曰岵岵岵也人所怙取以為事用也無草木曰岵
岵岵也無所出生也釋文引三蒼字林聲類並云岵
猶岵字詩陟岵傳山無草木曰岵山有草木曰岵與
此相反正義以傳為傳寫誤是也王照圖詩小記云
爾雅以岵為多草木即知岵為少草木非全無草木

也毛傳有無二字不必淡泥

山上有水埒有停泉

釋名云山上有水曰埒埒脫也脫而下流也釋正云水潦所還埒正郭注正邊有界埒水環繞之謂水繞其下也此云有停泉言山上有界埒水得停聚也雖俱名埒其義自別

夏有水冬無水舉有停潦

說文夏有水冬無水曰舉舉或作潒水經泗水注云桃墟有漏澤方十五里綠水澄渟三丈如減澤西際阜阜側有三石穴廣圓三四尺穴有通否水有盈漏漏則數夕之中傾陂竭澤矣酈注但言穴有通否水有盈漏而無說冬夏者元和郡縣志始詳之云泗水縣漏澤漏穴有五其澤每夏積水秋冬漏竭然則澤即舉矣郭云停潦潦是雨水未必恆有其義疑也廣雅以水自渭出爲舉與此異

山續無所通谿

所謂窮瀆者雖無所通與水注川同名

說文云谿山瀆無所通者釋北云窮瀆汜是汜即谿也釋水云水注川曰谿彼有所通與此同名無嫌故郭援之左氏隱三年正義引李巡曰山中水瀆雖無所通與水注川同名此郭所本郭注雖監本作瀆亦非

石戴土謂之崔嵬

石山上土者

土戴石爲硎

土山上石者

釋文戴本或作載說文云嵬高不平也上文翠者屨屨鄭箋引作崔嵬文選南都賦注崔嵬山石崔嵬高而不平也甘泉賦注舉隗高貌是皆崔嵬通轉之字也徐錯說文本無崔字遂以崔爲俗字云从嵬省非也說文崔推俱从嵬何得云無崔字也陳壽祺欲以嵬爲崔亦非○硎者說文作嶁云石戴土也詩卷耳傳崔嵬土山之戴石者石山戴土曰硎釋名亦同竝與爾雅相反正義以爲傳寫誤馬瑞辰曰此爾雅誤

宜從毛傳又曰說文兀高而上平也阨石山戴土也是高而上平者爲石山戴土則知高而不平者爲土山戴石矣此說是也今按毛許劉所見爾雅古本俱不誤唯孫郭所注始據誤本知者詩正義引孫炎注與郭同可證

山夾水澗陵夾水瀟

別山陵閒有水者之名

釋名云山夾水曰澗澗閒也言在兩山之間也左氏隱三年正義引李巡亦曰山閒有水杜預注以爲谿亦澗也是谿澗通名○瀟者釋文云本又作虞蓋古本作虞後人加水作瀟耳或說虞通澗非

山有穴爲岫

謂巖穴

說文云岫山穴也籀文作宙蓋因訓穴故从穴矣禮運云竅於山川竅卽穴也今山巖往往有之水經河水注云懸巖之中多石室焉蜀都賦云嘉魚出於丙穴東京賦云王鮪岫居蓋山涵漱激水齧石穿遊鱗

澗澗潛泳
其中矣

山西曰夕陽

見日

山東曰朝陽

旦即見日

詩云度其夕陽又云于彼朝陽故此釋之書武成正義引李巡曰山西暮乃見日故曰夕陽山東朝乃見日故云朝陽詩公劉及卷阿正義引孫炎曰夕乃見日朝先見日也釋名云隨日所照而名之也按書傳云山南曰陽周禮柞氏疏引爾雅云山南曰陽山北曰陰蓋爾雅之舊說故孔傳賈疏俱援以釋經今亦以古義存之

泰山為東嶽華山為西嶽霍山為南嶽

即天柱山恆山潛水所出

為北嶽

常山

嵩高為中嶽

大室山也

嶽者說文云東岱南霍西華北恆中大室王者之所以巡狩所至白虎通云嶽者何嶽之為言嶽也嶽功

德也東方爲岱者言萬物更相代於東方也南方爲
霍霍之爲言護也言太陽用事護養萬物也西嶽爲
華華之爲言獲也言萬物成熟可得獲也北方爲恆
恆者常也萬物伏藏於北方有常也中央爲嵩嵩言
其高大也從形聲風俗通云泰山山之尊者一
曰岱宗岱始也宗長也萬物之始陰陽交代故爲五
嶽之長王者受命恆封禪之衡山一名霍山言萬物
霍然大也難離弭是應劭以衡霍秦岱皆一山而二
名其說是也詩崧高正義引孫炎以霍山爲誤當作
衡山二說雖不同要其大意皆以南嶽爲指衡山郭
氏不從而以霍山爲指天柱詩及左昭四年正義引
郭注云霍山今在廬江灊縣潛水出焉別名天柱山
漢武帝以衡山遼曠故移其神於此今其土俗人皆
呼之爲南嶽南嶽本自以兩山爲名非從近來也而
學者多以霍山不得爲南嶽又言從漢武帝始乃名
之如此言爲武帝在爾雅之前乎斯不然也此所引
蓋郭音義之文雖本爾雅以天柱爲霍山但爾雅之
霍山本謂衡山不謂天柱自漢武移嶽祠於天柱而

後彼土俗人皆呼之爲南嶽此說甚明可知天柱無
妨亦名霍山而不得冒南嶽之名郭爲誤據乃孔穎
達不主應劭而駁孫炎反以郭說爲然謬矣審如其
說以霍山卽天柱亦止得爲漢武之南嶽而不得爲
爾雅之南嶽矣故洪頤煊著霍山爲南嶽解深明此
義今依以爲說也洪又以文選遊天台山賦注引爾
雅衡山爲南嶽當卽據孫炎所改之本余謂孫炎惟
云字誤未嘗改霍爲衡李善所引或別本或誤書耳
至於五嶽所在泰山在博漢晉志屬泰山郡或在奉
高今在泰安府泰安縣北華山在華陰漢屬京兆晉
改屬弘農郡今在同州府華陰縣南衡山在湘南漢
屬長沙晉改屬衡陽郡今在衡州府衡山縣西天柱
山在潯陽屬廬江郡漢晉志同旣無霍山之名亦無南
嶽之號當得其實今在安慶府潛山縣西北恆山在
上曲陽屬常山郡漢晉志同今在定州曲陽縣西北
嵩高漢志潁川郡密高武帝置以奉大室山是爲中
岳古文以爲外方山也今在河南府登封縣西此五
嶽之名蓋周所定知者唐虞惟言四岳周禮大宗伯

及司樂乃有五嶽之名史記封禪書引尚書於北嶽
恆山下有中嶽嵩高也五字此自以意連言非經文
有缺脫何休公羊注引尚書遂云還至嵩如初禮蓋
本緯書之說惠氏九經古義信之而云書有脫文非
也邵氏正義又謂唐虞以霍太山為中岳此無明文
但據禹貢太岳為證恐山以岳名者多難可依據至
謂成周以華山為中岳此即本鄭志以吳岳為西岳
之說如孔穎達所駁云五岳之山每代一改又云軒
居上谷處恆山之西舜居蒲坂在華陰之北豈
當據已所在改岳祀乎詩正義言弗可易矣

梁山晉望也

晉國所望祭者今在馮翊夏陽縣西北臨河上

梁山本韓國之山晉滅韓屬晉故為晉望望者書云
望乎山川周禮有四望詩韓奕正義引孫炎曰晉國
所望祭也漢志左馮翊夏陽梁山在西北晉改馮翊
為郡餘同漢志今山在同州府郃陽韓城二縣界公
羊成五年傳梁山者何河上之山也穀梁
傳梁山崩壅遏河三日不流皆郭所本也

中之七

爾雅郭注義疏中之八

棲霞郝懿行學

釋水第十二

說文云水準也北方之行象衆水並流中有微陽之氣也釋名云水準也準平

物也管子水地篇云水者地之血氣如筋脈之流通者也白虎通云水盛氣也左氏昭十七年傳云水火之牡也茲篇所釋自泉原川流及谿谷溝澮經通灌注靡不詳駭乃至津涉舟航滄洄宛在水以四瀆爲大故著於篇禮表先河書甄會海故九河終焉

泉一見一否爲灇

灇纓有貌

說文云泉水原也象水流成川形灇瀆也引此文否作不古今字耳蓋泉有時出見有時涸竭水脈常含津潤故以灇瀆爲言此古說也郭義則以灇爲纖纖小意也

井一有水一無水為澗

山海經曰天井夏有水冬無水即此類也

易井釋文引雜卦云井通也周書云黃帝穿井世本云化益作井宋衷云化益伯益也釋名云井清也泉之清潔者也井一有水一無水曰澗澗澗也澗有井聲澗澗也說文云澗澗水聲也與釋名合其澗澗下並引此文郭引中山經文彼云視山有井名曰天井夏有水冬竭又超山亦有井冬有水而夏竭與前相反尤有異者水經注云澗水導源穴口若井一日之中十溢十竭信若潮流而注澗水由茲以談造化神奇誠難理喻井蠱蠱測難語通方者也

濫泉正出正出涌出也

公羊傳曰直出直猶正也

沃泉縣出縣出下

出也

從上

沈泉穴出穴出仄出也

從旁

說文云濫濡上及下也引詩畢沸濫泉今詩采菽瞻印俱俗作濫傳箋並用爾雅正義引李巡曰水泉從

下上出曰涌泉涌者說文云騰也騰水超涌也然則涌有潰溢之意水本卑下今直上出同於汜濫故被斯名矣公羊昭五年傳潰泉者何直泉也直泉者何涌泉也是傳訓直爲正故郭援之釋名云濫泉濫銜也人口有所銜口闔則見也旣未顯涌出之義又與正出無會公羊於義爲長○說文云沃漑灌也縣繫也釋名云縣出曰沃泉水從上下有所灌沃也詩下泉傳下泉泉下流也正義引李巡曰水泉從上涌下出是下泉卽沃泉水與下義相成郭注涌釋文作雷段借字也○沈說文作厖云厖出泉也借作沈釋名云側出曰沈泉沈軌也流狹而長如車軌也詩大東傳用爾雅正義引李巡曰水泉從旁出名曰沈沈側出然則李劉俱未顯穴出之義穴說文作沝云水从孔穴疾出也又云滌側出泉也是側出之泉又名滌滌从殼聲殼籀文磬字蓋滌之言傾傾卽側意此泉旁側不從正出又異縣流故被斯名矣厖與側穴與沝俱古字通列子黃帝篇云濫水之潘鬪爲淵沃水之潘爲淵沝水之潘爲淵俱本此爲說也

溪闢流川

通過辨回川旋流

釋名云川穿也穿地而流也說文云川貫穿通流水也引虞書曰濬之距川言濬之之水會為川也考工記兩山之閒必有川焉此釋川之形狀也溪闢說文作溪辟云流水處也玉篇云溪闢通泉○過辨者泥水之名釋文過本或作過回又作洄竝段借字說文云泥回泉也蓋回旋猶回旋旋水善休人故別其名過辨溪闢聲又相轉

澗反入

即河水決出又還入者河之有澗猶江之有沱

水反入者名澗說見下釋名云水從河出曰雍沛言在河岸限內時見雍出則沛然也水經河水注引爾雅曰澗反入言河決復入者也何之有澗若漢之有潛也元和郡縣志澗湖在巴陵縣南引爾雅云河水決出還復入者為澗蓋因澗澗聲同故相借證實則澗湖一名翁湖非爾雅所指也

阮知縣引澗澗澗澗

北

渾沙出

今江東呼水中沙堆為渾音但

水中有積沙上出者為渾說文云沙水散石也从水从少水少沙見玉篇云江南人呼水中沙堆為渾廣韻云今河陽縣南有中渾城按城東魏所築見元和志命名之義蓋不可知或說渾海中沙也商賈泛海取捷謂之登渾見邵氏正義可備一解郭注江東監本作河中誤又脫音但二字今據宋本改補

汧出不流

水泉潛出便自停成汧池

水出於地便自停蓄而不通流猶人慳吝不肯施散厥名曰汧汧之為言慳也列子黃帝篇云汧水之潘歸為淵然則淵水停而不流與此義合邢疏引地理志扶風汧縣汧出西北入渭以其初出不流停成弦蒲澤藪其終則入渭也

歸異出同流肥

毛詩傳曰所出同所歸異為肥

詩泉水傳用爾雅釋名云所出同所歸異曰肥泉本同出時所浸潤少所歸各枝散而多似肥者也與毛傳義同水經淇水注云美溝水東南流注馬溝水又東南注淇水為肥泉引詩肥泉又引舍人曰水異出流行合同曰肥今是水異出同歸矣是酈本舍人與毛傳異又以斯水即詩泉源之水也列子肥水之潘為淵殷敬順釋文亦云水所出異為肥俱本舍人為說呂忱又以爾雅異出同流為澣澣肥聲亦相轉然則諸家爾雅本其不同如此

澣大出尾下

今河東汾陰縣有水口如車輪許濟沸涌出其澣無限名之為澣馮翊邵陽縣復有

澣亦如之相去數里而夾河河中渚上又有一澣澣源皆潛相通在汾陰者人壅其流以為陂種稻呼其本所出處為澣魁此是也尾猶底也

說文云漢水浸也引此文水經河水注引呂忱曰爾雅異出同流爲漢水然則今本疑有脫文釋文亦云漢水本同而出異與呂忱合也列子湯問篇云壺領山頂有口狀若員環有水涌出名曰神漢一源分爲四然則漢水噴流甚大底源潛通故曰出尾下也水經注云漢水出汾陰縣南四十里去河三里平地開源漢泉上涌大幾如輪漢則不測俗呼之爲漢魁古人壅其流以爲陂水種稻東西二百步南北百餘步與郃陽漢水夾河河中渚上又有一漢水皆相潛通故呂忱曰異出同流爲漢其水歷蒲阪西西北流注於河又云郃陽城北有漢水東逕其城內東入於河又於城內側中有漢水東南出城注於河城南又有漢水東流注於河酈注所言與郭義同而加詳漢晉汾陰竝屬河東郡今爲蒲州府榮河縣馮翊郃陽今爲同州府郃陽縣矣又曾鞏齊州二堂記云歷城之西有泉涌出高或至數尺齊人名曰趵突之泉嘗有棄種於黑水之灣者而見之於此蓋泉自渴馬之厓潛流地中而至此復出也今按趵突卽漢之類凡漢必

數處潛通歷城趵突濟水之所溢出也汾陰邵陽諸潰河水之所溢也

水醮曰曆

謂水醮盡

醮當作漹說文漹盡也曆作沘水厓枯土也引此文云水醮曰沘其曆字訓仄出泉也讀若軌然則曆沘二字爾雅說文互易古字段借通用玉篇與今本同

水自河出為澨

書曰澨沮會同

濟為楚汶為澗洛為波漢為潛

書曰沱潛既道

淮為澣江為沱

書曰岷山導江東別為沱

過為洵潁為沙汝

為潰

詩曰遵彼汝潰皆大水溢出別為小水之名

出者溢也此皆謂水所溢故以自出總之說文派別水也蓋大水枝派別出為細流也澨者說文云河澨水在宋又云汭水受陳畱浚儀陰溝至蒙為澨水陂澨水經注云陰溝澨黠首受大河於卷縣晉楚之戰

晉軍爭濟舟中之指可掬卽是處也淮南人間篇云
楚莊王勝晉於河雍之間是雍卽離矣水經河水注
又云一水分大河故瀆北出爲屯氏河然則枝津分
裂川原綺錯雖皆仰挹河流而不得濫膺離目至於
離水擅名許君特言河離在宋厥義昭矣又按上言
離反入者彼言入此言出也實一水耳水經瓠子河
注引作水自河出爲離釋名作水從河出曰雍沛雍
離古今字皆段借也○濟爲滹者水經濟水注汜水
西分濟瀆東北逕濟陰郡南爾雅曰濟別爲滹呂忱
曰水洩復入爲汜說文汜从巳聲音似與濟水分出之
云洩復入爲汜說文汜从巳聲音似與濟水分出之
汜水音范者異呂忱不誤酈注蓋失引矣錢氏坫釋
地注以滹字誤應爲滹恐是○汶者漢志有二汶泰
山郡萊蕪原山禹貢汶水所出西南入海此一汶也
酈損此離琅邪郡朱虛東泰山汶水所出東至安丘
入離又一汶也水經注所謂東汶離補經酈譌云
疑入離卽汶其理亦通汶水所出東南入海此一汶也
疑不知齊有三汶見於齊乘又述征記泰山郡水皆

名汶何止二汶也汶爲瀾者釋文引李巡云瀾溢也
水經洙水注引呂忱曰洙水出東平陽上承汶水於
剛縣西闡亭東爾雅曰汶別爲瀾其猶洛之有波矣
是洙水卽闡水春秋經齊人取闡卽此旁加水非○
洛水亦有二漢志左馮翊襄德洛水東南入渭雍州
甯詩所謂瞻彼洛矣者也弘農郡上雒禹貢雒水出
冢領山東北至鞏入河豫州川書所謂伊洛瀍澗者
也水經注云洛水又東門水出焉爾雅所謂洛別爲
波也是瀾以門水卽波水職方鄭注波讀爲播按禹
貢滎波正義引馬鄭皆作滎播是播波古字通○漢
爲潛者說文同荀子大略篇注引李巡曰漢水溢流
爲潛禹貢荆梁二州並有沱潛旣道正義引郭晉義
云有水從漢中沔陽縣南流至梓潼漢壽入大穴中
通岡山下西南潛出一名沔水舊俗云卽禹貢潛也
水經潛水注云蓋漢水枝分潛出故受其稱餘同郭
義又引鄭曰漢別爲潛其穴本小水積成澤流與漢
合大禹自導漢疏通卽爲西漢水也是鄭義與郭異
又此二說並指梁州之潛而言不及荊州也○惟爲

許者漢志臨淮郡淮浦游水北入海水經注云淮水
於縣枝分北為游水引爾雅曰淮別為許游水亦枝
稱者也是游即許矣○江為沱者漢志蜀郡郫禹貢
江沱在西東入大江說文云沱江別流也出嶧山東
別為沱寰宇記引李巡云江溢出流為沱禹貢正義
引郭晉義云沱水自蜀郡都安縣掄山與江別而更
流又引鄭注云今南郡枝江縣有沱水其尾入江耳
首不於江出也華容有夏水首出江尾入沔蓋此所
謂沱也是鄭以夏水為荊州之沱郭以郫江為梁州
之沱二說不同兼之乃備○過為洵者說文云過水
受淮陽扶溝浪湯渠東入淮水經注云陰溝始亂菴
蕩終別於沙而過水出焉引爾雅曰過為洵呂忱曰
洵過水也接說文洵過水中也過當為過中當為出
釋文過本或作過漢志作過竝為段偆○潁為沙者
漢志潁川郡陽城陽乾山潁水所出東至下蔡入淮
水經注臨潁縣潁水自縣西流注小潁水出焉爾雅
曰潁別為沙亦猶江別為沱也是小潁水即沙水矣
○汝為潁者說文云汝水出弘農盧氏還歸山東入

水洩之澤為汧

汧水洩入澤中洩復入為汧

復還水出去

淮水經注云汝水東南逕奇頡城西北潰水出焉世亦謂之大滙水爾雅曰河有灘汝有潰然則潰者汝別也故其下夾水之邑猶流汝陽之名是或潰滙之聲相近矣按滙今變作激大激水在今鄆城縣即汝水別流也說文引爾雅作汝為涓釋文引字林同云衆爾雅本亦作涓是潰古作涓唯郭本作潰耳

汧已見上此申釋之說文云洩行流也水經注云渭水東逕郁夷縣故城南汧水入焉水出汧縣之蒲谷鄉弦中谷洩為弦蒲藪爾雅曰水洩之澤為汧汧之為名實兼斯舉郭云亦名汧者亦上文錢氏站曰澤亦弦蒲澤也弦汧聲同是矣關駟以楚水為汧水非也○說文云汧水別復入水也釋名云水洩復入為汧汧已也如出有所為畢已而還入也詩江有汧傳用爾雅淮南道應篇云至於河上而航在一汧高誘注汧水涯也蓋

借汧為湊非此

河水清且漣漪大波爲瀾

言渙

小波爲淪

言蘊

直波爲

徑

言徑

詩河水清且漣漪河水清且直漪河水清且淪漪此
釋之也不竝引者文省也正義引李巡云分別水大
小曲直之名說文云波水涌流也大波爲瀾瀾或作
漣詩伐檀傳風行水成文曰漣釋名云風行水波成
文曰瀾瀾連也波體轉流相及連也水小波曰淪淪
倫也小文相次有倫理也水直波曰涇涇徑也言如
道徑也詩釋文引韓詩云順流而風曰淪淪文貌毛
傳小風水成文轉如輪也直直波也按直又訓徒也
徒波無風自波對淪漣皆因風成文此自生波故曰
直波直有徑遂之義故曰徑也徑釋文作徑云字或
作徑今從宋本

瀾釋文作瀾

江有沱河有澨汝有瀆

此故上水別出耳所作者重見

水名已具上文此重見者詩汝墳正義引李巡曰江河汝旁有肥美之地名然則此以地言彼以水言名同義異李說是也今以其意求之梁州之沱其地在蜀郫土江鄉膏腴沃壤至於荊州之沱江夏雲杜邛壚相望皆其地矣河之有灘左傳所云陂韞至於衡雍杜注以為鄭地在滎陽卷縣是其地濱河岸密邇王宮雍即灘矣若乃詩之汝墳樵採所遵枚條縣茂其為地號更不待言孔氏正義猶以彼墳從土此漬從水為疑非矣郭以為水名重見尤非

許水厓

水邊地

此亦水邊地名與沱灘漬同故竝釋之上文云淮為許彼以水言此以地言也詩葛藟正義引李巡曰許水邊地名厓也北山正義引孫炎曰厓水邊也釋上岸上許渙為厓與此義互相足

水草交為湄

詩曰居河之湄

澗者說文用爾雅釋名云澗澗也臨水如澗臨目也
水經川歸之處也左氏僖廿八年正義引李巡曰水
中有草木交合也郭引詩巧言文澗詩作麋左傳余賜女
孟諸之麋
竝古字通

濟有淡涉

謂濟渡之處

淡則厲淺則揭揭者揭衣也

謂褰裳也

以

衣涉水爲厲

衣謂褻

繇繇以下爲揭繇繇以上爲涉繇帶

以上爲厲

繇自

詩匏有苦葉文此釋之也左氏襄十四年正義引李
巡曰濟渡也水溪則厲水淺則揭揭衣渡也不解衣而
渡水曰厲孫炎曰揭褰衣裳也以衣涉水濡褻也毛
傳俱本爾雅唯不引繇繇以下爲揭一句文省耳釋
文引韓詩云至心曰厲至心卽是繇帶以上雖變其
文實用其意也必以繇繇繇帶言者蓋爲空言淺淡

恐無準限故特舉此爲言明過此以往則不可渡也然亦略舉大槩而言實則繇帶以下亦通名厲故論語鄭注及左傳服虔注並云由邾以上爲厲明繇邾以上卽繇帶以下故約略其文耳衣是大名裳與禪皆衣類以言揭故知爲褰裳以衣涉故知衣謂禪也釋名云禪質也質兩腳上繫要中也厲有淩厲之義因爲涉水之名故說文涉字解云徒行厲水也是厲涉通名列子說符篇云懸水三十仞圓流九十里有一丈夫方將厲之上林賦云越壑厲水皆以厲爲涉也說文厲作礪引詩漢則礪或作瀾云履石渡水也按詩在彼淇厲蓋以厲爲橋梁此皆別解義與爾雅異也繇與由同由自也本釋詁文

潛行爲泳

水底行也晏子春秋曰潛行逆流百步順流七里

說文泳潛行水中也潛涉水也詩云泳之游之蓋游與泳對文則別散文亦通故釋言云泳游也是其義同詩云不可泳思列子黃帝篇云彼中有寶珠泳可得也毛傳及張湛注俱用爾雅郭引晏子春秋古治

也
子詞

汎汎楊舟
紼綱維之
紼韝也
索綱綏也

繫

詩采芣文毛傳紼維也綱綏也正義引李巡曰紼竹為索所以維持舟者孫炎曰紼大索也舟止繫之於樹木戾竹為大索正義云紼訓為紼維是大紼綱訓為綏綏又為繫正謂舟之止息以紼繫而維持之詩釋文引韓詩云綱維也釋名云引舟者曰筏然則筏可引舟亦可繫舟筏與綏義相成也韝說文作韝詩作紼綱作綱並字異音義同

天子造舟

比船為橋

諸侯維舟

維連四船

大夫方舟

併兩船

士特舟

單船

庶人乘泚

併木以渡

說文云舟船也古者其鼓貨狄剡木為舟剡木為楫以濟不通釋名云舟言周流也造舟者詩大明傳用

爾雅義疏曰八釋水

七

爾雅正義引李巡曰比其舟而渡曰造舟孫炎曰造
舟比舟爲梁也公羊宣十二年疏引舊說云以舟爲
橋詣其上而行過故曰造舟也按此雖爾雅舊說但
以造爲詣不及李孫訓造爲比蓋比竝其船加板於
上孔穎達謂卽今浮橋是也方言云船結造舟謂之
浮梁閒居賦云浮梁黜以徑度皆其義也至其竝船
之數釋文引郭圖云天子竝七船按禮自上下降
殺以兩若以諸侯四大夫二士一推之則天子當竝
六船也又說文引此四句作禮蓋出古禮經之文○
維舟者詩正義引李巡曰中央左右相維持曰維舟
公羊疏引孫炎云維連四船音義曰維持使不動搖
也按維非竝也但連繫之使不散孔穎達謂維舟以
下則水上浮而行之但船有多少爲等差耳其說是
矣○方舟者詩正義引李巡曰併兩船曰方舟說文
方併船也象兩舟省總頭形方或从水作沝方言云
方舟謂之濶郭注楊州人呼渡津舫爲濶荊州人呼
杭音橫說文旂方舟也舫御詩俗爲杭一葦杭之是
也方古讀如旁亦讀如傍傍併聲轉今俗爲併爲傍

此古音也金鶚云併船是方本義通而言之凡相併皆曰方鄉射禮云不方足鄭注方猶併也詩維鳩方之亦謂竝處於一巢也○特舟者公羊疏引李巡云一舟曰特又云庶人乘泝者併木以渡別尊卑也然則併亦方也釋言云舫泝也舫卽方字又偕爲舫史記張儀傳云舫船載卒舫與舫同舫泝也論語乘桴桴亦泝也泝舟同類故齊語云方舟設泝蓋兼士庶言之

水注川曰谿注谿曰谷注谷曰溝注溝曰澮注澮曰瀆

此皆道水轉相灌注所入之處名

此別水所注入之名舊注云皆以小注大大小異名郭注上林賦云自谿及瀆皆水相通注也谿者釋山云山瀆無所通谿彼謂窮瀆此則通川之谿也蓋謂谿澗之水能自達於通川故左氏隱三年正義引李巡曰水出於山入於川爲谿也谷者說文云泉出通川爲谷从水半見出於口公羊僖三年傳無障谷蓋

逆流而上曰汭
洄順流而下曰汭游

詩皆見

沂說文作滌云逆流而上曰滌洞滌向也水欲下違之而上也滌或作遡洞滌洞也游作浮云浮行水上

正絕流曰亂

直橫渡也書曰亂于河

也汙或作汙詩邇迴傳用爾雅邇游傳云順流而涉
曰邇游正義引孫炎曰逆渡者逆流也順渡者順流
也按洄猶回也華嚴經音義下引三蒼云水轉曰洄
蓋逆流則向水回轉順流則但浮游直行而已左氏
哀四年傳吳將泝江入郢杜預注逆流曰泝莊
十八年傳閻敖游涌而逸杜注游涌水而走也

詩涉渭為亂傳用爾雅正義引孫炎曰直橫渡也是
正訓直絕猶截也截流橫渡不順曰亂郭引書禹貢

文梁州

江河淮濟為四瀆四瀆者發原注海者也

釋名云天下大水四謂之四瀆江河淮濟是也瀆獨
也各獨出其所而入海也江公也諸水流入其中所
公其也淮圍也圍繞楊州北界東至海也河下也隨
地下處而通流也濟濟也言源出河北濟河而南也

海晦也主承穢濁其色黑而晦也白虎通云瀆者濁也中國垢濁發源東注海其功著大故稱瀆也風俗通云尙書大傳禮三正記江河淮濟爲四瀆瀆者通也所以通中國垢濁民陵居殖五穀也江者貢也珍物可貢獻也河者播爲九流出龍圖也淮者均其務也濟者齊齊其度量也四瀆發原注海禹貢具詳其文河說見下漢志蜀郡湔氏道禹貢崕山在西北外江水所出東南至江都入海今江出四川松潘衛遼徼外西蕃地之岷山至江南通州入海漢志南陽郡平氏禹貢桐柏大復山在東南淮水所出東南至淮陵入海今淮出河南南陽府桐柏縣之桐柏山至江南清河縣與河合流至安東縣入海漢志河東郡垣禹貢王屋山在東北沈水所出東南至武德入河軼出滎陽北地中又東至琅槐入海今濟出河南慶府濟源縣之王屋山至武陟縣入於河管子度地篇云水之出於山而流入於海者命曰經水水別於他水入於大水及海者命曰枝水然則四瀆者經流也挾眾枝流而注於海者也說文海天池也以納百

川者注灌也原水
泉本也原今作源

水泉

題上事也管子水地篇云水者何也萬物

泉後水又總題曰水泉也初學記引郭氏讚云
外殊出同歸
混之東會

水中可居者曰洲小洲曰渚小渚曰汴小汴曰坻人所

爲爲湍

人力所作

此釋水中之地名洲者說文作州引詩在河之州釋
名云水中可居者曰洲洲聚也人及身物所聚息之
處也詩關雎正義引李巡曰四方皆有水中中央獨可
居一切經音義十七引孫炎曰水有平地可居者也
方言云水中可居爲洲三輔謂之淤蜀漢謂之蔡郭
注引上林賦曰行乎洲淤之浦○渚當爲渚說文引

作小州曰渚釋名云渚遮也體高能遮水使從旁回也詩江有渚傳渚小洲也水歧成渚釋文引韓詩云一溢一否曰渚渚小洲也按廣雅云渚處也是渚亦可居處故韋昭齊語注水中可居者曰渚爾雅不言者文省耳又以上句例之不言可知○渚者詩采芣傳渚渚也不言小者亦文省也說文用爾雅釋名云渚止也小可以止息其上也然則渚小於渚不可居處但容止息而已○坻者釋名云小渚曰坻坻遲也能遏水使流遲也說文本詩蒹葭傳云坻小渚也變渚言渚者渚渚雖大小異名其實一耳正義云以渚易知故繫渚言之邢疏引李巡云但大小異其名是也○渚者說文云水中坻人所爲爲渚是渚亦坻也但以人所爲爲異耳釋名云渚術也偃水使鬱術也魚梁水碓之謂也魚梁者周禮獻人掌以時獻爲梁鄭衆注梁水偃也偃猶偃水爲關空以笱承其空是也水碓者於急流水中偃水爲之設轉輪於下用水衝激速於賃春魚梁水碓皆人所爲故舉以譬况焉釋文引郭圖云水中自然可居者爲洲人亦於水甲

作洲而小不可止住者名湑水中地也御覽七十一
引舍人云湑人力水為居止臟腑按釋文湑郭述沒
二音是也

水中題上事也洲渚坻湑皆水中高地故題曰水中也

河出崑崙虛色白山海經曰河出崑崙西北隅虛山下基也發源處高激峻湊故水色白也

所渠并千七百一川色黃潛流地中汨漱沙壤所受百渠多眾水潤滑宜其濁黃

里一小曲千里一曲一直公羊傳曰河曲流河千里一曲一直

水經注引春秋說題辭云河之為言荷也荷精分布懷陰引度也考異郵云河者水之氣四瀆之精也初學記引孝經援神契云河者水之伯上應天漢又引穆天子傳河與江淮濟三水為四瀆河曰河宗四瀆之所宗也按爾雅既言四瀆而以九河終焉其意蓋在此也說文云河水出焞煌塞外崑崙山發原注海

釋文引郭音義云禹本紀及山海經皆云河出崑崙
山漢書曰張騫使西域窮河源其山多玉石而不見
崑崙也世人皆以此疑河不出崑崙按山海經曰東
望渤澤河水之所潛也其源渾渾泡泡又云敦蒙之
水注于渤澤出乎崑崙之西北隅實惟河源也西域
傳又云河有兩源一出蔥嶺山一出于閼于閼在南
山下其河北流與蔥嶺之河合東注鹽澤鹽澤一名
蒲昌海去玉門陽關三百餘里蘇軾注此有野
輪廣三四百里其水停冬夏不增減皆以爲潛行地
下而南出於積石山而爲中國河云然則河出崑崙
便潛行地下至蔥嶺及于閼復分流歧出也張騫所
見蓋謂此矣其去崑崙里數遠近所未得而詳也渤
澤卽鹽澤也又引郭圖讚云崑崙三層號曰天柱實
惟河源水之靈府按此以上釋文所引皆是古來相
傳舊說然於河出崑崙里數遠近靡得而詳新唐書
吐蕃傳載劉元鼎所經紫山直大羊同國虜曰悶摩
黎山卽古所謂崑崙距長安五千里而元史地理志
稱河源出吐蕃朵甘思西鄙名火敦腦兒譯言星宿

海也又言朵甘思東北有大雪山卽崑崙不知此乃積石山也康熙乾隆年間兩遣侍衛尋河源後乃得之阿勒坦郭勒之西遠出星宿海之上三百餘里其崑崙在今之回部所以知河出崑崙虛者一統志言西藏有岡底斯山在阿里之達克喇城東北三百十里直陝西西安府西南五千五百九十餘里乃西域記水經注所謂阿耨達山今名岡底斯山卽崑崙也河源紀略圖說詳矣近人徐松能言西域地形今採其說曰岡底斯山分爲四幹向西北者爲僧格喀巴布山譯言獅子口也繞阿里而北二千五百餘里入西域爲和闐南山及蔥嶺蔥嶺在今葉爾羌喀什噶爾境和闐南山在今和闐境和闐卽古干闐漢書西域傳言河有兩源一出蔥嶺一出于闐其實出蔥嶺者尙有南河北河之分與于闐河而三也今以新疆地形驗之和闐河二源皆出南山東源曰王隴哈什河西源曰哈喇哈什河二水分流經和闐城東西又北流二百餘里而合爲和闐河是爲河源之一蔥嶺南河者卽今葉爾羌河二源東源曰聽雜布河西源

曰澤普勒善河二水分東北流至葉爾羌城東南而合爲葉爾羌河是爲河源之二蔥嶺北河者卽今喀什噶爾河二源南源曰雅璊雅爾河北源曰烏蘭烏蘇河分東流至喀什噶爾城南而合爲喀什噶爾河是爲河源之三三源分東流至噶巴克阿克集而合爲塔里本河又東流一千四百餘里瀦爲羅布淖爾卽古鹽澤亦謂之蒲昌海也諸河水皆澄清無滓惟喀什噶爾河之北源烏蘭烏蘇色赤而濁而東至葉爾羌東北衡阿喇克之地亦清流見底故統謂之色白也又曰郭注引山海經作崐崙西北隅邵氏正義據今本作東北隅以郭爲譌非也按南山蔥嶺皆發脈於僧格喀巴布而僧格喀巴布實分幹於岡底斯山之西北隅故山海經謂之崐崙西北隅灼然明顯且後漢書張衡傳注及廣韻引此文皆作西北邵氏之說未可依據又曰崐崙虛者僧格喀巴布山西北趨千六百餘里爲蔥嶺蔥嶺環千八百餘里包西北之西以周其北外如半規中謂虛地故謂之虛余按徐以虛讀如字實則虛卽墟字故郭云山下基明其

旁池縣互諸山皆得崑崙之目故言河出崑崙虛也
釋文引李巡云河水始出其色白也孫炎云崑崙山
名也墟者山下之地白者西方之色也又引郭注有
發源處高激峻湊故水色白也十二字爲宋本所無
今據補離騷云朝吾將濟於白水兮登閭風而縹馬
後漢書注引河圖云崑崙山出五色流水其白水東南
流入中國名爲河然則白水卽河水故晉文投璧于
河而曰有如白水晉語卽作有如河水是其證也○
渠者說文云水所居川者釋文引李巡云水流而分
交錯相穿故曰川也色黃者孫炎云所受渠多轉流
溷濁故色黃水經注引物理論曰河色黃者衆川之
流蓋濁之也河源錄云自發源至漢地南北澗溪細
流旁貫莫知紀極然則渠川之水其數難詳千七百
者特舉大槩而言耳徐松曰河入鹽澤水皆清澈伏
流一千五百餘里東南至巴顏哈喇山麓伏流自崖
壁上涌出醴爲百道皆作黃金色東南流爲阿勒坦
郭勒譯言黃金河也○河隨山勢爲曲折千里百里
亦大槩言之耳釋文引李巡云水勢小曲乃大直也

故曰小曲水陰節每一曲一直通無極也故曰千里
 一曲一直郭引公羊文十二年傳云河曲疏矣河千
 里而一曲也何休注河曲流郭蓋兼引傳注又傳不
 言一直郭據爾雅加之也漢志太原郡陽曲應劭注
 云河千里一曲當其陽故曰陽曲也然則陽曲亦河
 曲之地名故傳云河曲疏矣河源錄云世言河九折
 彼地有二折朱思本云河源東北流歷西番至蘭州
 凡四千五百餘里始入中國又東北流過達達地凡
 二千五百餘里始入河東境內又南流至河
 中卿蒲凡一千八百餘里通計九千餘里

河曲此釋河耳謂之曲者河勢善曲其地疏闊隨處委折咸被斯名故題曰河曲也

徒駭今在成平縣太史未詳馬頰河勢上廣下覆覆舖

水中有狀如覆釜胡蘇蘇東光縣今有胡簡水道繫約繫約鉤

盤水曲如鉤高津水多阨狹可隔

盤流盤桓也

此釋九河之名徒駭者釋文及禹貢正義引李巡曰
禹疏九河以徒衆起故云徒駭孫炎曰禹疏九河此
河功難臆駭駭駭駭駭駭駭駭駭駭駭駭駭駭駭駭
成平縣者晉志成平屬河閒國漢志屬勃海郡今河
閒府交河縣東有漢成平故城按漢志成平虜池
河民曰徒駭河是虜池卽徒駭疑語倒竝聲之轉○
太史者釋文作大云謝音泰孫如字本今作太然則
古本作大是也詩般正義引李巡曰禹大使徒衆通
水道故曰太史孫炎曰大使徒衆故依名云爾雅釋
文引或云太史者史官記事之處按此蓋因大本作
太望文生訓耳李孫於義爲長導河書云太史在德
州安德縣東南經滄州臨津縣西明一統志在南皮
縣北○馬頰者釋文引李孫郭竝云河勢上廣下狹
狀如馬頰也元和郡縣志德州安德縣馬頰河在縣
南五十里平昌縣矜驄馬頰河在縣南十里按漢志
平原郡平原有篤馬河通典云馬頰在平原郡然則
篤馬豈卽馬頰之異稱今所未詳○覆鬴者釋文引
郭云鬴古釜字李孫郭竝云水中多渚往往而有可

居之處狀如覆釜之形通典云覆釜在平原郡界導
河書云覆釜在永靜軍阜成縣東經東光縣西北按
漢志阜成屬勃海郡○胡蘇者詩正義引李巡曰其
水下流故曰胡蘇胡下也蘇流也孫炎曰水流多散
胡蘇然也漢志勃海郡東光有胡蘇亭今河閒府東
光縣有漢東光故城光釋文及宋本竝誤作莞今據
詩書正義改正○簡者書正義引李巡曰簡大也河
水溪而大也詩正義引孫炎曰簡者水通易也彌敦
縣賈史記正義云簡在貝州歷亭縣界○絜者釋
文戶結反引孫郭竝云水多約絜又苦八反李云河
水多山石之苦故曰絜絜苦也諸証絜苦絜與
地廣記簡絜在臨津金史地理志南皮縣有潔河按
漢志勃海郡南皮莽曰迎河亭齊乘云滄州之南有
大連澱鰲斑齡鰲大殷南至西無棣縣百餘里間有
曰大河曰沙河皆瀕古隄縣城南枕無棣溝茲非簡
絜等河歟○鉤盤者釋文盤作般云本又作盤李本
作股云水曲如鉤折如人股偻禮振蟻故曰鉤股
孫郭同云水曲如鉤流盤桓不直前也直前也

氾勝二引叙無漢志平原郡般水經注河水故渠川脈
東入般縣為般河元和志棧州陽信縣鉤般河經縣
北四十里後漢書公孫瓚傳遂出軍屯槃河袁紹傳
還屯槃河章懷注槃即爾雅九河鉤槃之河也其枯
河在今滄州樂陵縣東南又云故河道在今德州平
昌縣界入滄州樂陵縣今名枯槃河○鬲津者釋文
引李云河水狹小可隔以為津故曰鬲津孫郭同云
水多阨狹可隔以為津而橫渡漢志平原郡鬲平當
以為鬲津元和志德州安德縣鬲津枯河在縣南七
十里平昌縣鬲津枯河南去縣二十里按鬲縣故城
在今德州北也

九河

禹貢兗州已云九河既道至于大陸又云

曰河流分兗州界文自明矣然九河從兗州而
分大陸以北明是再分故特言播鄭義似未了
也禹貢正義引漢書溝洫志成帝時河隄都尉
許商上書曰古記九河之名有徒駭胡蘇鬲津

今見在成平東光鬲縣界中自鬲津以北至徒駭其間相去二百餘里是知九河所在徒駭最北鬲津最南蓋徒駭是河之本道東出分爲八枝也許商上言三河下言三縣則徒駭在成平胡蘇在東光鬲津在鬲縣其餘不復知也爾雅九河之次從北而南旣知三河之處則其餘六者太史馬頰覆釜在東光之北成平之南簡帛鈎盤在東光之南鬲縣之北也其河填塞時有故道鄭禹貢注云周時齊桓公塞之同爲一河今河開弓高以東至平原鬲津往往有其遺處春秋寶乾圖云移河爲界在齊呂填關八流以自廣鄭蓋據此文爲說也言關八流拓境則塞其東流八枝并使歸於徒駭也按詩正義大意亦與此同而此爲賁備爾雅釋文引郭音義亦本鄭注而義稍略故舍彼引此也然則八流雖塞遺處猶存今驗青滄景德之間古隄沙阜舊迹宛然故溝渰志載韓牧以爲可略於禹貢九河處穿之縱不能爲九但爲四五亦有益而王

橫言河入勃海勃海地高於韓牧所欲穿處又
言九河之地已爲海所漸此妄說也古河隄處
今猶可見安得爲海所漸但自周定五年河徙
以來歷漢至今轉徙而南土淺沙浮潰決難制
禹河故道日就沈湮更數
百年始將不可復識矣

從釋地已下至九河皆禹所名也

自釋地已下几四篇此其總題也書呂荊云禹平水
土主名山川蓋禹敷土醺渠因而各制以名禹貢一
篇略可繫見或疑祭法黃帝正名百物以明民共財
物有定名其來舊矣然水經注言廬山有大禹刻石
無妨舊已有名
禹更新定爾

爾雅郭注義疏中之八

孫男聯

孫伯愷
薇近垣

校字